



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

167

✓ Ltan  
339

1999.1.17

Թիֆլիսի Ընկերութիւն հայերէն գրքերի հրատարակութեան

**ՄՈՐԻՍ ՔԼՈՔ**



**ԳՈՐԾՆԵԿԱՆ**

**ՏՆՏԵՍՈՒԹԵԱՆ**

ԹԱՐԳՄԱՆԵՑ

զանազան փոփոխութիւններով

**Ս. ՊԱԼԱՍԱՆԵԱՆ**



Թ Ի Ֆ Լ Ի Ս

Յ. ՄԱՐՏԻՆՈՍԵԱՆՑԻ ՏՊԱՐԱԿԱՆ

1881



Մ. Ա. ՄԱՐՏԻՆՈՍԵԱՆՑԻ  
ՄԱՐՏԻՆՈՍԵԱՆՑԻ ՏՊԱՐԱԿԱՆ  
ՄԱՐՏԻՆՈՍԵԱՆՑԻ

7  
725-



Дозволено цензурою. Тифлисъ. 22 Декабря 1880 г.

38 342

4 339-60

Типографія И. Мартиросіанца на Орб. ул. д. № 5.



### ՅԱՌԱԶԱԲԱՆ

Մեր դարը աշխատութեան դար է: Համարեա բոլոր մարդիկ աշխատում են, ոմանք գլխով, ուրիշները ձեռքերով, և ամենայն օգտակար աշխատութիւն իւր արժանաւոր վարձը ստանում է:

Աշխատութեան արդիւնքները փոխանակվում կամ մէկ ձեռքից միւսն են անցնում, մինչև որ վերջապէս սպառողին են հասնում: Սպառուիլ, այս է ահա այդ արդիւնքների վերջնական նպատակը:

Ուրեմն մարդ աշխատում է սպրելու համար, և կարելի է համարեա ասել, թէ նա ապրում է աշխատելու համար:

Յատուկ գիտնականներ, որոնք չպանի են «նրեւէ» անունով, ուսումնասիրել են աշխատութիւնը և նորա արդիւնքները. նորա ուշադրու-

Թեան արժանի դիտողութիւններ են արել այս կարեւոր խնդրի վրայ, որ ամէն մարդ պէտք է գիտենայ:

Այդ դիտողութիւնները համառօտապէս ամփոփուած են գրգռիկս հջերի մէջ: Հեղինակը աշխատել է որքան կարելի է պարզ ու հասկանալի ձևով ներկայացնել այդ տեղեկութիւնները, նա ջանացել է մատչելի անել նոցա քեզ շատ դարգացած երկտասարդներն և մինչև իսկ փոքրահասակ մանուկներն:

Նրկտասարդները սովորում են թէ ինչպէս պէտք է աշխատել, և քանի որ նոքա սովպուած են աշխատել իրանց սպրուստը ճարելու համար, պէտք է հարկաւ ծանօթանան աշխատութեան օրէնքներն, որոնք արտադրութեան օրէնքներն են. նոքա պէտք է գիտենան նոյնպէս թէ ինչ ճանապարհ են բռնում արդիւնքները արտադրողի ձեռքեց սպասողի ձեռքն անցնելու համար:

Այս փոքրիկ գերքը ուշի ուշով կարդալուց չետոյ, նոքա վերոյիշեալ նիւթերի վերաբերեալ տեղեկութիւնները կ'ունենան. այնուհետև քանի որ հասակները կ'առնեն, կը մնայ նոցա աւելի խորամուխ լինել անտեսական խնդիրներն մէջ և աւելի մանրամասն ու բազմակողմանի տեղեկու-

թիւններ ստանալ նոցա վրայ, չատկութիւն որեց այս գերքը, իբրև ժողովրդական ընթերցանութեան համար նշանակուած աշխատութիւն, հարկաւ դուրի պիտի լինէր:

Թարգմանիչը այս աշխատութիւնը հայ ընթերցողներն օգտակար անելու համար, հարկաւոր համարեց մի քանի նշանաւոր փոփոխութիւններ անել նորա մէջ: Բացի գրքի մէջ բերուած օրինակներեց, որ չաճախ պէտք եղաւ փոխել և նոցա տեղ ուրիշ չարմար օրինակներ դնել, նա ստիպուեցաւ շատ տեղ զանազան չառելուածներ ու չապաւուծներ անել. առաջինները վերաբերում են այն նիւթերն որոնց վրայ հեղինակը, իբրև Ֆրանսիացի ընթերցողներն ծանօթ ճշմարտութիւններ, հարեանցի կերպով է անցնում. վերջինները այնպիսի խնդիրներն, որոնք մեր կեանքի մէջ չլինելով՝ չէր էլ կարելի նոցա վրայ խօսք անել, կամ դոնեա զգալի փոփոխութիւններն ենթարկել և այնպէս առաջ բերել:

Գալով լեզուին, Թարգմանիչը խոստովանում է որ, որքան և աշխատել է, միշտ չէ չաջողել պահպանել այն բնականութիւնն ու կենդանութիւնը որ պահանջվում է ամենայն գրքից և մանաւանդ այնպիսի գրուածներեց որոնք ժողովրդական ընթերցանութեան համար նշանակուած

են: Այս ըղիտում է հարկաւ նիւթի նորութիւնից, որի բացատրութեան համար դժուար է երբեմն համապատասխան կենդանի ձևեր գտնել մեր լեզուի մէջ:

Գժուարութիւնը աչտտեղ աւելի էր մանաւանդ այն պատճառով որ դրբի մէջ բերուած անձինքը, ըսցի մէկից, որ քաղաքական տնտեսութեան տարրերը բացատրում է, ըտլորն էլ գիւղացիք են, որոնք ստիպուած են երբեմն այնպիսի բառեր և դուրբուածներ գործածել որ մասամբ դրագէտ քաղաքացոց համար էլ անսովոր են: Այս անտեղութեան առաջն առնել անկարելի էր եթէ մինչև անգամ գերբը գաւառաբարբառով թարգմանուած լինէր, միակ ընտանի լեզուն որով կարելի է խօսել գիւղացու հետ. այս դէպքում չիշեալ բառերն ու դուրբուածները աւելի խորթ կը հնչէին ընթերցողի ականջին:



## ՓՈՔՐԻԿ ԶԵՌՆԱՐԿ

### ԳՈՐԾՆԱԿԱՆ ՏՆՏԵՍՈՒԹԵԱՆ

#### Օգտակարութիւն եւ արժէք.

Մտքատը իւր հօր հետ գիւղից գնացել էր Թիֆլիս, ուր շատ նոր բաներ էր տեսել: Մի բան մանաւանդ դարմացրել էր նորան, այն է որ քաղաքում ջուրը փողով են ծախում:

Ընկերները չէին կամենում հաւատալ նորա խօսքին: «Այդ անկարելի է, ասում էին նորա, ջուրը ոչ ինչ չարժէ»:

Կէտնը որ ամէնից աւելի բան գիտէր, ասաց ծանրութեամբ. «Կարելի է փողով առնել ցորեն, սիմինդր, եգներ, սայլեր, տրեխներ, իսկ ջուր — այդ չլուած բան է. ջուրը հանում են գետից կամ ջրհորից»:

Եւ բոլոր ընկերները սկսեցին ծաղը անել Սմբատին:

Բայց Սմբատը ամենեին չկոտրուեցաւ: «Ջուրը, ասում էր նա, մի տեսակ օկճորների մէջ էր ածած, որ թ ու լ ու լ ս են անուանում, և ձիու վրայ բարձած, ջրկիրը այդ թուլուխներից ամէն մինը ծախում էր երկու շայով կամ տասը կոպէկով»:

Երեխաների վէճը ուսուցչի ականջին հասաւ: «Սմբատը իրաւունք ունի,» ասաց նա:

Այս խօսքի վրայ ընկերները ապշած մընացին:

«Ասացէ՛ք ինձ, երեխայք, շարունակեց ուսուցիչը, դուք կարո՞ղ էք առանց ջրի ապրել:

— Ա՛յ, ո՛չ, աղաղակեցին երեխաները ամէն կողմից:

— Ուրեմն ջուրը օգտակար է, մինչև անգամ անհրաժեշտ է մարդուս: Բայց ինչի՞ ջուրը փողով չէք առնում:

— Արովհետև ձրի ենք ստանում, ասաց Տիգրանը, որ պատրաստ էր միշտ պատասխանելու:

— ձշմարիտ է, շարունակեց ուսուցիչը. բայց եթէ ձրի չստանայիք, չէ՞ որ պէտք է փող վճարելէք: Այժմ տեսէ՛ք, մի մեծ գետ է

անցնում Թիֆլիսի միջով, որից ամէնին թոյլ է տրվում ջուր հանել, և սակայն ջրկիրին փող են վճարում: Ի՞նչ էք կարծում, իսկապէս ջուրն է վճարվում:

— Ո՛չ, այլ ջրկիրը, աղաղակեց դարձեալ Տիգրանը:

— Այո՛ արդարև ջրկիրը, կամ աւելի լաւ ասենք՝ նորա աշխատութիւնն է վճարվում: Նորան տալիս են երկու շայի իւր քաշած նեղութեան և դործ դրած ժամանակի համար ջուրը գետից բերելու: Բայց հարկաւոր չէ Թիֆլիս գնալ որ տեսնենք թէ ջուրը ծախվում է. հէնց այստեղ՝ մեր գիւղում ջուրը փողով է առնվում, թէև մենք մի փոքրիկ գետակ էլ ունինք:»

Ուսուցիչը այնպիսի ծանրութեամբ էր խօսում որ երեխաները չէին կարող կարծել թէ նա կատակ է անում. նորա լուռ նայում էին միմեանց երեսին:

Մի րոպէ կանգ առնելուց յետոյ, ուսուցիչը հարցրեց.

«Ո՞ր տեղից էք հանում ջուրը:

Նատ ձայներ միասին. — Ջրհորից:

— Այդ ջրհորը ինքն իրան է շինուել:

— Ո՛չ, մարդիկ փորել են նորան, ասաց



Սմբատը մեր ջրհորը 40 մանէթ է արժել:  
 — Լաւ ուրեմն, եթէ ջրհորը արժէլ է  
 40 մանէթ, և եթէ նա 20 տարի է բանում,  
 ջուրը ո՞րքան արժէ:

Շատերը. — 20ը 40ի մէջ, 2 անգամ:  
 երկու մանէթ տարին:

— Եւ մենք այստեղ չենք հաշվում ոչ  
 չուանները և ոչ դոյլերը (տօլչա):

«Ս, յն առարկաները որ գնվում կամ  
 փողով առնվում են, ասաց ուսուցիչը իւր խօս-  
 քին վերջ տալով, արժէք ունին, սորա հա-  
 մար է որ հարցնում են թէ ո՞րքան արժէ այս  
 ինչ առարկան, կամ ի՞նչ է նորա արժէքը:  
 Իսկ այն բաները որոնք ձրի են ստացվում,  
 ինչպէս օդը, անձրեւը, արեգակի ճառագայթ-  
 ները, օգտակար են, բայց արժէ՞ չունին:»

**Իրական և երևակայական  
 օգտակարութիւն.**

«Օդը, անձրեւը, արեգակի ճառագայթները  
 օգտակար են, բայց արժէք չունին, ասում  
 էր իրան իրան Լեոնը՝ ուսուցչի ասածների  
 վրայ մտածելով: Ի՞նչպէս թէ արժէք չունին:

Իմ խաղալիկները թէև օգտակար չեն բայց ար-  
 ժէք ունին, քանի որ նոքա փողով են առած:  
 Ուրեմն կան բաներ որոնք արժէք ունին, թէև  
 օգտակար չեն:»

Երեկոյեան, երբ Արշակն ու Տիգրանը կան-  
 չեցին Լեոնին չեղկափայտ խաղալու, առաւօ-  
 տուայ խորհրդածութիւնը միան եկաւ, և հար-  
 ցրեց իւր ընկերների կարծիքը:

Նոքա կանգ առին չիմանալով թէ ինչ  
 պատասխանեն:

Հէնց այդ միջոցին ուսուցիչը անց էր կե-  
 նում նոցա մօտով: «Պարոն ուսուցիչ, ասաց  
 Լեոնը ողջունելով նորան, արդեօք խաղալիկ-  
 ները արժէք ունի՞ն:

— Ոչ ինձ համար, որովհետև ես չեմ խա-  
 ղում, պատասխանեց նա:

— Բայց մեր հարեան Կիրակոս եղբայրը  
 նոյնպէս չէ խաղում, ասաց Արշակը, և սակայն  
 նա խաղալիկները փողով է առնում:

— Նա առնում է ծախելու համար, վը-  
 րայ բերեց Լեոնը:

— Կիրակոս եղբայրը, կրկնեց ուսուցիչը,  
 փողով առնում է խաղալիկները Թիֆլիսում, և  
 յետոյ մեր գիւղի մանուկներին փոքր ինչ ա-  
 ւելի գնով է ծախում, որպէս զև իւր աշխա-

տութիւնը վարձատրուի. շահած փողովը նա այնպիսի բաներ է առնում որոնք իրան օգտակար են:

— Բայց մենք, սասցին երեխաները, խաղալիկները առնում ենք խաղալու համար:

— Կասամիջոցներին, արձակուրդի ժամանակ, կրկնեց ուսուցիչը, խաղը թոյլ է տրվում, նա ձեզ զուարճութիւն է պատճառում, և դուք յօժար էք փող մխտելու պարզ զուարճութեան համար: Ահա այս պատճառով մի առարկայ որ զուարճութիւն է պատճառում կարող է նոյնպէս արժէք ունենալ: Զուարճութիւնը նոյնպէս ունի իւր օգտակարութիւնը. անշուշտ այս աւելի ստորին կարգի օգտակարութիւն է, որ պէտք է չափաւոր կերպով գործ դնել, և միայն այն ժամանակ երբ մարդ կամենում է աշխատութիւնից հանգստանալ: Կան դարձեալ առարկաներ որոնք արժէք ունին, թէև ձեզ և ինձ ոչ օգտակար են, ոչ էլ զուարճութիւն են պատճառում. բայց կը դրանուն ուրիշ անձինք որոնք այս կամ այն պատճառով կը ցանկան ձեռք բերել նոցա, և հէնց որ այդ անձինքը յօժարութիւն են յայտնում այդպիսի առարկաներ փողով առնելու, նոքա արժէք են ստանում:

ԼԵՒՈՆ. — Ուրեմն ինչ որ ծախվում կամ գնվում է արժէք ունի:

ՈՒՍՈՒՑԻԶՈ. — Աւելի ճիշդ կը լինի եթէ ասենք, թէ ամէն առարկայ կամ ամէն ծառայութիւն՝ որ մարդ պատրաստ է փող վճարելով ձեռք բերել, արժէք ունի: Յիշեցէք մի քանի առարկաներ որ մարդիկ փողով գնում են:

ՏԻԳՐԱՆ. — Հաց, կօշիկ, գիրք, ձի, և ուրիշ շատերը:

ՈՒՍՈՒՑԻԶՈ. — Յիշեցէք այժմ մի քանի ծառայութիւններ որոնց համար մարդ պատրաստ է փող վճարելու:

ԱՐՇԱԿ. — Վարուցանք, հունձք, կարք:

ԼԵՒՈՆ. — Ամէն աշխատութիւնները, ամէն գործաւորները, վճարվում են փողով:

ՈՒՍՈՒՑԻԶՈ. — Դուք աչքի առաջ ունիք միայն ձեռքի աշխատութիւնները. բայց կան նաև ուրիշ ծառայութիւններ որ փողով վարձատրվում են:

ԼԵՒՈՆ. — Բժշկին վարձ են տալիս:

ՈՒՍՈՒՑԻԶՈ. — Հապա զխտութիւնը արժէք չունի:

ԼԵՒՈՆ. — Ինչպէս չէ, ես շատ բաղդաւոր եմ որ կարգաւ գիտեմ:

ՏԻԳՐԱՆ. — Ես էլ՝ որ հաշուել զիտեմ:  
Մայրս ինձ է անել տալիս բոլոր հաշիւ-  
ները:

ՈՒՍՈՒՑԻՉԸ. — Ուրեմն մի անգամ էլ կըր-  
կենք. երևակայական օգտակարութիւն ունեցող  
առարկաներն ու ծառայութիւնները (այսինքն  
այնպիսի առարկաներ որոնք լոկ զուարճու-  
թեան համար են) արժէք են ստանում, հէնց  
որ մարդիկ յօժարութիւն են յայտնում փողով  
ձեռք բերելու նոցա:»

### Սեփականութիւն.

Այս խօսակցութիւնից մի քանի օր յե-  
տոյ, դասամիջոցին, մի մեծ վէճ ծագեցաւ ու-  
սումնարանի բակում Վեռնի և Արտաշէսի մէջ:  
Վեռնը մի վէզ էր գտել, և որովհետեւ Արտա-  
շէսը իւր վէզը կորցրել էր, սրահանջում էր  
որ գտնուած վէզը իրան արուի, ասելով թէ  
իրանն է: Իսկ Վեռնը հակառակն էր պնդում.  
Նա ասում էր թէ շատ վէզեր են կորչում, թէ  
հէնց ինքն էլ է կորցրել, և թէ շատ կարելի  
է որ իւր վէզերից մէկն է գտել:

Այն ժամանակ Տիգրանի մտքին եկաւ

Արտաշէսին հարցնելու, թէ արդեօք իւր կոր-  
ցրած վէզը ներկած էր թէ ոչ:

«Կարմիր գոյնով ներկած էր», պատաս-  
խանեց Արտաշէսը:

Վեռնը ցոյց տուեց որ իւր գտած վէզը  
ներկած չէ, և կարողացաւ իւր մօտ պահել  
նորան:

Ուսուցիչը որ ամէն բան լսել էր առանց  
երևան դալու, մօտեցաւ երեխաներին այս փոք-  
րիկ անցքից մի խրատ հանելու համար:

«Ես տեսնում եմ, ասաց նա, որ դուք  
հասկանում էք սեփականութեան իրաւունքը,  
թէև ոչ որ չէ բացատրել ձեզ այդ իրաւունքը:  
Եթէ ձեզանից մէկը մի փռռան է շինել իւր  
համար, կամ եթէ հայրը նորան մի ֆռիկ  
կամ մի բզզան է տուել, նա այդ փռռանի,  
ֆռիկի ու բզզանի վրայ նայում է իբրև իւր սե-  
փականութեան վրայ, որով կարող է անել ինչ  
որ կամենում է: Նա այդ սեփականութեան  
բացարձակ տէրն է, և պէտք եղած ժամանակը  
ուժով կը պաշտպանէ իւր իրաւունքը, ինչպէս  
կը պաշտպանէր իւր ականջները եթէ մէկը  
կամենար կտրել նոցա:

«Եւ շատ լաւ է որ այդ այդպէս է:

«Ինչե՞:

«Որովհետև մեր ունեցածը վայելելու ապահովութիւնը մեծ եռանդ և հաստատամտութիւն է տալիս մեզ. մարդ անդադար աշխատում է իւր ունեցածը աւելացնելու, և այսպէսով սեփականութիւնը արտադրութեան կրկնապատկուելու, երբեմն տասնապատկուելու և մինչև անգամ հարիւրապատկուելու պատճառ է դառնում. այնտեղ ուր առաջ հարիւր վայրենիք դժուարանում էին իրանց սնունդը դանելու, այժմ տասը հազար գերդաստան լեռութեան մէջ է ապրում, իւրաքանչիւրը իւր ըստացուածքն ու արուեստը ունենալով:

«Եթէ սեփականութիւն ասած բանը չլինէր, ոչ ոք ծառ չէր տնկիլ՝ որի պտուղները մի ուրիշը կարող էր գալ ու խլել. ոչ ոք սուն չէր շինիլ՝ որի մէջ մի ուրիշը իրաւունք կը համարէր իւր բնակութիւնը հաստատելու, ոչ ոք ձի չէր մեծացնիլ՝ եթէ հարւանք կարողանար տէր դառնալ նորան, ոչ ոք վուշ չէր ցանիլ՝ եթէ գործած կտաւից շապիկ չպիտի հագնէր:

«Կարող էք, սիրելիք, երևակայել մի այնպիսի երկիր ուր ամէն ոք կարող էր անպատիժ վերցնել ուրիշների ունեցածը, ուր Սըմբատը կարող էր խլել Սըշակի բզզանքը, և Տիգ-

բանը Լևոնի փռօսանքը՝ Կը ցանկայի՞ք ապրել այդպիսի երկրում:

— Ո՛չ, ո՛չ, ո՛չ, աղաղակեցին երեխայքը:

— Տեսնենք այժմ թէ ինչպէս կարելի է ձեռք բերել մի սեփականութիւն, այսինքն մի որ և իցէ առարկայ, մի դիրք, մի եզր, մի սունկամ մի հող որ արդէն մէկին պատկանում է:

— Գնելով ասաց Տիգրանը:

— Այսինքն նորոք փոխարէն մի ուրիշ բան տալով, ասաց Գորգիշը: Ուրիշ ի՞նչ կերպով:

— Ընծայ ստանալով, պատասխանեց Սըմբատը:

— Եւ ուրիշ միջոց չկայ:

— Կարելի է մի բան ժառանգութեամբ ստանալ, ասաց Սըշակը:

— Հայրս ասում է, կրկնեց Տիգրանը, թէ մեզանում տէրութեան օրէնքը թոյլ է տալիս սեփականել մի բան, որի բուն տէրը տասը տարուան ընթացքում ոչ ինչ բողոք չէ յայտնել:

— Այդպէս է, բայց լաւ չէ ուրիշի անհոգութիւնից կամ մոռացութիւնից օգուտ քաղել և գրաւել օտարի սեփականութիւնը: Ուրիշ է եթէ մի բան զանեա որ ոչ ոքի չէ

725

պատկանում, այդ ի հարկէ կարելի է սեփականել: Այսպէս, օրինակի համար, դեռ կան անբնակ երկրներ, ուր կարելի է մի հող զբաւել ու մշակել, շինել մի տուն և նորա մէջ բնակել, և այդ հողն ու տունը այն մարդու օրինաւոր սեփականութիւնն են դառնում, որ իւր քրտինքը թափել է նոցա վրայ:

«Այսպէս դարձեալ գետնի տակ եղած ջուրը ոչ ոքի չէ պատկանում, բայց եթէ ես մի ջրհոր փորել տամ, այդ ջրհորի մէջ մտած ջուրը իմն է, ես կարող եմ հարկ եղած ժամանակը տալ կամ ծախել նորան: Ես այդ ջուրը իմ աշխատութեամբ եմ ձեռք բերել, կամ որ նոյնն է՝ ուրիշի աշխատութիւնը վըճառելով այն փողով որ ուրիշ ձանապարհով շահեցի, և ինչ որ իմն է, կարող եմ ուզածիս պէս կարգադրել, իհարկէ յարգելով բարոյականութեան կանոնները:»

### Ի՞նչ է նշանակում աշխատել.

Անցեալ օր մի առողջ և ուժեղ մարդ գնացել էր ողորմութիւն խնդրելու պարոն Նահպաղեանից, որ շրջակայքի հարուստ կա-

լուածատերերից մէկն է: «Ինչպէս, ասաց պարոն Նահպաղեանը, ամօթ չէ՞ քեզ համար մուրացիանութիւն անել: — Ներեցէ՛ք, պարոն, անգործ եմ մնացել, պատասխանեց միւսը: — Ես քեզ գործ կը տամ, կրկնեց պարոն Նահպաղեանը: Վեր առ այս փայտերը բակի ձախ կողմից աջ կողմը կրէ և տասը շայլ կը ստանաս:» Մի քանի ժամում այդ գործը կատարուեցաւ, և պարոն Նահպաղեանը խոստացած փողը վճարելով՝ ասաց. «Եթէ էգուց էլ գործ չձարես, արի՛ ինձ մօտ:» Միւս օր մարդն եկաւ և պարոն Նահպաղեանը պատուիրեց նորան որ փայտը աջ կողմից ձախ կողմը կրէ, յետոյ փողը վճարեց: Այսպէս մի քանի օր շարունակ փայտը ձախից աջ կրուեցաւ և աջից ձախ, յետոյ մարդն էլ չերևեցաւ, թէև ամէն օր կանոնաւոր կերպով ստանում էր իւր տասը շային:

Պարոն Նահպաղեանը հեռուից հասկացրել էր նրան, թէ ազնուութիւն չէ ապարդիւն գործի համար փող ստանալ, և թէ այդ կը նպաստէ միայն մուրացիանութիւնը խրախուսելու:

Եւ մեր մարդը, որ փայտը մէկ կողմից միւսը տանելով էր զբաղուել, վերջապէս անտանելի համարեց մի աշխատութիւն, որ թէև

Տանր ու յոգնեցուցիչ էր, բայց ոչ ինչ օգտակար արդիւնք չունէր:

Այս անցքի մասին շատ խօսուեցաւ զիւղում, և ամէնքը համաձայնեցան որ «շխառեալ» համար՝ բաւական չէ ձեռքերն ու ոտքերը շարժել: Խաղի ժամանակ էլ կարելի է շատ յոգնել, ջանք ու ճիգ թափել, որովհետեւ կան խաղեր որ առանձին ճարտարութիւն են պահանջում: Իսկ աշխատութիւնը պիտի միշտ մի օգտակար նպատակ ունենայ, և այդ նպատակը մի բան «արտադրէ» է: Ոմանք արտադրում են երկիրը գործելով, նոքա ժողովում են երկրի արդիւնքները. ուրիշները գործում են երկաթէ, փայտը, կաւեղէնները և հազարաւոր ուրիշ բաներ և ստանում են ճարտարութեան արդիւնքներ. ուրիշները աշխատում են ապրանքներից հակեր շինելով, մէկ տեղից միւսը տեղափոխելով, մաս առ մաս ծախսելով, և որովհետեւ սոքա էլ ծառայութիւններ են մատուցանում, փողով վարձատրվում են: Ի՞նչպէս կը ստանայինք սուրճը Բրազիլիայից, պղպեղը Հնդկաստանից, տար մուշտակները Ռուսաստանից՝ եթէ վաճառականութիւնը չլինէր:

Այս բոլոր խօսակցութիւնը լսելուց յետոյ, հետեւեալ հարցը ծնաւ մանուկների մէջ:

«Հապա մենք ի՞նչ ենք արտադրում մեր աշխատութեամբ:

— Ի՞նչ էք արտադրում, ասաց ուսուցիչը որ հարցը լսել էր: Գուր արտադրում էք գիտութիւնն ու իմաստութիւնը, որոնք կ'օգնեն ձեզ կրթեալ ու բարի մարդիկ լինելու, և միջոց կը տան ձեզ աւելի հեշտութեամբ ձեր ապրուստը ճարելու, պատուաւոր կեանք վարելու և ձեզ և ուրիշներին օգտակար լինելու: Ես ինքս աշխատում եմ ուսուցանելով ձեզ, ինչպէս որ բժիշկն աշխատում է ձեր հիւանդութիւնները բժշկելով. կարելի է նոյնպէս աշխատել զուարճութեան առարկաներ արտադրելով, որոնք միշտ իրանց առնողները կ'ունենան, որովհետեւ եթէ մարդս աշխատում է, ներելի է նորան իւր զուարճութեան ժամերն էլ ունենալ:

### Աշխատութիւնը կարիք է.

«Ճշմարիտ է, հարցրեց մի օր Աւոնը, թէ կար ժամանակ որ ցորենը իրան իրան էր բուսնում ու աճում և թէ հարկաւորութիւն չկար ոչ ցանելու, ոչ էլ երկիրը մշակելու:

— Այդ անշուշտ այն ժամանակն էր, ասաց ուսուցիչը ժպտալով, երբ ցորենը իրան իրան էր հնձվում, իրան իրան ջաղացք գնում և աղվում, և երբ այն-րը հաց էր դառնում առանց խմորը հունձելու և առանց փուռը տաքացնելու:

— Ուրեմն ուղիղ չէ այն ինչ որ պատմւ-վում է հէքիաթների մէջ, ասաց Վեոնը:

— Ի հարկէ չէ:

— Բայց ծառերը իրանց իրանց են բուս-նում, ասաց մի երեխայ:

— Այո, պատասխանեց ուսուցիչը, բայց չէ՞ որ այդ տեսակ ծառերի պտուղները մանր ու անհամ են: Որպէս զև պտուղները խոշոր ու համեղ լինին, պէտք է որ ծառերը պատ-ուաստուին ու ամէն կերպով խնամուին, և այս բոլորը աշխատութեամբ է լինում:

— Միթէ ցորե՞նն էլ են պատուաստում, հարցրեց Վեոնի փոքրիկ եղբայրը:

— Ո՛չ, պատասխանեց ուսուցիչը, բայց հողը վարում են, ընտիր հատիկներով սեր-մում, և առ հասարակ արտը այնքան մշակում են որ հասկերը խոշոր և հատիկները լն լնին. այդպէսով միայն կարելի է այնքան ցորեն ըս-տանալ որ բաւական լինի բոլոր մարդկանց կե-

րակրելու: Եթէ հողը մշակուէր, գուցէ միայն մի քանի բարակ հասկեր դուրս գային, որ բա-ւական չէին լինիլ ամէնին կերակրելու:

— Այսպէս էլ նկատեց այն կողմից Ար-շակը որ ուշադրութեամբ լսում էր ուսուցչի ասածները, հագստեղէնը, տները, դրքերը և ուրիշ շատ բաներ ամենեւին չէին լինիլ եթէ մարդիկ չընենին նոցա:

— Ճմարիտ է, աղաղակեցին բոլոր երե-խաները միաբերան:

— Տեսնում էք ուրեմն, ասաց ուսուցիչը խօսքը վերջացնելով, որ աշխատութիւնը կա-րիք է մարդու համար: Առանց աշխատու-թեան մարդիկ ոչ բաւական սնունդ կ'ունենա-յին, ոչ բաւական հագուստ, ոչ էլ հազարա-ւոր ուրիշ օգտակար առարկաներ:

### Աշխատութիւնը պատուաւոր է.

Վեոնը մի րոպէ մտածելով այն բաների վրայ որ փոքր ինչ առաջ լսել էր, ասաց յան-կարծ. «Ծանր բան է աշխատելը:

ՈՒՍՈՒՅԻՉԸ. — Արդարև աշխատութիւնը շատ անգամ յոգնեցնում է մարդուն, բայց

Տոյլերին միայն ծանր է թվում աշխատելը:

— Եւ ծուլութիւնը ախտ է ասաց Արշակը:

— Այո՛, մեծ ախտ, կրկնեց ուսուցիչը:

Մարդս միայն այն աշխատութիւնը ծանր է համարում, շարունակեց նա, որ չսիրելով է կատարում: Բայց շատերը սիրում, կարելի է մինչև անգամ ասել, զուարճութիւն են զգում աշխատելու:

«Ի՞նչ էք կարծում, ի՞նչ կը լինէր եթէ մարդիկ հողը չմշակէին:

ԱՐՏԱՇԷՍ. — Սովից կը մեռնէին:

ՈՒՍՈՒՑԻՉԸ. — Եթէ աներ, հագուտներ չընէին:

ՏԻՔՐԱՆ. — Յրտից կը հիւանդանային:

ՈՒՍՈՒՑԻՉԸ. — Եւ եթէ հիւանդներին չբժշկէին, շատ տկարներ կը լինէին. եթէ երեխաներին չկրթէին, նոքա տղէտ ու չար կը մնային: Միով բանիւ, այն բոլոր անձինքը որոնք իրանց ձեռքերով կամ գլխով աշխատում են, օգտակար են, զանազան ծառայութիւններ են մատուցանում մեզ և մենք պէտք է պատուենք նոցա:

ԱՐՇԱԿ. — Եթէ ծուլութիւնը ախտ է, ուրեմն աշխատութիւնն առաքինութիւն է, այնպէս չէ՞:

ՈՒՍՈՒՑԻՉԸ. — Այդպէս է: Աշխատանքը շատ անգամ յոգնեցուցիչ է, երբեմն նաև դժուար, բայց պէտք է որ նշանակած աշխատութիւնը կատարուի: Կան անձինք որոնք չեն կարող աշխատել. նոցա տեղ ուրիշներն են աշխատում, որոնք և համարվում են նոցա բարերարները: Ահա այսպէս ծնողքը իրանց որդւոց բարերարներն են:

ԼԵՒՈՆ. — Իսկ երբ աշխատութեան համար փող են վճարում:

ՈՒՍՈՒՑԻՉԸ. — Փողով վճարուած աշխատութիւնը բարերարութիւն չէ, այլ օգտակարութիւն: Մենք բարերարութիւններ ընդունում ենք երբ այլպպէս չենք կարող անել, և այն ժամանակ պարտաւոր ենք երախտագէտ լինել. բայց միևնոյն ժամանակ մեր պատիւը պահանջում է ծառայութեան փոխարէն ծառայութիւն մատուցանել, օգտակար առարկայի փոխարէն օգտակար առարկայ: Կարելի էր համարեա ասել թէ մենք աշխատում ենք ուրիշների աշխատութիւնը վճարելու համար, որովհետև շատ անձինք պէտք է աշխատին որ մեր բոլոր պիտոյքները լրանան:



### Աշխատութեան բաժանում. —

#### 1) Իրողութիւնը.

Երեխայքը զարմացած էին թվում: Նոքա չէին կարող ըմբռնել այն տեսակ տեսակ աշխատութիւնները որոնք հարկաւոր են մեր ամէնօրեայ պիտոյքները լցուցանելու համար: Ուսուցիչը հարկաւոր համարեց մի քանի բացատրութիւններ տալ նոցա: Առնենք մէկ օրինակ: Գուք հագած ունիք մահուդէ շարվար, բամբակէ արխալուխ, կտաւէ շապիկ, կօշիկներ, և այլն: Խօսինք նախ մահուդի մասին, ինչնց է շինվում մահուդը:

Ա.ՐՇԱ.Կ. — Ոչխարների բրդից:

ՈՒՍՈՒՑԻՉԸ. — Պէտք է ուրեմն հովիւներ ու հօտաղներ լինին ոչխարները մեծացնելու համար: Երբ բուրդը խուզում, լուանում, մաքրում և զգում են, այդ բրդից . . .

Ա.ՐԱՄ. — Թե՛լ են մանում:

ՈՒՍՈՒՑԻՉԸ. — Մեղանում բուրդը տանն են մանում, իսկ լուսաւորեալ երկրներում այդ բանի համար մեքենաներ են գործ դնում, որոնց մէջ մանում են փայտը, երկաթը, կաշին: Քանի՞ մարդ է հարկաւոր այս բոլոր նիւթերը

պատրաստելու և միմեանց հետ յարմարեցնելու համար, իսկ երբ մեքենան պատրաստ է, քանի՞ ուրիշ մարդիկ բուրդը մանելու համար:

«Բայց թողնենք այդ և շարունակենք: Բուրդը մանուեցաւ, պէտք է ներկել նորան: Ո՞վ է ներկում մահուդը:

Լ.ՆԻՈՆ. — Ներկարարը:

ՈՒՍՈՒՑԻՉԸ. — Բայց ինչո՞վ: Նորան հարկաւոր են գոյն տուող նիւթեր, որոնցից մի քանիսը, ինչպէս լեղակը, հեռաւոր տեղերից են բերվում, այն էլ պէտք է արտադրել նոցա, որովհետեւ իրանք իրանցից չեն գոյանում:

«Թե՛լը ներկելուց յետոյ, պէտք է մահուդը գործել: Այս բանի համար ջուլճակը ուստանի պէտք ունի. այդ ուստանը բաղկացած է փայտից, երկաթից, կաշուց, որոնցից իւրաքանչիւրը տարբեր գործաւորների ձեռքով են արտադրուել:

«Վերջապէս մահուդը գործուեցաւ, ծախուե հանուեցաւ, և տարուեցաւ դերձակի խաւնութը, որ հագստեղէն կարելու համար՝ մրկւրատի, ասեղների ու թելը հարկաւորութիւն ունի: Ո՞րքան մարդիկ են հարկաւոր այս իրեղէնները արտադրելու համար:

«Խօսինք այժմ արխալուխի վրայ:

ԼԵՒՈՆ. — Բամբակը, որից շինուած է արխալուխը, մեր երկրում՝ Հայաստանումն է դուրս գալիս, այնպէս չէ՞, պարոն ուսուցիչ:

ՈՒՍՈՒՑԻՉԸ. — Հայաստանում և ուրիշ շատ հեռաւոր երկրներում, ինչպէս են Ամբիկան, Հնդկաստանը, Նզիպոսը, և այդ երկրները գնալու համար պէտք է ծով ու ցամաք անցնիլ: Ի՞նչպէս են ճանապարհորդում ծովի վրայ:

ԱՐՇԱԿ. — Մեծ նաւերով:

ՈՒՍՈՒՑԻՉԸ. — Շատ մեծ նաւերով: Եւ որքան մարդ է հարկաւոր մի նաւ շինելու համար. որքանը՝ փայտը, երկաթը, պղինձը, պարանները, առագաստները, պաշարեղէնները ձեռք բերելու համար: Քանի՞ մարդիկ քննել, դնել, տքնել, հաշուել, ամէն կերպով աշխատել են մինչև որ հնարաւոր է եղել նաւը անվտանգ տանել ծովի ալեքների վրայ:

«Տեսէ՛ք, ես ձեզ խօսում էի երկաթի վըրայ. բայց մի հատը միայն ունենալու համար այն բեւեռներից որ գործ են դնում նաւերի շինութեան մէջ, հարիւրաւոր կամ գուցէ հարաւոր մարդիկ են հարկաւոր:

«Պէտք է նախ գետինը փորել երկաթի նիւթը հանելու համար, որ դուրս է գալիս

մանր փոշիի ձևով հողի կամ քարերի հետ խառն: Պէտք է սայլեր պատրաստել և ձեաններ մեծացնել դուրս բերուած հանքը գործատուն տանելու համար (որքան մարդիկ են շինել գործատունը): Գործատան մէջ երկաթի հանքը հալում են ածուխով (որքան մարդիկ բանել են ածուխը այրելու համար): Հալած երկաթը ձողերի են փոխակերպում փռների մէջ: Այս կերպով պատրաստուած ձողերը բերվում են բեւեռագործի մօտ որ ունի իւր դարբնոցն ու փուքսը, որ ուրիշ արհեստաւորներ են շինել մուրճեր, ունեղքներ և ուրիշ գործիքներ, որոնք նոյնպէս իրանց իրանց չեն շինուել, վերջապէս ածուխ կամ, ուր որ փայտը թանգ է քարածուխ, որ մեծ աշխատանքով գետնի տակից են հանում:

«Մէկ խօսքով ասեմ, եթէ կարելի լինէր ճիշտ հաշուել թէ որքան մարդիկ աշխատել են արտադրելու այն շրերը որ Տիգրանը կամ Արամը հագած ունի, գուցէ 100,000 հողի գտնէինք, ո՞վ գիտէ գուցէ նաև աւելի, և ոչ պակաս:

«Շուտով կը տեսնենք թէ ինչի համար աշխատութիւնները այդպէս բաժանուած են:

Աշխատութեան բաժանում. —

2) Պատճառք.

Մի օր մանկելով հարևանի տունը, ուսուցիչը լսեց որ Արամը ասում էր իւր հօրը. «Քայց եթէ վողը պէտք է շատ խնայելով մըսխել, ինչի՞ մենք ինքներս չենք շինում մեր հագուստներն ու կօշիկները, մեր սայլերն ու բահերը:»

Հայրը պատասխանեց. «Որովհետև մենք չենք կարող այդ բոլոր բաները շինել:

— Այդ բաւական չէ, աւելացրեց ուսուցիչը, այլ այն ժամանակ այդ բաները մեզ աւելի թանգ կ'արժէին:»

Եւ որովհետև բոլոր տան մէջ եղողները զարմացած էին թվում, ուսուցիչը դարձաւ հարցրեց Արամի մօրը. «Ասացէ՛ք, խնդրեմ, որքան ժամանակ հարկաւոր կը լինէր ձեզ բուրդ մանկու, կտաւեղէն գործելու և հագստեղէն կարելու ամբողջ ընտանիքի համար:

— Գուցէ 200 օր, պատասխանեց Արամի մայրը:

— Եւ որքան արժէ մի օրուայ աշխատանքը:

— Երկու արասի:

— Երկու հարիւր օրը կ'անէ չորս հարիւր արասի կամ 80 մանէթ:

«Իսկ եթէ խանութից առնէիք, այդ հագուստները ձեզ հաղել 30 կամ 40 մանէթ արժէին:

«Եւ եթէ դուք ամբողջ օրը մանէիք, գործէիք ու կարէիք, ո՞վ կը մաքրէր ձեր տունը, կ'եփէր կերակուրը, կը կթէր կովերը:

«Հապա դուք, բարեկամ, հարցրեց նա Արամի հօրը, կարո՞ղ էիք այնպէս շուտ շինել մի գութան ինչպէս դարբինը:

— Ի հարկէ ոչ:

— Եւ որ տեղից կ'առնէիք երկաթը, գետնի տակից կը հանէիք ու կը ծեծէիք նորան, ինչպէս նաև պղինձը և ուրիշ մետաղները որ կարող էին պէտք դալ ձեզ:

«Ուրեմն շատ լաւ է, շարունակեց ուսուցիչը, որ աշխատութիւնները բաժանուած են մարդկանց մէջ, որ ոմանք միայն բահեր են շինում, ուրիշները դարձեալ ժամացոյցներ, գրքեր, կօշիկներ: Մարդս միշտ միւլենոյն բանը շինելով, թէ արագ և թէ լաւ է շինում:

— Այժմ հասկանում եմ, ասաց այն կողմից Արամը, թէ ինչի համար երբեմն միւլենոյն

նախադասութիւնը մի քանի անգամ գրել էք տալիս ինձ:

— Ուղիղ նկատեցիր, կրկնեց ուսուցիչը ժպտալով:

Յետոյ շարունակեց. «Ով որ շատ նախագասութիւններ կ'ունենար գրելու ուրիշներին ծախելու համար՝ կը հնարէր սպազրութիւնը, կամ գուցէ միայն երկաթէ գրիչները: Այն մարդը որ միշտ միենոյն գործն է կատարում, անդադար աշխատում է այդ գործը աւելի հեշտացնել ու արդիւնաւոր անել, նա հնարում է զանազան գործիքներ ու մեքենաներ. մեքենաններով մարդս հազար կամ տասը հազար անգամ աւելի արագ է բանում քան ձեռքերով: Տեսէք, օրինակի համար, առաջ մարդը ինքն էր շալակում բեռները. յետոյ նա ընտելացրեց ձիուն որ երկու կամ երեք անգամ աւելի ծանրութիւն է տանում, ապա հնարուեցաւ սայլը որ տասն անգամ աւելի բեռն է կրում. վերջապէս եկաւ շոգեկառքը որ հազար անգամ աւելի է տանում, այն էլ ամենամեծ արագութեամբ:

— Ի՞նչպէս են կոչվում այն մարդիկը որոնք շինում են շոգեշարժ մեքենաները, հարցրեց մի երեխայ:

— Նորա մեքենագործ են կոչվում, պատասխանեց ուսուցիչը:

— Մեքենագործ, ասաց Տիգրանը: Ուրեմն Սրշակի մեծ եղբայրը, որ այսքան տարի է մեր գիւղից գնացել է, շոգեշարժ մեքենաներ է շինում:

— Այո՛, բայց ոչ ինքը մենակ: Մէկը որ սովորել է մաթեմատիկական գիտութիւնները և մեքենաբանութիւնը, յատակագիծն է կազմում. միւսը մեքենան նկարում է թղթի վրայ փոքր ձևով, յետոյ բաժանում են նորան զանազան մասերի և իւրաքանչիւր արհեստաւոր միայն մի կտորն է շինում, այն էլ միշտ միենոյն կտորը, որպէս զի սովորի լաւ և շուտ շինել: յետոյ ուրիշ մարդիկ գալիս են, որ այդ կտորները իրարու հետ յարմարացնում են և ամբողջ մեքենան դուրս բերում:

— Այդ տեղ էլ նոյնն է լինում ինչ որ մի մեծ կալուածի մէջ, ասաց իւր կողմից Աւրամի հայրը. այն տեղ կայ հովիւ ու հօտաղ, մի կամ աւելի սայլապաններ, հերկողներ, ցանողներ ու հնձողներ և ուրիշ շատ մշակներ, որոնցից ամէն մէկը իւր յատուկ գործն ունի, և այս բոլոր մարդկանց ու կանանց կառավարում է կալուածատէրը կամ իւր գործակալը,

որ կարող է շատ գործ ունենալ, թէև նա ոչ գութանի մաճն է բռնում, ոչ էլ ուրիշ գործիքի մօտենում:

— Այժմ կարող ես ասել, Արամ, ասաց ուսուցիչը, թէ ինչի՞ համար սահմանուեցաւ աշխատութեան բաժանումը:

— Արպէս ղե ամէն մարդ կարողանայ աւելի լաւ, աւելի արագ և աւելի աժան գնով արտադրել:»

Մի քանի օրից յետոյ, Արամը առիթ ունեցաւ ցոյց տալու իւր ընկերներին որ օգուտ է քաղել այս խօսակցութիւնից:

### Փոխանակութիւն.

Տօնավաճառի օր էր, և գիւղե երեխայքը ազատ էին: Մտառը գրպանները վէզերով լըցրեց և դուրս եկաւ տանից մի խաղընկեր գտնելու: Նա պատահում է Արշակին, որ փողոցում կանգնած պտոյտ էր տալիս իւր Ֆռիկը: Մտառը շատ է հաւանում Ֆռիկին և նորա փոխարէն վէզեր է առաջարկում. բայց Արշակը չէ համաձայնում, որովհետև միայն մի Ֆռուիկ ունէր: Մտառը առաջարկում է նորան

հետզհետէ տասը, տասնհինգ, քսան վէզ, բայց բոլորը զուր եղաւ: Այդ միջոցին վըայ հասաւ Արամը, որ լսելով իւր ընկերների խօսակցութիւնը ընդունում է Մտառի առաջարկութիւնը, որովհետև ինքը երեք Ֆռիկ ունէր, և երեք երեխաները սկսեցին իրանց Ֆռիկները պտոյտ տալ:

Բայց անկարելի էր հանգիստ խաղալ այդ օրը. մտորիկ ու սայլեր անդադար անց ու դարձ էին անում փողոցով, և շուտով Մտառը, Արշակն ու Արամը Ֆռիկները գրպանները դրին և բաղմութեան հետ գնացին մինչև տօնավաճառի տեղը:

Այնտեղ ամէն տեսակ ապրանքներ շարուած էին. ոմանք ծախում էին կօշիկներ, ուրիշները արեխներ, այստեղ գուլպաներ, այնտեղ դանակներ, ուրիշ տեղ դարձեալ շաքարէ հացեր, արխալուխներ, բահեր, և հազարաւոր ուրիշ բաներ:

Այս տեսակ տեսակ ապրանքները յիշեցրին Արամին իրանց տանը լած խօսակցութիւնը աշխատութիւնների բաժանման վըայ, և նա խօսք բաց արեց այդ մասին իւր ընկերների հետ: Սոքա իսկոյն հասկացան որ երբ մտառը աւելի առարկաներ է արտադրում քան որքան իրան հարկաւոր է, փոխանակում է նոցա ու-

ըիշ առարկաների հետ որ ինքը չունի կամ  
դժուարութիւն կը քաշէր արտագրելու: Չէ որ  
փոքր ինչ առաջ նոյն պայմանների մէջ փոխա-  
նակուել էին վէդերն ու Ֆռիկները:

Բայց ինչ անես որ ոչ ոք չէր համաձայ-  
նիլ շաքարէ հաց կամ միրգ տալ նոցա իրանց  
վէգերի կամ Ֆռիկների փոխարէն:

Ինչի՞:

Հարկաւոր չէր բացատրել նոցա այդ բանը:  
Ի՞նչ կ'անէր քաղցրավաճառը կամ մրգավաճա-  
ռը նոցա խաղալիկներով:

«Ա՛խ, երանի՛ թէ փող ունենայինք:

— Երբ որ կը մեծանանք, փող կը վա-  
տկենք:

— Բայց ինչի՞ կարելի է ամէն բան գնել  
փողով, ասոց Սմբատը:

— Դորդ, ինչի՞, կրկնեցին միւսները:

— Գնանք հարցնենք մեր ուսուցչին, աս-  
աց մէկը, ահա նա գալիս է:»

Երեխայքը շրջապատեցին իրանց դաս-  
տիարակին:

«Պարոն ուսուցիչ, ինչի՞ ամէն բան կարե-  
լի է գնել փողով:

— Նախ և առաջ, պատասխանեց ուսու-  
ցիչը, ամէն բան չէ կարելի փողով գնել. կը

համաձայնէիք ծախել, օրինակի համար, ձեր  
ականջները:

— Ո՛հ, ոչ, պատասխանեցին երեխայքը  
միարեւրան:

— Ուրեմն միայն այն բանը կարելի է  
փողով առնել ինչ որ ծախու է: Եւ ինչի՞ հա-  
մար այս վաճառականը կամենում է ծախել  
իւր դանակները:

— Փող ունենալու համար, եղաւ երե-  
խաների պատասխանը:

— Եւ ի՞նչ պիտի անէ նա այդ փողով,  
արդեօք պիտի ուտէ՞. փորձեցէք ուտելու այս  
աբասանոցը:

— Նա փողը չի ուտիլ, այլ հաց ու միս  
կը գնէ նորանով, պատասխանեց Սմբատը:

— Կամ շորեր կ'առնէ, աւելացրեց ու-  
սուցիչը, կամ տան վարձը կը վճարէ, կամ եր-  
կաթ և կամ ուրիշ բան կը գնէ:

«Այժմ գուցէ թէ ինքն էլ դեռ չէ լիմա-  
նում թէ ինչ կը գնէ: Շատ կարելի է որ նա  
ամէն տեսակ բաների պէտք ունի, և երբ փող  
ունենայ, կը մտածէ թէ ինչպէս դործածէ այդ  
փողը:»

Այդ միջոցին մի քանի անձինք եկան և  
սկսեցին խօսել ուսուցչի հետ, որ ստիպուեցաւ

հեռանալ իւր աշակերտներէից: Գնալիս նա հը-  
րաւիրեց երեխաներին որ երեկոյեան մի քանի  
ընկերներ չհետ իւր մօտ գան խօսակցութիւնը  
չարունակելու համար:

### Փող.

Երեխայքը նշանակուած ժամին հաւա-  
քուել էին իրանց դաստիարակի մօտ: Նորա  
դեռ լաւ չէին ըմբռնել թէ ինչպէս է լինում  
որ ամէն բան կարելի է փողով առնել: Աւսու-  
ցիչը վերցրեց երկու կտոր չուան և ասաց.  
«Ի՞նչ պէտք է անել որ իմանանք թէ այս եր-  
կու չուաններից ո՞րը աւելի երկար է:

ԵՐԵԽԱՅՔԸ. — Պէտք է չափել նոցա:

— Ինչո՞վ պէտք է չափել:

ԲՈՒՈՐԸ. — Արշէնով:»

Չափեցին և գտան որ չուաններից մէկը  
տասնմէկ արշին երկարութիւն ունէր, իսկ  
միւսը միայն տասն արշին:

Աւսուցիչը շարունակում է. «Ահա երկու  
դոյլ, մէկը կարճ է ու լայն, միւսը երկայն ու  
նեղ, ո՞վ կարող է ասել թէ ո՞րը աւելի ջուր  
կը պարունակէ:»

Երեխայքը զանազան կարծիքներ յայտնե-  
լով, հարկ եղաւ դոյլերը չափել վերցրին մի  
շէշ և շուտով երևեցաւ որ դոյլերից մէկը հինգ  
շէշ ջուր էր պարունակում և միւսը վեց:

«Ի՞նչքա՞ն պիտի թէ ինչի համար փողով  
են բան առնում,» հարցրեց ուսուցիչը:

Երեխայքը միմեանց երեսին նայեցան. նո-  
քա դեռ չէին հասկացել:

Աւսուցիչն ասաց. «Ես ձեզ կ'օգնեմ, սի-  
րելիք: Ահա մի սեղան և մի աթոռ, սոցանից  
ո՞րը աւելի թանկ արժէ: Չգիտէ՞ք, ես ձեզ ա-  
սեմ. սեղանը արժէ 4 մանէթ, իսկ աթոռը  
1 մանէթ 50 կոպէկ:

Այժմ ասացէ՛ք, ո՞րը աւելի արժէ:

ԵՐԵԽԱՅՔԸ. — Սեղանը:

ՈՒՍՈՒՑԻՉԸ. — Եւ ո՞րքանով:

ԵՐԵԽԱՅՔԸ. — 2 մանէթ և 50 կոպէկով:

ՈՒՍՈՒՑԻՉԸ. — Դուք տեսնում էք որ ես

մանէթանոցը գործ դրի սեղանի ու աթոռի  
արժէքը չափելու կամ որոշելու համար:»

Մտաւոր այս բացատրութիւնը լսելով՝ ա-  
սաց. «Մէկ ֆոխիկը արժէ 5 կոպէկ, և 5 կո-  
պէկով կարելի է 15 վէզ առնել. ուրեմն այս  
առաւօտ ես Արամին 5 վէզ աւելի եմ տուել:  
Երանի՛ր թէ այդ բանը զիտենայիս»

Արամը անհանգիստ էր թվում, նա արդէն վախենում էր որ կը ստիպուի օ վէզը յետ դարձել:

Ուսուցիչը հանգստացրեց նորան ասելով. «Եթէ փոխանակութիւնը երկու կողմերի ազատ համաձայնութեամբ է լինում, վաւերական է և այլևս չէ կարելի նորա մասին խօսք անել:»

Օրինաւորութիւնը բաւական եղաւ Արամի խիղճը հանգստացնելու, բայց այդ միշտ բաւական չէ. պէտք է ոչ միայն օրէնքի՝ այլ և արդարութեան համաձայն վարուիլ:

Այս էլ կայ որ, ինչպէս ուրիշ անգամ կը տեսնենք, մի առարկայի արժէքը յաճախ փոխվում է, և զինը չէ յայտնում թէ առարկան ինչ արժէ ամէն ժամանակ, այլ թէ ինչ արժէ նա գնուելու կամ փոխանակուելու բոլորին:

«Բայց ինչի՞ պղինձը, արծաթը կամ ոսկին գործ են ածում առարկաների արժէքը որոշելու համար,» հարցրեց Արամը:

— Այդ շատ հեշտ է բացատրել, պատասխանեց ուսուցիչը: Մի ժամանակ ասում էին. այս ինչ բանը արժէ երկու ոչխար, օ գառը, կամ 2 եղ, 3 կով. բայց այդ շատ անյարմար փող էր, որովհետև չէր կարելի նորան ոչ զրպանը գնել, ոչ էլ մանր կտորների

բաժանել: Եթէ ոչխարը 2, 3, կամ 8 կտոր բաժանուէր, այդ կտորները չէր կարելի երկար ժամանակ պահպանել. իսկ եթէ ոչխարը ողջ պահուէր, պէտք կը լինէր կերակրել նորան:

«Չնայելով այս անյարմարութեանը, մարդիկ երկար ժամանակ կենդանիներն ու բնական բերքերը փողն տեղ էին գործ դնում: Այսպէս, Հովերոսի դարում առարկաների արժէքը որոշվում էր եզներով, հին Գերմանացւոց մէջ ձիաններով, Ռուսաստանում, մինչև տասնեօթներորդ դարը, կզաքիսի մորթով, Գանիայում — ցորենով: Այսօր իսկ, Պարսկաստանի թափառական ցեղերի մէջ արժէքը որոշվում է ոչխարներով, կամ երբեմն նաև ցորենով, յարգով ու բրդով. իսկ Աֆրիկայի ներսերը նոյն նպատակի համար գործ է ածվում աղը, որ այն կողմերը հազուադիւս է և կարավաններով է բերվում: Ուրիշ տեղեր էլ կան ուր փողն տեղ մի տեսակ խեցի են գործածում, որին հօբ են ասում. բայց որովհետև այդ խեցիից շատ են գտնում, պէտք է մի պարկ այդ տեսակ փող մի եզ գնելու համար, և այս յարմար չէ:

«Այն ինչ մետաղները այդպիսի քանակութեամբ չեն գտնվում, նոքա երկար ու ծանր աշխատանքով են ստացվում, պահպանվում են



այնքան ժամանակ որքան մարդ կամենայ, և կարելի է բաժանել նոցա մանր կտորների, ուրոնց արժէքը իրանց կշռի համաչափ կը լինի:

«Հասկանում էք այժմ, հարցրեց ուսուցիչը:

«Այո՛, հասկանում ենք, ասաց Սմբատը. փողով չափում են առարկաների իսկական արժէքը:

— Աւելի լաւ կը լինէր ասել, նկատեց ուսուցիչը, թէ փողով յայտնում են առարկաների իսկական արժէքը, որովհետեւ արժէքը փոփոխութեան ենթակայ է: Բայց բառերի վրայ չվիճենք:

— Բացի սորանից, աւելացրեց Արամը, փողը կարելի է պահել մինչև որ մարդ հարկաւորութիւն ունենայ մի բան գնելու:

— Այս էլ կայ որ ամէն մարդ ընդունում է փողը, ասաց ուսուցիչը իւր կարգին, որովհետեւ փոխանակութիւնները հեշտացնելու լաւ միջոց է. ուրիշ ոչ մի նիւթ չէ կարող նոյն ծառայութիւնը անել, որովհետեւ փողի նման ոչ ինչ չէ կարող առարկաների իսկական արժէքը որոշել:

### Գին. — Արտադրութեան ծախքերը.

Դուք գիտէք այժմ, շարունակեց ուսուցիչը, որ փողով ամէն տեսակ ապրանք կարելի է առնել, եթէ միայն առնողն ու ծախողը գնի վրայ համաձայնում են: Բայց ձեզանից ոչ ոք չմտածեց հարցնելու թէ ինչի ապրանքների գինը երբեմն բարձրանում է և երբեմն իջնում:

Նրեխայքը, ճշմարիտ է, այդ բանի վրայ չէին մտածել, բայց դժուար չէր նոցա հասկանալ, որ մի կով աւելի թանգ պիտի արժէր քան մի հորթ և մի սեղան աւելի թանգ քան մի ֆուխ:

Բայց ինչի՞ համար:

Նրեխայքը նկատեցին նախ՝ որ այդ առարկաներից մէկը միւսից մեծ է, և երկրորդ որ աւելի ժամանակ ու աշխատութիւն է հարկաւոր մի սեղան շինելու քան մի ֆուխ:

«Աւ աւելի փայտ, աւելացրեց ատաղձագործի որդին, և փայտը այժմ թանգ է:

— Տեսնում էք, ասաց ուսուցիչը, թէ սեղան շինելու համար հարկաւոր է փայտ որ փող արժէ, հարկաւոր է նոյնպէս մի քանի ժամանակ աշխատել, և այդ միջոցում ատաղ-

ձագործը ուտում է, խմում է, շորեր է մաշում,  
և այս բոլոր բաները նա չէ կարող ձեռք բե-  
րել առանց փող մտնելու:

«Նոյնը պէտք է հասկանալ ուրիշ ամէն  
առարկաների համար, այսինքն թէ ոչինչ չէ  
կարելի արտադրել առանց ծախքեր անելու.  
կան առարկաներ որոնց արտադրութիւնը քիչ  
ծախք է պահանջում, կան էլ՝ որոնք շատ ծախք  
են պահանջում: Թրինակի համար, մի թի կամ  
փայտէ գդալներ որ ձեռքով են շինվում՝ պա-  
կաս արժէնքան մի ոչխար, որովհետեւ քիչ  
փայտ է հարկաւոր մի գդալ շինելու համար և  
մի օրում կարելի է շատ գդալներ շինել, մինչ-  
դեռ երկու կամ երեք տարի է հարկաւոր և  
շատ խոտ մի ոչխար մեծացնելու համար: Նոյն-  
պէս եզը աւելի թանգ է քան ոչխարը, որով-  
հետեւ աւելի խոտ է սպառում մինչև մե-  
ծանալը և աւելի երկար ժամանակ է կերա-  
կրում իւր տիրոջը կամ տէրերին: Եւ եթէ հա-  
մեմատելու իննիք այս փոքր գրքոյկը այն մեծ  
գրքի հետ, իսկոյն կը հասկանանք թէ ինչի մե-  
կը 1 մանէթ արժէ, իսկ միւսը միայն 25 կոպէկ:

«Արեմն, երբ վաճառանոցում ապրանքներ  
ենք տեսնում և կամենում ենք մեզ ու մեզ նո-  
ցա գինը որոշել, սկսում ենք նախ հաշուել

արտադրութեան ծախքերը, այսինքն թէ այդ  
ապրանքները որքան են արժեք կամ, ինչպէս  
մեղանում ասում են, ի՛նչ են նստել ծախողին:

Ինչի՞ համար:

ԱՐԱՄ. — Որովհետեւ ոչ ոք չի համաձայ-  
նիլ իւր ապրանքը նստած գնից պակաս ծախել:

ՈՒՍՈՒՅԻՉԸ. — Ի հարկէ այդպէս է. եթէ  
ծախողը իւր ապրանքը արժած գնովը տայ,  
կը վնասուի և չէ կարող իւր առուտուրը եր-  
կար շարունակել: Այս պատճառով, մի ապրանք  
գննելիս՝ պէտք է ամէնից առաջ աշխատել նոյն  
ապրանքի արտադրութեան ծախքերը գնա-  
հատելու:

### Գին. — Առաջարկ և պահանջ.

Մի հարեան, որ կամացուկ ներս էր  
մտել մինչ ուսուցիչը այս բացատրութիւնները  
տալիս էր, խառնուեցաւ խօսակցութեան մէջ  
և ասաց. «Բայց ապրանքը իւր արժած գնով  
չէ կարելի ծախել. ի՞նչպէս էք կամենում որ  
ես առանց վաստակի բան ծախեմ:

ՈՒՍՈՒՅԻՉԸ. — Անշուշտ, պատասխանեց  
ուսուցիչը, և ես կամենում էի հէնց այդտեղ

դալ: Ոչ ոք, արդարեւ, չէ բաւականում, եթէ միայն կարող է, իւր արած ծախքերը հանելով: Եթէ մէկը մի օգտակար բան է արտադրել, վաստակը օրինաւոր է. բանն այն է միայն թէ որքան պէտք է վաստակել:

ՀԱՐՆԻԱՆՐ. — Ամէն մարդ աշխատում է որքան կարելի է աւելի վաստակել:

ՈՒՍՈՒՑԻՉԸ. — Այո՛, բայց պատուաւոր կերպով:

ՀԱՐՆԻԱՆՐ. — Այդ ինքնըստինքեան հասկանալի է: Երբ ես բան եմ ծախում, պէտք է փոքր ինչ իմ կողմը քաշեմ, քանի որ գնողն էլ իւր կողմն է քաշում: Իմ կրած նեղութիւնը ապրանքը արտադրելու և ծախելու համար մի որոշ, հաստատուն գին չունի, և բնական է որ ես ցանկամ իմ աշխատութիւնը լաւ վարձատրուած տեսնել քան վատ: Եթէ օրէնք Յ մանէթ վաստակելու տեղ՝ կարող եմ 4 կամ 5 մանէթ վաստակել, այդ ինձ համար աւելի լաւ է, միայն թէ զնողը աշխատում է որքան կարելի է քիչ տալ, նա միշտ կամենում է 4 արատու տեղ Յ արասի վճարել: Եթէ ապրանքը քիչ է գանվում, նա ստիպուած է իմ առաջարկած գինը վճարել՝ եթէ անպատճառ ուզում է այդ ապրանքն առնել. իսկ եթէ նոյն ապրանքից

շատ կայ, ես ստիպվում եմ զեջողութիւն անել, ապա թէ ոչ նա ուրիշ մօտ կ'երթայ, և գանվում են միշտ վաճառականներ որոնք հարկաւորութիւն ունին ծախելու, և որոնք կը համաձայնին պակաս գնով տալ իրանց ապրանքը: Բայց այդ ինձ ձեռնտու չէր լինիլ, որովհետեւ իմ ապրանքը կը մնար. ուստի ես շտապում եմ զեջողութիւն անել քանի որ զեռզնողը իմ խանութից չէ հեռացել:

— Ահա այս են անուանում առաջարկ և պահանջ՝ ասաց ուսուցիչը:

Արամը պատմեց այն ժամանակ թէ նոյն առաւօտ մի խնձոր ծախող կին առաջարկում էր տասը խնձորը տալ երկու կոպէկով: Եւ որովհետեւ ինքը առնելու դիտաւորութիւն ունէր, մօտեցաւ կնոջը և հարցրեց. «Ի՞նչ արժեն խնձորները?» Կինը պատասխանեց. «Տասը հատը Յ կոպէկ.» բայց երբ Արամը չհամաձայնեցաւ, կինը խնձորները 2 կոպէկով տուաւ: Ուրեմն նա խնձորները պակաս գնով տուաւ, որովհետեւ առնողները քիչ էին:

«Եթէ քո ընկերներից մի քանիսը քեզ հետ միասին եկած լինէին խնձոր գնելու, աւելացրեց հարեանը, կինը անշուշտ Յ կոպէկից պակաս չէր առնիլ, որովհետեւ ապրանքի պա-

հանջը շատ կը լինէր: Իսկ եթէ ոչ ոք եկած չլինէր, հաւանական է որ նա վերջը վերջը առաջարկէր խնամորդները 1 կոպէկով տալու:

— Սորանից երևում է, կրկնեց ուսուցիչը, որ ապրանքի գինը բարձրանում է երբ հազուագիւտ է, և իջնում է երբ առատութեամբ է գտնվում: Նրբ վաճառման գինը այնքան պակասում է որ արտադրութեան ծախքերից ցած է իջնում, ոչ ոք այլևս չէ կամենում այդ ապրանքը պատրաստել, որովհետև ոչ ոք չէ կամենում վնասով աշխատել: Անկարելի կը լինէր այսպիսի մի առուտուր երկար շարունակել առանց աղքատանալու:

— Իսկ եթէ ապրանքի գինը շատ բարձրանար, ի՞նչ կը լինէր, հարցրեց Սմբատը:

— Եւ եթէ մի ֆախկը 5 մանէթ արժէր, հարցրեց իւր կարգին ուսուցիչը:

— Ձէի կարողանալ գնել, պատասխանեց Սմբատը:

— Շատ լաւ ասացիր, նկատեց ուսուցիչը, հէնց այդպէս է պատահում միշտ: Նրբ ապրանքը շատ է թանգանում, գնողների թիւը, այսինքն պահանջը, պակասում է և գները սկսում են իջնել:

«Առնենք մի օրինակ»

«Ենթադրենք թէ խնամոր ծախող կինը հարիւր խնամոր ունի և առաջարկում է ծախել 10 հատը 2 կոպէկով. եթէ քսան հոգի են զախո խնամոր առնելու, գինը իսկոյն բարձրանում է, որովհետև իսկոյն երևում է որ ամէնին խնամոր չի հասնիլ: Երանք առնողները սկսում են գինը աւերացնել. մէկը առաջարկում է 3 կոպէկ, միւսը 4. այս տեսնելով ծախողը պահանջում է 5 կոպէկ: Բայց այս գնով միայն վեց հոգի են ցանկանում գնել, և ծախողին մնում է էլի քառասուն խնամոր. կը նշանակէ այս դէպքում նա աւելի խնամոր կ'ունենայ քան որքան կարող էր ծախել: Այն ժամանակ անշուշտ գինը կ'իջնի մինչև այն կէտը որ ծախողն էլ առնողներն էլ գոհ լինին»

«Իսկ եթէ մի քանի օր շարունակ խնամորների գինը բարձր մնայ և ուրիշ հարեան գիւղեր այդ իմանան, իսկոյն ամէն կողմից խնամոր կը բերեն, և գինը առաջուան պէս կ'իջնի»:

**Գին.** — Ո՞վ աւելի ազգեցութիւն  
ունի գնի վրայ, գնողը թէ ծախողը.

Խօսակցութիւնը շատ էր հետաքրքրում  
երեխաներին: Նոցանից մէկը կամեցաւ իմանալ  
թէ արդեօք ո՞վ աւելի յաճախ ստիպուած է  
զիջողութիւն անել, ծախողը թէ գնողը:

Հարեանք, որ առուտուրի տէր մարդ էր,  
յայտնեց թէ իւր կարծիքով ծախողը աւելի  
յաճախ զիջողութիւն է անում:

«Անշուշտ այդպէս էլ պէտք է լինի, ա-  
սաց ուսուցիչը: Ի՞նչ ես կարծում, Սմբատ,  
միթէ արհեստաւորը զուարճանալու և ժամա-  
նակ անց կացնելու համար է աշխատում առա-  
ւօտից մինչև երեկոյ, կամ վաճառականը ամ-  
բողջ օրը բաց է պահում իւր խանութը:

ՍՄԲԱՏ. — Ոչ, այլ փող շահելու համար,  
որպէս զի թէ իրանք կերակրուին և թէ իրանց  
ընտանիքը կերակրեն:

— Հապա գնողը, շարունակեց ուսուցիչը,  
միթէ վաճառականին զուարճութիւն պատճա-  
ռելու համար է այս կամ այն բանը գնում:  
Թող Արամը պատասխանէ:

ԱՐԱՄ. — Ամենևին ոչ, այլ նա գնում է  
այն ինչ որ իրան հարկաւոր է:

— Նա գնում է նոյնպէս զուարճութեան  
առարկաներ, աւելացրեց Տիգրանը: (Նա մտա-  
ծում էր այն խաղալիկների վրայ որ նոյն օրը  
հայրը գնել էր իւր համար:)

— Շատ ուղիղ է, ասաց ուսուցիչը. կաս-  
կած չկայ որ ամէն մարդ ապրանք առնելիս՝  
իւր սեփական շահը աչքի առաջ ունի և ոչ  
ծախողին զուարճութիւն պատճառելու ցան-  
կութիւն: Իրօք, երբ մի ապրանքի համար  
սակարկութիւն է լինում (առուտուր են անում),  
նոյն է թէ այսպիսի մի խօսակցութիւն տեղի  
ունենար գնողի ու ծախողի մէջ:

ԳՆՈՂ. — Ո՞րքան արժէ այս ինչ բանը:

ԾԱԽՈՂ. — 5 մանէթ:

ԳՆՈՂ. — Ինձ համար 5 մանէթ չարժէ:

ԾԱԽՈՂ. — Բայց ես նորա վրայ մի օր  
եմ աշխատել և բացի դորանից մի քանի մանէթ  
էլ մտխել եմ նախնական նիւթերի համար.  
ապա ուրեմն 5 մանէթ պահանջելով շատ թոյլ  
վարձատրութիւն կը մնայ ինձ, դորանից աւելի  
պակասեցնել չեմ կարող:

ԳՆՈՂ. — Իմ յանցանքը չէ եթէ ձեր ար-  
տադրութեան ծախքերը խիստ մեծ են: Եթէ

գուք այնքան անխոհեմ ու անփորձ եղած լինէիք որ տասն օր աշխատած և քսան մանէթի նախնական նիւթեր գործածած լինէիք, իսկ ձեր աշխատութեան արդիւնքը միայն 1 մանէթ արժէր ինձ համար, հարկաւ միայն 1 մանէթ կը տայի ձեզ, որքան էլ մեծ լինէին ձեր ատարութեան ծախքերը:

ԾԱԽՈՂ. — Բայց արդար բան չէ որ ես ձրի աշխատիմ:

ԳՆՈՂ. — Եթէ գուք անօգուտ տեղը ուզում էք աշխատել այդ ձեր զիտնալու բանն է: Ես ոչ թէ ձեր գործ գրած ժամանակի, ձեր ներդրութեան և ոչ իսկ ձեր աշխատութեան համար եմ վճարում ձեզ, այլ ձեր մատուցած ծառայութեան և իմ ստացած օգտակարութեան համար: Եթէ ձեզ մէկ տարի ժամանակ հարկաւոր լինէր շինելու մի առարկայ որ ուրիշն կարող եմ 1 կոպէկով ստանալ և նոյնքան լաւ շինած, և եթէ այդ առարկան ինձ համար աւելի չարժենար, մի թէ ես 1000 մանէթ պիտի տայի ձեզ ձեր գործ գրած աշխատութեան համար: Եւ եթէ մի բոլորովին անօգուտ բան շինէիք, մի թէ նորա համար էլ պէտք է փող վճարէի ձեզ. եթէ այդպէս անէի, աշխարհի բոլոր գանձերը բաւական չէին լինիլ ինձ:

ԾԱԽՈՂ. — Տեսնում եմ որ պէտք է ձեր կամքը կտտարել. որքան արժէ այս բանը ձեզ համար:

ԳՆՈՂ. — Շատ շատ 4 մանէթ. եթէ աւելի թանգ է չեմ առնիլ, առանց դորան էլ կարող եմ զիմանալ:

ԾԱԽՈՂ. — Առէք:

«Աւելորդ է կրկնել, շարունակեց ուսուցիչը, որ այս խօսակցութիւնը երեւակայական է. ոչ ոք երբէք այս կերպով չէ խօսում, բայց ճիշդ այսպէս մտածում ու զգում են: Ասկայն ծախողն էլ իւր կողմից գեջողութիւն չէ աւնում առանց սուսջուց պէտք եղած տեղեկութիւնները հաւաքելու. նա պէտք է համոզուի որ բոլոր գնողները կը մերժեն իւր նշանակած գներով ապրանքներն առնելու:

«Ինչուք այժմ թէ գնողը ուզում է մի ապրանք առնել որ իրան շատ հարկաւոր է, երեւակայական խօսակցութիւնը այսպէս կը փոխուէր. ասինք թէ խօսքը տաք վերմակի վրայ է:

ԳՆՈՂ. — Ի՞նչպէս կարող էք 10 մանէթ պահանջել մի վերմակի համար, մինչդեռ 7 մանէթը բաւական լաւ զին է ձեր ծախքը և աշխատանքը վարձատրելու համար:

ԾԱԽՈՂ. — Ես 10 մանէթ եմ պահանջում:

ջում, որովհետև ձեզ մատուցած ծառայու-  
թիւնս այս ցուրտ ժամանակ՝ մեծ է, և ու-  
րիշները յօժարութեամբ վճարում են այս գու-  
մարը վերմակի համար. դուք ինքներդ էլ վեր-  
մակը 10 մանէթից լաւ էք համարում:

ԳՆՈՂ. — Եթէ ձեր ասած գնից չէք  
ուզում ոչինչ պահասեցնել, ահա 10 մանէթ:

ԱՐՏԱՇԷՍ. — Միթէ անիրաւութիւն չէ՞  
ճախողի կողմից այդքան փող պահանջել մի  
վերմակի համար:

ՈՒՍՈՒՑԻՉԸ. — Զեղծմունքը միշտ պար-  
սաւելի է. ճախողը չպէտք է օգուտ քաղէ ապ-  
րանքի սակաւութիւնից գները չափազանց շատ  
բարձրացնելու համար, բայց և գնողը չպէտք  
է օգուտ քաղէ ապրանքի առատութիւնից  
գները շատ կոտրելու համար. այլ երկու կող-  
մից էլ պէտք է չափաւորութիւն լինի:

ՀԱՐՆԻԱՆԸ. — Պէտք է ասել նոյնպէս որ  
ապրանքը յաճախ սակաւ է լինում արտադրու-  
թեան թանգ լինելու պատճառով:

ՈՒՍՈՒՑԻՉԸ. — Ընդհանրապէս խօսելով,  
արտադրողը աշխատում է սպառողի համար. ե-  
թէ նա աչքի առաջ ունեցել է սպառողի պի-  
տոյքը, իւր ապրանքը ծախվում է և աշխա-  
տութիւնը վարձատրվում. իսկ եթէ սխալուել

է, պատժվում է՝ իւր արդիւնքները կորուստով  
ծախելով: Եթէ կօշկակարը մի գոյգ կարմիր կօ-  
շիկ կարէր ինձ համար միայն այն պատճառով  
որ նա կարմիր կօշիկները սևերից աւելի գեղե-  
ցիկ է համարում, միթէ ես պարտաւոր պիտի  
լինէի այդ կօշիկները ընդունել, ամենևին ոչ:

«Ուրեմն սպառողն է իսկապէս որոշում  
ապրանքների արժէքը, որովհետև նա է փող  
վճարում նոցա համար, և հէնց այս պատճա-  
ռով նա աւելի մեծ ազդեցութիւն ունի գների  
վրայ քան արտադրողը:»

### Ոսկի և հարստութիւն.

Մի ուրիշ օր դարձեալ խօսք բացուեցաւ  
փողի վրայ, և ուսուցիչը պատմեց հետևեալը.

«Մեզանից շատ առաջ մի զօրաւոր թա-  
զաւոր, բազմաթիւ զօրքով ճանապարհ ընկաւ  
գնալու հեռաւոր երկրներ նուաճելու համար.  
Նա հասաւ մի փոքրիկ ու անծանօթ երկիր  
որի անունն անգամ չգիտէր: Այս երկրի իշխա-  
նը նորա առաջ բերեց ոսկէ հաց, ոսկէ միս և  
ոսկէ պտուղներ:

— Միթէ ոսկի՞ են ուտում ձեզանում,  
հարցրեց թագաւորը:

— Այ, պատասխանեց իշխանը, բայց սո-  
վորական հաց, միս ու պտուղներ անշուշտ ձեր  
երկրումն էլ կայ, և հարկաւորութիւն չունէիք  
այդքան հեռու տեղից զալ այստեղ ուտելու  
համար:»

«Ի՞նչ է այս պատմութեան բարոյակա-  
նութիւնը:»

Բոլոր երեսայքը աղաղակեցին միաբերան.

«Այն՝ որ ոսկին չէ ուտվում:

— Անտարակոյս, և հագստեղէն էլ չեն  
չինում ոսկուց, ոչ էլ տներ: Հապա ինչն՞ ոս-  
կին արժէք ունի:

— Որովհետեւ նա գործ է ածվում գե-  
ղեցիկ զարդեր շինելու, ասաց մէկը:

— Եւ փող կտրելու, աւելացրեց մի ուրիշը:

— Եւ փողով, վրայ բերեց ուսուցիչը, կա-  
րելի է գնել ամէն բան որ մարդուս հարկաւոր  
է: Բայց եթէ մենակ գտնուէիք մի կղզում ինչ-  
պէս Բորինգոնը, և նորա նման մի մեծ կտոր  
ոսկու հանդիպէիք, դիցուք 100,000 մանէթ  
արժողութեամբ, ի՞նչ կանէիք այդ ոսկով:»

Երեսայքը չգիտէին թէ ի՞նչ պատասխան  
տան:

«Ի՞նչ Բորինգոնի պէս կ'անէիք, շարու-  
նակեց ուսուցիչը, անտարբերութեամբ կ'անց-  
նէիք ոսկու մտով ասելով. Ա՛խ, երանի՞ թէ  
երկաթ լինէր: Երկաթը դոնեա մի բանի պէտք  
կը գար. նորանից կարելի կը լինէր կացիններ,  
գանակներ, բեւեռներ շինել: Ի՞նչ հասկանում  
էք ուրեմն, և իմ ասածը միտներդ կը պա-  
հէք, թէ ոսկին ինքն ըստ ինքեան շատ քիչ  
արժէք ունի, նա ոչ հարկաւոր է, ոչ օգտա-  
կար, այլ միայն զուարճալի: Մարդիկ միայն այն  
պատճառով ոսկու ետեւից են լինում որ նորա-  
նով օգտակար բաներ ձեռք բերեն, որովհետեւ  
ոսկուց, ինչպէս և արծաթից ու պղնձից, փող  
են կտրում, և փողով կարելի է ամէն բան ձեռք  
բերել:

«Անթաղրենք թէ մի մարդ այնքան ոսկի  
ունի որ այս սենեակը կարելի էր լցնել, բայց  
հազիւ թէ ցամաք հաց կամ պտուղներ կարող  
է ձեռք բերել կերակրուելու համար, թէ նո-  
րա բոլոր հազուստը մի հասարակ մորթ է կո-  
պիտ ձևով պատրաստուած, և թէ նա պառ-  
կում է մի քարայրի մէջ չոր տերեւների վրայ,  
միով բանիւ վայրենիի կեանք է վարում. ենթա-  
դրեցէք այժմ թէ մի ուրիշ մարդ մի չնչին  
կտոր ոսկի չունի, բայց ամառը բնակում է զով



տան մէջ և ձմեռը տաք բնակարանում, լաւ անկողին ունի, յարմար հազուատներ և փոփոխական սնունդ, թողնենք ուրիշ զուարճութիւնները. այս երկու մարդիկներից որը աւելի հարուստ է, նա որ ոսկի ունի թէ նա որ չունի:

Նրեխայքը հասկացան թէ ոսկին ինքն ըստ ինքեան հարստութիւն չլինելով, վայրենին չէր կարող աւելի հարուստ համարուիլ: Նոքա հասկացան թէ մի մարդ որ ունի տուն, արա, հագստեղէն, սնունդ և ուրիշ հարկաւոր բաներ, ոսկու պէտք չունի այդ բոլոր բաները գնելու համար: Նոքա հասկացան նոյնպէս թէ ոսկին լոկ մի յարմար ապրանք է, որ լաւ է պահպանվում, ինքը փոքր է բայց մեծ արժէք ունի, կարող է փոքր մասերի բաժանուիլ առանց իւր արժէքից մի բան կորցնելու (երբ մի շիշ կտարվում է, կտորները էլ ոչինչ արժէք չունին), միով բանիւ, թէ ոսկին, ինչպէս և փողը, բուն հարստութիւնը չէ, այլ մի միջոց ձեռք բերելու այն բոլորը որ կազմում է հարստութիւնը:

### Թողթադրամ:

Մի երեկոյ ուսուցիչը մտաւ դիւղի Տա՛նուտէրի մօտ այն ժամանակ երբ սա ցոյց էր տալիս իւր երեխաներին մի հատ 100 մանէթանոց թողթադրամ, որ քաղաքից նոր էր բերել: այդ առաջին 100 մանէթանոցն էր որ նոքա տեսնում էին:

— Արդեօք ուրիշ երկրներում էլ կա՞ն այդպիսի մեծ արժողութեամբ թուղթ փողեր, հարցրեց դիւղացիներից մէկը:

— Այո, շատ երկրներում կայ, պատասխանեց ուսուցիչը:

— Միթէ ամէն մարդ կարո՞ղ է փող կրտրել, հարցրեց Ամբատը:

— Բաւական չէ, պատասխանեց այն կողմից Տանուտէրը, մի կտոր քառակուսի թղթի վրայ տպագրել փող բառը և մօտը մի թուանշան աւելացնել, որ փող լինի կամ թղթադրամ. պէտք է որ ամէն մարդ ընդունի այդ թուղթը մի պարտքի կամ ապրանքի դիմաց:

— Միայն տէրութիւնը արտօնութիւն ունի փող կտրելու, ասաց ուսուցիչը: Նրբ նա չէ կարող ոսկի, արծաթ ու պղինձ փող կտրել:

Թուղթ փող է շինում: բայց այդ մի պարտք է որ նա յանձն է առնում ժողովրդի առաջ. նոյնն է թէ ասէր. Առէք առ այժմ թուղթը, ես ձեզ դորա փոխանակ լաւ փող, այսինքն ոսկի ու արծաթ կը վճարեմ, հէնց որ հնար ունենամ:

ՅԱԿՈՒԲ ԳԻՒՂԱՅԻՆ. — Ո՞ւմն է ասում տէրութիւնը որ թուղթ փողն ընդունի:

ՈՒՍՈՒՑԻՉԸ. — Իւր պարտատէրներին: Երբ տէրութիւնը ծախքեր ունի անելու և փող չունի, նա վճարում է թղթով որին թղթագրամ են ասում: Այդպիսի ժամանակ ասում են թէ տէրութիւնը թղթագրամ է դուրս տալիս:

ՏԻԳՐԱՆ. — Եւ ի՞նչպէս է փող վճարում նա իւր դուրս տուած թղթի տեղ:

ՈՒՍՈՒՑԻՉԸ. — Չանազան եղանակներով: Ծրինակի համար, նա ինքը ոսկու ու արծաթի տեղ ընդունում է այն թուղթը որ դուրս է տուել այսինքն իրաւունք է տալիս ժողովրդին թղթագրամով վճարելու իւր հարկերը: Եթէ կառավարութիւնը ոչնչացնում է (այրում է) տէրութեան զանձարանը մտած թրղթագրամի մի մասը, այդ նոյնն է թէ ոսկի կամ արծաթ վճարեր նորա տեղը, որովհետեւ

ոչնչացած թուղթը այլևս ժողովրդի ձեռքումը չէ կամ, ինչպէս որ ասում են, շրջաբերութեան <sup>1)</sup> մէջ չէ:

«Տէրութիւնը կարող է նոյնպէս ժողովրդին ասել որ թղթագրամը իրան բերեն՝ խոստանալով նորա տեղ ոսկի և արծաթ վճարել: Ուրիշ միջոցներ էլ կան թուղթը շրջաբերութիւնից քաշելու:

ՏԱՆՈՒՑԻՐԸ. — Ես չեմ սիրում թղթագրամը, որովհետեւ միշտ վախենում եմ որ նորա արժէքը չպակասի:

ՈՒՍՈՒՑԻՉԸ. — Թղթագրամի արժէքը պահասում է երբ շրջաբերութեան մէջ շատ է լինում: Որքան տէրութիւնը աւելի թուղթ է դուրս տալիս, այնքան աւելի նա պարտքի տակ է ընկնում, շուտով ժողովուրդը վատահումութիւնը կորցնում է, նա աւելի լաւ է համարում ոսկի և արծաթ ունենալ, և եթէ օրէնքը թոյլ տար՝ բոլորովին կը մերժէր թուղթն ընդունելու. բայց բանն այն է որ տէրութեան դուրս թողած թղթագրամը, միշտ բունի ընթացք ունի, այսինքն թէ ամէն մարդ ստիպուած է թուղթն ընդունելու և իրաւունք չունի նորա տեղ ոսկի կամ արծաթ պահանջել:

<sup>1)</sup> օբրաշչենիէ.

ՏԱՆՈՒՑԷՐԸ. — Այս էլ կայ որ օտար երկրներում, ինչպէս ասում են, ոսկին ուրախութեամբ առնում են, իսկ թուղթը շատ դժուարութեամբ են ընդունում, և այս դրժուարացնում է առուտուրը:

ՈՒՍՈՒՑԻՉԸ. — Թղթադրամի ամենամեծ անյարմարութիւնն այն է որ գները բարձրացնում է:

ՏԻԳՐԱՆ. — Այդ ի՞նչպէս:

ՈՒՍՈՒՑԻՉԸ. — Երբ 25 մանէթանոց թղթադրամը 20 մանէթի է իջնում, այն ժամանակ 25 մանէթ ոսկու կամ արծաթի համար 30 մանէթ թղթադրամ են պահանջում: Սորա համեմատ և վաճառականը 30 մանէթ կը պահանջէ մի ապրանքի համար որ ուրիշ ժամանակ 25 մանէթով կը տար:

ՏԱՆՈՒՑԷՐԸ. — Նա հարկադրուած կը լինի այդ անելու եթէ իւր ապրանքը վճարելու համար՝ ստիպուած է եղել 30 մանէթով 25 մանէթի ոսկի գնել:

**Պարտամուրհակ. — Բանք.**

«Նա լսել եմ մեր վաճառականներից, շարունակեց ծանուտէրը, որ մի քանի երկրներում, Ֆրանսիայում և Անգլիայում, թղթա-

դրամը և ոսկին նոյն արժէքն ունին, և ուրեմն թղթադրամի գինը չէ պակասում:

ՈՒՍՈՒՑԻՉԸ. — Պատճառն այն է որ այն երկրներում այդ թղթերը միայն մասնաւոր բանքերն են դուրս տալիս և ոչ կառավարութիւնը:

— Բայց ի՞նչ բան է բանքը, հարցրին երեխայքը:

— Կ'աշխատիմ հասկացնել ձեզ, եթէ միայն փոքր ինչ համբերութիւն ունենաք ինձ լսելու, ասաց ուսուցիչը:

«Առնենք օրինակի համար հացաթուխին: Ինչո՞վ է շինում նա հացը:

ԵՐԵՒԱՅՔԸ, Էռլըր Ֆասին. — Ալիւրով:

ՈՒՍՈՒՑԻՉԸ. — Բայց ո՞ր տեղից է առնում նա ալիւրը:

ԵՐԵՒԱՅՔԸ. — Զաղացպանից է գնում:

ՈՒՍՈՒՑԻՉԸ. — Այդպէս է, միայն բոլորդ միասին մի պատասխանէք: Իսկ ջաղացպանը ո՞ր տեղից է ստանում ալիւրը, Արտաշէս:

ԱՐՏԱՇԷՍ. — Նա աղում է ցորենի հատիկները որ գնել է հողագործից:

ՈՒՍՈՒՑԻՉԸ. — Միթէ հացաթուխը ձրի՞ է ստանում ալիւրը:

ԼԵՒՈՆ. — Ո՛չ, փողով գնում է:

ՈՒՍՈՒՑԻՉԸ. — Բայց եթէ նա իւր արկղումը փող չունի, ի՞նչպէս կը վճարէ:

ՅԱԿՈՒԲ ԳԻՒՂԱՅԻՆ. — Նա տալիս է մի պարտամուրհակ:

ՈՒՍՈՒՑԻՉԸ. — Միշտ պարտամուրհակ չէ տալիս, այլ երբեմն ասում է ջաղացպանին. Այժմ փող չունիմ, բայց մի քանի օրից յետոյ, երբ ձեզանից առած ալիւրից թխած հացը ծախեմ, կը վճարեմ ձեզ: Եթէ ջաղացպանը համաձայն է, էլ ի՞նչ խօսք. բայց ջաղացպանը կարող է փողի հարկաւորութիւն ունենալ նոր ցորեն առնելու համար, մանաւանդ եթէ հացաթուխին ծախած ալիւրի քանակութիւնը շատ մեծ է: Այն ժամանակ ջաղացպանը պարտամուրհակ է ուզում, այսինքն մի գրաւոր խտտում որով հացաթուխը պարտաւորվում է որոշեալ գումարը պայմանադրած ժամանակին վճարելու:

— Ի՞նչ կ'անէ ջաղացպանը այդ պարտամուրհակով:

— Նա կարող է գնալ հողագործին ասել. Տուէք ինձ 100 մանէթի ցորեն, ահա հացաթուխի պարտամուրհակը, նա կը վճարէ ձեզ:

— Կարո՞ղ է նա այդպիսի բան առաջարկել:

ԱՐՏԱՇԷՍ. — Կարծեմ թէ կարող է:

ՏԱՆՈՒՑԷՐԸ. — Բայց եթէ նա այդպիսի մի պարտամուրհակով ինձ մօտ գայ, կը տեսնեմ նախ թէ ի՞նչ մարդ է հացաթուխը, որովհետեւ ես ամէն մարդու վրայ վտտահութիւն չունիմ, քանի ու քանի անգամ խաբել են ինձ:

ՈՒՍՈՒՑԻՉԸ. — Այդ բաւական չէ: Գուք կարող էք համարել թէ հացաթուխը կարող է վճարել և իւր պարտքը ճշդութեամբ կը հատուցանէ, և սակայն մուրհակը կը մերժէք ընդունելու:

ՏԱՆՈՒՑԷՐԸ. — Ի հարկէ, եթէ ես անմիջապէս փողի հարկաւորութիւն ունենամ, իսկ մուրհակը մէկ կամ երկու ամից յետոյ վճարելի լինի:

ՈՒՍՈՒՑԻՉԸ. — Մէկ մտածեցէք, սիրելի հարեան, ուրիշ հանգամանք էլ կարող է լինել որ արգելք լինի գործի գլուխ գալուն:

ՏԱՆՈՒՑԷՐԸ. — Անշուշտ, եթէ, օրինակի համար, պարտամուրհակը 100 մանէթի է և ես միայն 75 մանէթի ցորեն ունենամ ծախու, գործը գլուխ չի գալ:

ՈՒՍՈՒՑԻՉԸ. — Համառօտեմք ուրեմն. հացաթուխի պարտամուրհակը ընթացիկ չէ (այսինքն թէ ամէն մարդ չէ ընդունում նորա

մուրհակը), նախ՝ որովհետև յայտնի չէ թէ պարտապանը կարող է վճարել: Երկրորդ, որովհետև հատուցման ժամանակը շատ ուշ է: Երրորդ, որովհետև մուրհակի գումարը ապրանքի արժեքին հաւասար չէ:

«Խ՞նչ է անում ուրեմն ջաղացպանը: Նա գնում է մի սեղանաւորի (զարաֆի) մօտ, այսինքն այնպիսի մարդու մօտ որ պարտամուրհակներ առնում և փող է տալիս, և ահա այս առուտուրին բանք են ասում: Սթէ սեղանաւորը վստահութիւն ունի ջաղացպանի վրայ, մուրհակը կ'ընդունի և փողը կը հատուցանէ՝ մի փոքրիկ գումար իւր համար պահելով իբրև տոկոս. և ահա այդ գործողութեանը ասում են մուրհակը պէշէշ: Սեղանաւորը սպասում է մինչև պարտամուրհակի հատուցման ժամանակը լրանայ, և այդ մուրհակը ներկայացնում է հացաթուխին, որից լրիւ ստանում է իւր փողը:

ՏԱՆՈՒՑԷՐԸ. — Մեծ քաղաքներում տեսակ տեսակ բանքեր կան:

ՈՒՍՈՒՑԻՉԸ. — Հէնց այդտեղ էի ուզում գալ: Կան մասնաւոր բանքեր որ մի մարդու են պատկանում, կան էլ որ շատ անձանց բաժանորդագրութեամբ են հիմնվում: Շատ ան-

ձինք ընկերանում են բանքի հիմնական գրամաղուխը կազմելու համար, որ երբեմն միլիոնների է հասնում: Բանքի գործերը կառավարում են մի կառավարիչ իւր օգնականներով, որոնց ընկերութեան անդամներն են ընտրում: Կայ և մի խորհուրդ բանքի գործողութիւնների վրայ հսկող, որի անդամները ընկերութիւնը իւր միջեց ընտրում է: Այս տեսակ բանքերը հարկաւ ընդարձակ գործեր են կատարում, մեծ գումարներ փոխ են տալիս, շատ մուրհակներ են զեղչում: Այստեղ կարող է գալ և մեր հացաթուխի պարտամուրհակը: Տեսնե՛նք այժմ արդեօք մտաբերում էք թէ ինչ ճանապարհ կարող է անել այդ մուրհակը:

ՍՐՏԱՇԷՍ. — Հացաթուխը պարտամուրհակը տուել է ջաղացպանին, որ ներկայացնում է նորան սեղանաւորին կամ բանքի կառավարութեանը:

ՈՒՍՈՒՑԻՉԸ. — Լաւ: Հացաթուխը խոստանում է վճարել, և ստորագրում է մուրհակը. ջաղացպանը երաշխաւոր է կանգնում հացաթուխի համար, և իւր անունը ստորագրում է մուրհակի ետևի կողմը, որովհետև բանքը կամենում է ապահով լինել որ իւր փողը չի կորչել, ուստի և մուրհակը ընդունե-

լու համար զոնէ երկու ստորագրութիւն է պահանջում: Այսպէսով մութհակը ներկայացնում է բանքի վարչութեանը, որ խորհրդի հաւանութիւնը առնելուց յետոյ՝ փողը վճարում է ջաղացպանին և մութհակը պահում է մինչև որ հատուցման ժամանակը գայ: Եթէ ժամանակին հացաթուխը փողը չհատուցանէ, անքը այդ փողը ստանում է ջաղացպանից, որ այդպէսով իւր անգգուշութեան համար պատժվում է:

«Ընթացայի շատ երկրներում կան բանքեր որոնք արտօնութիւն ունին փողի տեղ իրանց դուրս տուած տոմսակներով վճարել: այդ տոմսակները բոլորովին մեր թղթադրամի նման են, այն զանազանութեամբ միայն որ բանքերը պարտաւոր են ոսկով վճարել երբ ներկայացնեն նոցա իրանց տոմսակները, և բացի սորանից, ամէն մարդ պարտաւոր չէ ընդունել նոցա, որովհետև կառավարութիւնը բռնի ընթացք չէ տալիս նոցա: Այնտեղ այդ տոմսակները ընդունվում են միայն նորա համար որ աւելի յարմար են շրջաբերութեան համար:»

## Վարկ.

Խօսակցութիւնը շարունակուելով, ճանուտէրը առիթ ունեցաւ ասելու թէ ինքը չէ սիրում վարկով (նիսիա) ապրանք ծախել սպառողին և թէ՛ եթէ վարկը յաճախ օգտակար և մինչև անգամ հարկաւոր է արտադրողի համար, սպառողի համար վտանգաւոր ու վնասակար է:

Նրեխայքը լաւ էին հասկացել թէ ինչ է նշանակում վարկով ծախել (ապրանքը իսկոյն տալ և փողի համար սպասել), բայց չէին հասկանում թէ ինչի՛ վարկը ոմանց համար օգտակար էր և ուրիշների համար վնասակար: Տիզրանը դիմեց ուսուցչին, և նա յանձն առաւ պէտք եղած բացատրութիւնները տալ:

«Գուք մտաբերում էք ասաց նա, որ մենք ենթադրեցինք թէ հացաթուխը ալիւր է գրնում և փողի տեղ պարտամութհակ է տալիս:

Այո՛, այո՛, աղաղակեցին երեխայքը միաբերան:

— Մութհակը, շարունակեց ուսուցիչը, փող չէ, այլ միայն փողը վճարելու գրաւոր խոստում: Երբեմն ապրանք գնելիս՝ բաւականանում են բերանացի խոստմամբ, որովհետև

պատուաւոր մարդը, որ փող ունի, վճարում է մուրհակ տուած կամ չտուած լինի:

«Վարկ բանալ, այսինքն հաւատալ թէ փոխ առնողը կը կամենայ և կը կարողանայ վը- ճարել, այդ վստահութեան գործ է:

«Ս. յժմ ենթադրենք թէ ջաղացպանը վըս- տահութիւն չունի և այլերը վարկով չէ ծա- խում, ի՞նչ կ'անէ հացաթուխը:

ՏԻԳՐԱՆ. — Մի ուրիշի մօտ կ'երթայ:

ՈՒՍՈՒՅԻԶԸ. — Իսկ եթէ բոլոր ջաղաց- պանները մերժե՞ն վարկով ծախելու նորան:

ԱՐՇԱԿ. — Նա այլեր չի ունենալ և հաց չի թխիլ:

ՈՒՍՈՒՅԻԶԸ. — Եւ եթէ հաց չթխէ, ի՞նչ- պէս ձարէ իւր ապրուստը: Վարկը հարկաւոր է նորան աշխատելու և իւր ընտանիքը կերակ- րելու համար: Առանց այլերի, հացաթուխը անգործ կը մնայ և նորա փուռը փակ:

ՍՄԲԱՏ. — Իսկ մենք հաց չենք ունենալ ուտելու:

ՈՒՍՈՒՅԻԶԸ. — Շատ ուզիդ է, սպառողը նեղութիւն կը քաշէր, որովհետեւ հացի պա- կասութիւն կը լինէր: Բայց այդ բաւական չէ. եթէ ջաղացպանը այլերը վարկով չէ տալիս, և կանխիկ (նաղդ) փողով ծախելու էլ առիթ

չէ ունենում, ի՞նչ կ'անէ նա իւր այլերը: ՏԻԳՐԱՆ. — Շտեմարանում կը պահէ:

ՏԱՆՈՒՏԵՐԸ. — Բայց եթէ այլերը երկար ժամանակ մնայ, կը փչանայ:

ՈՒՍՈՒՅԻԶԸ. — Նա կը սկսի պակաս ա- լիւր աղալ: Ի՞նչ հաշիւ կը լինէր նորա համար ցորեն առնել և աշխատանք ու ժամանակ զո- հել նորան աղալու, եթէ իւր աշխատութիւնը պիտի կորչի:

ՏԱՆՈՒՏԵՐԸ. — Իսկ եթէ նա ցորենը վար- կով գնած լինի և այլերը չկարողանայ ծախել, ի՞նչպէս կը վճարէ նա ցորենի գինը, կամ ե- թէ հողագործը չկամենայ իւր ցորենը վարկով տալ:

ՈՒՍՈՒՅԻԶԸ. — Տարակոյս չկայ որ աւելի լաւ կը լինէր եթէ արտադրողը կարողանար միշտ կանխիկ գնել ու ծախել, բայց որովհե- տեւ այդ դժուար է, ստիպուած են լինում վարկով գործ տեսնել, միայն իհարկէ զգուշու- թեամբ: Այդ լինում է հետեւեալ կերպով. հո- ղագործը ցորենը ծախում է ջաղացպանին և նորանից մի պարտամուրհակ է ստանում, որ իւր մօտ պահում է մինչև պայմանադրած ժա- մանակը. երբեմն նա կարող է մուրհակը սե- ղանաւորի մօտ տանել և կանխիկ փող ստանալ,

կամ եղներ գնելիս՝ փողն տեղ եղների վաճառականին տալ, եթէ նա ճանաչում է ջաղացականին: Ջաղացականը, իւր կողմից, ցորենը կ'աղայ և ալիւրը կը ծախէ հացաթուխին՝ մուրհակ ստանալով նորանից. վերջապէս հացաթուխը հաց կը թխէ և սպառողին կը ծախէ:

«Վիցուք թէ սպառողը կանխիկ է վճարում, ինչպէս որ լինում է սովորաբար, այն ժամանակ հացաթուխը հարկաւոր փողը կ'ունենայ ջաղացականին վճարելու, և այս վերջինը պայմանադրած օրը իւր պարտքը կը հատուցանէ հողագործին: Իսկ եթէ հողագործը պարտամուրհակը փոխանցել է ելների վաճառականին, ջաղացականը ուղղակի սորան կը տայ փողը, այնպէս որ վերջ ի վերջոյ սպառողը վճարած կը լինի ամէնին:

ՍՄԻՍ. — Քանի որ ամէն բան սպառողի համար է շինվում, հարկաւ նա պէտք է ամէն բան վճարէ:

ՈՒՍՈՒՑԻՉԸ. — Արդարեւ այդպէս է: Մենք տեսանք որ վարկը հեշտացնում է արտադրութիւնը, յանձնելով նախնական նիւթերը այն անձանց որոնք կարող են զանազան բաներ արդիւնադործել: Մեր օրինակի մէջ՝ նոյն է թէ ջաղացականը ասէր հողագործին. ևս կ'աղամ

ձեր ցորենը, հացաթուխը կը վճարէ իմ աշխատութիւնը. հացաթուխն իւր կարգին ասում է. ես հաց կը թխեմ, և սպառողը մեզ ամէնիս կը վճարէ: Կը հարցնեմ ձեզ այժմ, ինչի՞ համար սպառողը պէտք է կանխիկ վճարէ:

ԱՐՇԱԿ. — Որպէս զի արտադրողները կարողանան իրանց փողը ստանալ:

ՏԱՆՈՒՑԻՐԸ. — Այդ բաւական չէ: Եթէ սպառողը կանխիկ չէ վճարում, կարող է պարտքի տակ ընկնել, որովհետև նա արտադրելու համար փոխ չէ առնում, ոյլ սպառելու համար. և ինչ որ մարդ սպառել է, ոչինչ արդիւնք չէ կարող տալ:

ՈՒՍՈՒՑԻՉԸ. — ձիշդ այդպէս է, միակ օգտակար վարկն այն է որ արտադրութեան համար է տրվում. ուրիշ ամէն տեսակ վարկ միայն դժբաղդութիւն կարող է պատճառել»

### Դրամագլուխ.

Մի կիրակի օր, մի քանի զիւղացի մարդիկ ու կանայք նստած էին մի մեծ կաղնի ծառի տակ, և երեխայքը հետաքրքրութեամբ ականջ էին դնում նոցա խօսակցութեանը:



Խօսքը գիւղի և շրջակայքի մի քանի բնակիչներին վրայ էր, որոնք իրանց մանկութեան ժամանակ աղքատ էին եղել, բայց ժամանակ անցնելուց յետոյ՝ իրանց աշխատութեամբ և տրնտեսութեամբ չափաւոր կարողութիւն և մինչև իսկ հարստութիւն են ձեռք բերել:

Այս խօսակցութեանը առիթ տուել էր Մարկոսը, ջաղացպանի որդին, որ նոյն օրերում մի փոքրիկ տուն և բաւական ընդարձակ մշակելի հող էր գնել 3000 մանէթով. 2000ը կանխիկ էր վճարել իսկ մնացածի համար վեց ամիս ժամանակ էր ինդրել հատուցանելու: Ոչ ոք չզարմացաւ այս բանի վրայ, որովհետև ամէնքը գիտէին որ Մարկոսը օրէնք 2 մ. 50 կ. էր շահում և միայն 1 մ. 50 կ. էր մսխում:

Եւ գիւղացիքը ասում էին որ եթէ ջաղացպանի որդին շարունակէ այդպէս խնայող լինել, շուտով հարստութիւն կը կապէ:

Երեխայքը լսելով Մարկոսի դովասանքը, յօժարութիւն էին յայանում մի օր նորա օրինակին հետեւելու. նոքա փափաքում էին նոյնպէս հարուստ լինել:

«Դորա համար, ասաց ծանուտէրը, երկու բան է հարկաւոր. աշխատել և խնայողութիւն անել, այսինքն չափազանց շատ չմսխել:

— Պէտք է մանաւանդ խնայողութիւն անել, վրայ բերեց ուսուցիչը: Որքան էլ մարդ շատ աշխատի, եթէ օր դատի՝ օր ուտէ, երբէք զրամագլուխ չի ունենալ: Մարդս աշխատութեամբ է փող ձեռք բերում, բայց միայն անտեսութեամբ կարելի է պահել փողը և զրամագլուխ կազմել:

— Կրամագլուխը փողն է, այնպէս չէ՞, հարցրեց Տիգրանը:

— Անշուշտ աղաղակեցին շատերը ամէն կողմից:

— Ոչ միշտ, պատասխանեց ուսուցիչը:

Եւ որովհետև կարծում էին թէ կատակ է անում, «Ապասեցէ՛ք, ասաց նա, ես այստեղ 5 հատ արասանոց ունիմ. այս փող է, այնպէս չէ՞:

— Այո՛, այո՛:

— Շատ լաւ. եթէ ես այս փողով հաց առնեմ ուտելու համար, այդ զրամագլուխ չի լինիլ. եթէ ընդհակառակն մի գիրք գնեմ ձեզ դաս տալու համար, աշխատութեան գործիք գնած կը լինիմ, գիրքը իմ բահն է, իմ մուրճը, իմ սղոցը — և որովհետև աշխատութեան գործիքները զրամագլխի մասն են կազմում, ուրեմն գիրքը գնելու համար տուած 5 արասին իմ զրամագլխի մի մասը կը լինի. Այո՛

փողը որ մարդ մխտում է իւր պիտոյքները լցնելու համար՝ դրամագլուխ չէ, այլ եկամուտ:»

Ուսուցիչը նկատեց որ իւր ունկնդիրները լաւ չէին հասկացել իւր ասածները:

Նա ստիպուեցաւ գլխից սկսել և ապացուցանել որ փողը ինքնըստինքեան ոչինչ բանի չէ ծառայում, թէ նորան չեն ուտում, թէ չէ կարելի փողով գրել, սղոցել, կարել, հողը վաւրել, և թէ փողը օգտակար է լոկ իբրև մի միջոց պէտք եղած բաները գնելու: Այսպէսով փողը ներկայացնում է երբեմն հաց, երբեմն մի գործիք, երբեմն մի ուրիշ բան:

Այս յայտնի ճշմարտութիւնները յիշելուց յետոյ, նա շարունակեց, դառնալով դէպի մի ջուլհակ. «Բուք, Թոմաս եղբայր, կտաւ էք գործում: Ի՞նչ է հարկաւոր ձեզ ձեր արհեստը բանեցնելու համար:

ԹՈՄԱՍ ԵՂԲԱՅՐԸ. — Ոստան և թել:

ՌԻՍՈՒՑԻՉԸ. — Ուրեմն, ձեր ձեռքերը, ձեր աշխատութիւնը բաւական չեն. ձեզ անպատճառ հարկաւոր է թել, որ ձեր նախնական նիւթն է, և մի ոստան, որ ձեր գործիքը կամ մեքենան է: Լաւ ուրեմն, ձեր թելը, ձեր ոստանը, այն տեղը ուր դրած է ձեր գործիքը, ինչպէս նաև ուրիշ բաները որ հարկաւոր են

ձեզ աշխատելու համար՝ կազմում են ձեր դրամագլուխը, որովհետև միայն այդ բաները ունենալով կարող էք արտադրել, կարող էք կրտաւ գործել: Ամէն բան, չխօսելով աշխատութեան վրայ որ հարկաւոր է մարդուս արտադրելու համար, դրամագլուխ է:

ԱՐՇԱԿ. — Գութանը, եզները, ոչխարները նոյնպէս դրամագլուխ են:

ՌԻՍՈՒՑԻՉԸ. — Անտարակոյս: Ենթադրենք մի երիտասարդ որ սկսում է փող շահել, և դիցուք թէ նա օրէնը 6 շայի մի կողմն է դրնում. մէկ տարուց յետոյ նա կ'ունենայ 100 մանէթ: Որպէս զի որոշենք թէ այդ դրամագլուխ է թէ ոչ, պէտք է տեսնենք թէ ինչ գործածութիւն կ'անէ երիտասարդը այդ փողից: Առ այժմ, քանի որ փողը նորա արկղումն է, պէտք է նկատուի լոկ իբրև մի միջոց բան գնելու: Նա կարող է վճռել փողը իւր զուարճութեան համար մխտելու. եթէ այդպէս է, այդ դրամագլուխ չի լինիլ. բայց եթէ նա իւր փողը խնայողութեան արկղը դնէ և տարին 5 մանէթ ստանայ, այն ժամանակ դրամագլուխ է, որովհետև եկամուտ է բերում: Եթէ այնուհետև նոր խնայողութիւններ անելով իւր գումարը այնքան մեծացնէ որ նորանով կարողա-

նայ ոստան ու թել գնել, նա իւր փողը դրամագլուխը ճարտարութեան դրամագլխի կը փոխարկէ, որ, պէտք է ասել, աւելի արդիւնաբեր է:

«Ուրեմն դրամագլուխը կազմվում է խընայողութեամբ: Խնայողութիւն անել նշանակում է իւր անձը զրկել բայց ով որ իրան զըրկում է՝ մի բան հաւաքում է: Թռչունը կամաց կամաց է շինում իւր բունը, և փոքրիկ առուններից մեծ գետեր են կազմվում: Խնայողութիւն անելու համար հարկաւոր չէ շատ շահել, կարելի է յաճախ քիչ շահելով խնայողութիւն անել, բաւական է միայն որ մարդ պակաս մնի քան որքան շահում է:»

### Չանազան տեսակ դրամագլուխներ.

Գիւղացիքը մի լոպէ լուռ մնացին, մտածելով ուսուցչի խօսածների վրայ: Նոյանից մէկը զժուարանում էր ընդունելու որ թելը նոյն դրամագլուխը կարողանայ շինել ինչպէս և ոստանը, կամ թէ ցորենը դրամագլուխ է այնպէս ինչպէս և դաշտը, և այլն:

Ուսուցիչը պատասխանեց. «Ուրիշներն էլ ձեզ նման գտել են որ այս զանազան տեսակ

դրամագլուխների մէջ տարբերութիւններ կան, և հէնց այս պատճառով զանազան անուններ են տուել նոյա. մէկը կոչվում է հաստատուն դրամագլուխ, միւսը՝ շրջաբերելի դրամագլուխ: Առենք իբրև օրինակ ջուլհակի դրամագլուխը, որ բաղկանում է գլխաւորապէս ոստանից և թելից, չեմ յիշում ուրիշ բաները: Ոստանը հաստատուած է գործանոցի մէջ և իւր տեղից չէ շարժվում. իսկ թելը, ընդհակառակն, մտնում է գործանոցը, փոխարկվում է կտաւի, դուրս է դնում, և նորա տեղ ուրիշ թել է բռնում: Թելը, կտաւը, փողի նման, ձեռքէ ձեռք են անցնում կամ, ինչպէս սովորութիւն է ասել, շրջագայում են: Լաւ միտ դրէք, շըրջադայել այստեղ նշանակում է մէջ հարդու չեւեչից ուրիշ հարդու չեւեչն անցնել:

«Այժմ հասկանալի է, կարծեմ, որ ջուլհակի ոստանը նորա հաստատուն դրամագլուխն է, իսկ թելը շրջաբերելի դրամագլուխը:

«Բայց ոստանը հարկաւ միակ հաստատուն դրամագլուխը չէ: Ո՞վ կ'ասէ ինձ մի քանի առարկաներ որ հաստատուն դրամագլուխների կարգը դասուելու են:

ԱՐՇԱԿ. — Գործանոցը:

ԼԵՒՈՆ. — Դաշտը, մարգը:

ՏԻՔԻՐԱՆ. — Շողեշարժ մեքենան:

ՈՒՍՈՒՑԻՉԸ. — Եւ ընդհանրապէս այն առարկաները որ յաճախ չեն նորոգվում կամ որոնցով առուտուր չեն անում: Այն եզը որ նիհար են գնում պարարտացնելու և նորից ծախելու համար՝ շրջաբերելի դրամագլուխ է համարվում այնպէս ինչպէս ջուհակի թելը, կօշկակարի կաշին, դերձակի մահուղը, ածուխն ու ձէթը մեքենան տաքացնելու ու քսելու համար, այն փողը որով վճարում են հարկերը, բնակարանների վարձը, գործաւորների աւուրչէքը, սպասաւորների ռոճիկը, ցանի սերմերը և հազարաւոր ուրիշ ծախքեր են անում:

«Այժմ ես ձեզ մի դժուար հարց կ'առաջարկեմ: Ի՞նչ էք կարծում, կառքը հաստատուն թէ շրջաբերելի դրամագլուխ է:

ՇԱՏԵՐԸ. — Նրջաբերելի դրամագլուխ է:

ՈՒՍՈՒՑԻՉԸ. — Ի՞նչքա՞նու էք արտաքինի վրայ: Ես իմ կարծիքը յայտնելուց առաջ, կը սկսիմ նախ տեղեկանալ թէ կառքը ումն է պատկանում և ինչ բանի է ծառայում: Եթէ ինձ ասեն, թէ կառքեր շինողին է պատկանում, կը գիտենամ թէ կառքը վաճառելի ապրանք է, այսինքն շրջաբերելի դրամագլուխ, որովհետեւ նա մէկ ձեռքից միւսն է անցնում:

Իսկ եթէ ընդհակառակն ասեն, թէ կառքը կառավարին է պատկանում, կ'իմանամ որ նա հաստատուն դրամագլուխ է. որովհետեւ կառավարի աշխատութեան գործիքն է, որով նա ինձ մի ծառայութիւն է անում, այսինքն մի տեղից միւսը փոխադրում է, ծառայութիւն որի համար փող եմ վճարում նորան: Եթէ վերջապէս ինձ ասեն թէ կառքը մեր շրջակայքի հարուստ կայուածատիրոջն է . . . ո՞վ կարող է իմանալ թէ որ տեսակ դրամագլուխների կարգում պէտք է դասել նորանս:

Ոչ ոք չպատասխանեց:

ՈՒՍՈՒՑԻՉԸ. — Ի՞նչքա՞նու էք չգիտէք թէ ինչ պատասխանէք, և իրաւամբ. բանն այն է որ զըօսանքի համար գնուած կառքը ոչ մի տեսակ դրամագլուխ չէ, քանի որ ոչինչ չէ արտադրում, այլ լրկ սպառման առարկայ է: Կառքի տէրը գործ է ածում նորան մինչև որ մնալուի կամ, ինչպէս ասում են, սպառուի սպառելու բառը չէ նշանակում միայն սպառել և գործ ածել:

ՏԱՆՈՒՑԵՐԸ. — Արդարեւ վաճառականութեան մէջ վերջին գնողին են ասում սպառող:

ՈՒՍՈՒՑԻՉԸ. — Այժմ ուրիշ բան հար-

ցընեմ: Բժշկի գիտութիւնը ի՞նչ տեսակ դրամագլուխ է:

«Ռուք զարմանում էք որ գիտութիւնը դրամագլուխ եմ անուանում: Բայց միթէ բժշկի գիտութիւնը աշխատութեան գործիք չէ՞, քանի որ նա իւր գիտութեամբ բժշկում է ձեզ, նա արտադրում է ձեր առողջութիւնը, ինչպէս որ երկրագործը ցորեն է արտադրում և ջաղացպանը ալիւր, և դուք ուրախութեամբ ու երախտագիտութեամբ փող էք վճարում նորան իւր մատուցած ծառայութեան համար:

«Բժշկի, փաստաբանի, ուսուցչի և սոցա նման անձանց դրամագլուխը մտաւոր կամ աննիւթական դրամագլուխ է, և կարող է, աշխատութեան գործիքներից շատերի նման, հաստատուն դրամագլուխների կարգը դասուիլ:

ՏԱՆՈՒՑԻՐԸ. — Ըստ ինքեան այդ ուղիղ է: Ես իմ որդուն ուսումնարան եմ ուղարկում, տարիներով ուսում եմ առնել տալիս նորան և շատ փող եմ մսխում: Իմ որդին իւր կողմից, աշխատում է և ամէն օր իւր յիշողութեան մէջ մի կողմն է դնում ոչ թէ արծաթի արբասիներ, այլ քիչ քիչ գիտութիւն. մի քանի ժամանակից յետոյ, նա այդ գիտութիւնից օգուտ կը քաղէ: Այո՛, ես այժմ հասկանում

եմ, գիտութիւնը նոյնպէս դրամագլուխ է:

ՈՒՍՈՒՑԻՉԸ. — Գործաւորը՝ որ իւր արհեստին հմուտ է և միևնոյն ժամանակ ճարպիկ է, ունի նոյնպէս դրամագլուխ. նորա դրամագլուխը իւր ճարպիկութիւնն է, որի համար նորան աւելի են վճարում. քան մի անշընորհք արհեստաւորի, և մանաւանդ քան մի օրով վարձուած մշակի, որ միայն իւր երկու կոնները կարող է առաջարկել ձեզ:»

### Դրամագլխի տոկոսը.

Փոքր ինչ մտածելուց յետոյ, տանուտէրը սոսայ ծիծաղելով. «Մտաւոր դրամագլուխը միայն մի պակասութիւն ունի, այն է որ չէ կարելի շահով տալ նորան:

— Գորա փոխարէն, պատասխանեց ուսուցիչը, չէ էլ կարելի զողանալ նորան: Հին ժամանակների իմաստուններից մէկը, Բիաս, որ միանգամայն թէ հարուստ էր և թէ զիտուն, ստիպուած լինելով փախչել իւր ծննդեան քաղաքից որ թշնամիների ձեռքն էր ընկել, հեռացաւ առանց իւր ստացուածքից մի բան տանելու: Հարեան մարդիկը յայտնեցին իրանց զար-

մանքը այդ բանի վրայ: «Ոս ինձ հետ տանում եմ, ասաց նա ակնարկելով իւր գիտութեան վերայ, իմ հարստութեան այն մասը որ ոչ մի թշնամի և ոչ մի գող չէ կարող յափշտակել ինձանից:»

— Ի՞նչ բան է շահով փող տալ, հարցրեց, Յովսէփը:

— Այդ շատ պարզ է, պատասխանեց նորան հայրը, որ բոլոր խօսակցութիւնը լսել էր: Եթէ դու խնայողութեամբ 100 մանէթ հաւաքել ես, և փոխանակ այդ գումարով գործիքներ և նախնական նիւթեր առնելու՝ մի ուրիշին փոխ տաս, փոխառուն այդ բանի համար ուրախութեամբ 5 մանէթ շահ կը տայ քեզ տարէնը: Այդ նոյնն է թէ մի տուն վարձով տայիր նորան, նա վճարում է քեզ փոխ առած փողն վարձը:

ՈՒՍՈՒՅԻՉԸ. — Երբ մի զաշա են վարձում, կալուածատիրոջ վճարուած փողին ազարակավարձ են ասում. երբ մի տուն կամ ուրիշ հաստատուն շինութիւն են վարձում, դորան պարզապէս վարձ են ասում, իսկ երբ փող են վարձում, կամ երբեմն նաև ապրանքներ, դորան տոկոս են կոչում:

— Նս լսել եմ, ասաց Սօսը որ մի քանի

ժամանակ քաղաքում կացել ու բանել էր, թէ պէտք է փոխ տալ առանց տոկոս պահանջելու:

— Այդ պատահում է երբեմն ազգականների ու բարեկամների մէջ: Եթէ ձեր եղբայրը իւր հարստութիւնը կորցրել է և դուք նորան ձեր տան մէջ բնակութիւն էք տալիս, այդ ձեր կողմից մեծ եղբայրսիրութիւն է. նոյնպէս եթէ ձեր բարեկամը նեղութեան մէջ է և դուք գումարով օգնութիւն էք հասնում նորան, առանց տոկոսի փոխ տալով կամ մինչև անգամ ընծայելով նորան այդ գումարը, գեղեցիկ գործարած կը լինիք, և ամէնքը կը գովեն ձեզ: Բայց այդ առևտրական գործ անել չէ, արտադրել չէ: Արդ, իւրաքանչիւր մարդ իրաւունք և յաճախ նաև պարտաւորութիւն ունի իւր դրամագլխից որքան կարելի է աւելի օգուտ քաղել, միայն իհարկէ պատուաւոր կերպով:

ՏԱՆՈՒՏԵՐԸ (իւր Սօս եղբորորդուն). — Քո բարեկամները որ այնպէս բարեսիրտ են, չը լինի՞ թէ նոքա էլ ձրի են աշխատում:

ՍՍՍ. — Այդ բոլորովին ուրիշ բան է: Աշխատութիւնը յոգնեցնում է մարդուն, և բացի դորանից արհեստաւոր մարդը վարձ պիտի ստանայ որ ապրի. փոխ տալը չէ յոգնեցնում:

և դրամագլուխ ունեցողները մեծ մասամբ հարուստ են:

ՈՒՍՈՒՑԻՉԸ. — Արհեստաւորը փող է ըստանում որովհետեւ մի ծառայութիւն է մատուցանում, և դրամատէրը նոյնպէս փող է ըստանում որովհետեւ մի ծառայութիւն է մատուցանում: Ինչ արհեստաւորները միայն ձեռքի աշխատութիւնն էք տեսնում, իբրև թէ ուրիշ կերպով չէ կարելի ծառայութիւն մատուցանել մարդկանց, կամ օգտակար լինել նոցա: Կան անձինք որ թէև ձեռքերով չեն աշխատում, բայց մտքով շատ են յոգնում, ծանր աշխատութիւններ են կատարում: Եւ ձեզ հաւատացնում եմ որ թէև հողը չեմ փորում, ոչ էլ փայտ սղոցում եմ կամ բան կարում, այնուամենայնիւ յաճախ շատ յոգնած եմ լինում երեկոյեանները: Բայց չխօսինք իմ մասին, տեսէք օրինակի համար բժիշկը, ի՞նչ կ'անէր նա եթէ պահանջէին որ ձրի բժշկէ հիւանդներին:

Ալա միտս եկաւ. անցեալ օր գնացել էի քաղաք, ուր գործ ունէի մի հարուստ վաճառականի մօտ: Անց կացայ մի գրասենեակով ուր շատ գործակատարներ զբաղուած էին զանազան բաներ գրելով, և մտայ նորա աշխատութեան սենեակը: Այդ սենեակը հաղորդակցութիւն

ունէր նորա ննջարանի հետ մի դռնով որ երբէք չէր փակվում: բաւական է այդ երկու սենեակները տեսնել որ մարդ համոզուի թէ աշխատութիւնը եւ է զալիս այնտեղ: Պահարանները լի էին քարտոններով, գրասեղանը ծածկուած զանազան թղթերով և անկողնի մօտ մի փոքրիկ սեղանի վրայ կային մատեաններ և աշխարհի ամէն անկիւններից եկած նամակներ, որ վաճառականը մի կողմը դրել էր նոյն դիշերը մէկ մէկ կարգալու համար:

«Ի՞նչ էք կարծում, ո՞վ աւելի երկար ու ծանր աշխատանք ունի կատարելու, վաճառականը թէ իւր գործակատարներից ամէն մէկը առանձին առած:

ՏԱՆՈՒՑԻՐԸ. — Ինչ ասել կ'ուզէ որ վաճառականը աւելի է աշխատում, այդ ինձ յայտնի է:

ՈՒՍՈՒՑԻՉԸ. — Անտարակոյս այդպէս է: Երեկոյեան, գործակատարը յետ է դառնում տուն, անհոգ, հանգստանում է, պարկուճ է և խաղաղ քնում: Իսկ վաճառականը շարունակում է մտածել իւր արած և անելիք գործերի վրայ, և հէնց այն օրը որ ես նորան տեսայ՝ բաւական նշանաւոր գումար էր կորցրել: ո՞վ դիտէ, մէկ-երկու այդպիսի կորուստներ զուցէ

բոլորովին քանդեն նորան:

ԱՐՇԱԿ. — Բայց ի՞նչ է արտադրում վաճառականը որ այդպէս աշխատում է:

ՈՒՍՈՒՑԻՉԸ. — Շատ բաներ: Նա այն է անում որ մենք ունինք սուրճ, բրինձ, համեմունք, որ շաքարը այնքան թանգ չէ, և ուրիշ շատ բաներ: Եւ այս բոլորը գլխի աշխատանք է:

ՍՕՍ. — Բայց այն մարդիկը որոնք գլխով են աշխատում, այսինքն նոքա որոնք իրանց խելքով կամ գիտութեամբ ծառայութիւններ են մատուցանում, այս կամ այն կերպով վարձատրվում են, այն ինչ փողը չէ աշխատում: Ինչի՞ համար են վճարում նորան որ փոխ է տալիս, ուրիշ խօսքով, ինչի՞ դրամագլուխը տուկոս է բերում:

ՈՒՍՈՒՑԻՉԸ. — Մուրճը չէ աշխատում, ոչ էլ ասեղը, այլ ձեռքն է բռնում այդ գործիքները և խելքն է առաջնորդում կամ գոնեապէտք է առաջնորդէ ձեռքին: Արդ, փողը գործիք է, — կամ ներկայացնում է այն գործիքները որ գնվում են նորանով. — խելքն է կանոնաւորում նորա գործածութիւնը:

«Տեսէ՛ք, օրինակի համար, այն վաճառականը որի մասին փոքր ինչ խօսում էի, գիտէր որ սուրճի պակասութիւն պիտի լինի.

նա մի նամակ գրեց Եւրոպա, պահանջելով որ 10,000 մանէթի սուրճ ուղարկեն իրան: Սուրճը պարկերի մէջ է դրվում և վաճառականի պատուէրի համեմատ նաւով ճանապարհ է դրվում: Բայց յանկարծ մի մեծ փոթորիկ է բարձրանում, և նաև ու սուրճը ծովի յատակն են գնում: Սուրճը գնելով ու բերել տալով, վաճառականը մի ծառայութիւն էր մատուցանում, որ ոչ ոք չպիտի զլանայ վճարելու. բայց բացի դորանից, մի՞թէ ուրիշ ոչինչ չի հասնիլ նորան, քանի որ նա իւր ունեցածը կորուստի է ենթարկում:

ՏԱՆՈՒՑԷՐԸ. — Եւ եթէ վաճառականը բաւական փող չունի և ես նորան փոխ եմ տալիս, այդ նոյնն է թէ նորա հետ ընկերանայի:

ՈՒՍՈՒՑԻՉԸ. — ձմարիտ է: Եւ երբ երկու հոգի այդ կերպով ընկերանում են, կարելի է երկու տեսակ պայման կապել. կամ դրամագլուխի տէրը առաջարկում է օգուտն ու փնասը կէս անել, կամ նա ասում է. Արովհետեւ դուք պիտի կառավարէք գործը, և ես ձեզ միայն փողն եմ յանձնում, մինչդեռ այդ միջոցում ուրիշ գործով կը պարապիմ, բաւականանում եմ 100 ի 5 պահանջելով ձեզանից: Քանի որ դուք պիտի բանեցնէք դրամագլուխը, իրաւացի



է որ (100ի 5ը ինձ վճարելուց յետոյ) բոլոր օգուտը ձերը լինի. միւս կողմից, որովհետեւ ես գործին մասնակից չեմ, չեմ կամենում ենթարկուիլ այն վնասներին որ կարող են առաջ գալ ձեր անհոգութիւնից կամ անընդունակութիւնից: Ուրեմն ահա իմ դրամագլուխը, թէ բան շահիք կամ չշահիք, ես իմ 100ի 5ը կը ստանամ ձեզանից ամէն տարի:

ՏԱՆՈՒՑԷՐԸ. — Մի մարդ որ 3,000 մանէթ ունի և այդ գումարով մի ազարակ է գնում, կամ մի տուն շինում, կամ մի առուտուր սկսում, կամ վերջապէս այդ 3,000 մանէթը ուրիշին փոխ է տալիս, պէտք է անշուշտ որ այդ փողը մի եկամտոտ բերէ իրան՝ վարձի, շահի կամ տոկոսի ձևով, ապա թէ ոչ կամ ոչ ոք խնայութիւն չէր անիլ, և կամ՝ որ համարեա նոյնքան ցաւալի կը լինէր, ամէն մարդ իւր խնայած փողը կը թաքցնէր: Ուրեմն աշխարայ է որ առանց դրամագլխի ոչինչ չէ կարելի անել, թէ լաւ է որ մարդ վարկ (էհտիբար) ունենայ և կարողանայ պէտք եղած ժամանակը փոխ առնել՝ փոխատուին յայտնի տոկոս վճարելով:

ՈՒՍՈՒՑԻՉԸ. — Եւ այդ տոկոսը ամէն մարդ պատրաստ է վճարելու, որովհետեւ ա-

տաղձագործը ի՞նչպէս կ'աշխատէր եթէ տախտակ չունենար, և դարբինը՝ եթէ երկաթ չունենար: Այն դրամագլուխը որ նոքա փոխարինաբար առնում են դրամատէրից, միջոց է տալիս նոցա ապրանքներ արտադրելու, ուրեմն և փող շահելու, և նոքա իրանց շահածի մի մասը շնորհակալութեամբ տալիս են փոխատուին, որ այդպէսով միջոց է տուել նոցա աշխատելու և փող շահելու: Այդ մի ծառայութիւն է որի համար նոքա վճարում են. ով որ այդ ծառայութիւնը մատուցել է, պէտք է մի քանի ժամանակ զրկուէր իւր դրամագլխից, և այդ զրկանքը վարձատրութեան արժանի է: Պահանջել որ մի գումար ձրի փոխ տան ձեզ (երբ այդ բարեկամական ծառայութիւն չէ՛ այլ առուտուրի գործ), նոյնն է թէ պահանջէիք որ կոշիկներ ձրի տան ձեզ. ամէն աշխատութիւն և ամէն ծառայութիւն վարձատրութեան արժանի են:»

### Դրամագլխի տոկոսը և շահը.

Գիւղացիքը շատ էին խօսում՝նոր շինուելիք երկաթուղու վրայ, և ամէն մարդ իւր դատողութիւնն անում էր այս մեծ ձեռնարկու-

Թեան յաջողութեան ու օգտակարութեան վը-  
րայ: Հաշվում էին թէ շատ փող և շատ մար-  
դիկ հարկաւոր են այդ գործը զլուխ տանելու  
համար. ոմանք մինչև անգամ մտածում էին  
գնալ իրանց ծառայութիւնը առաջարկել ճա-  
նապարհի շինութեան համար, բայց չգիտէին  
թէ ինչպէս անեն և ում դիմեն:

Խնդիրը պարզելու համար, մի կիրակի ե-  
րեկոյ, մի քանի հարեաններ գնացին ուսուցչից  
խորհուրդ հարցնելու. նոքա իրանց գերդաս-  
տաններէ հետ էին, և որովհետև եղանակը գե-  
ղեցիկ էր, նստան կակղի ծառի տակ:

Առաջին հարցը որ առաջարկուեցաւ ու-  
սուցչին այն էր թէ ով է շինում երկաթուղի-  
ները և ինչ միջոցներով:

Նա պտտասխանեց. «Ընդհանրապէս եր-  
կաթուղիները կամ տէրութիւնն է շինում,  
կամ տէրութիւնից արտօնութիւն ստացած ըն-  
կերութիւնները: Աւ որովհետև այսպիսի մեծ  
գործի համար, ինչպէս դուք էլ լաւ հասկա-  
նում էք, մեծամեծ գումարներ են հարկաւոր,  
ընկերութիւնը, երբեմն նաև տէրութիւնը,  
հասարակութեան օգնութեանն է դիմում և մեծ  
ու փոքր գրամատերերին հրաւիրում է ձեռ-  
նարկութեանը մասնակից լինելու:

«Ի՞նչպէս:

«Նա դուրս է տալիս երկու տեսակ արժէ-  
թղթեր, որ ամեն մարդ կարող է ձեռք բերել  
ընկերութեան գանձարանը մի որոշեալ գումար  
տանելով. այդ արժէթղթերին բաժնէտոմս<sup>1</sup> և  
պարտատոմս<sup>2</sup> անուաններն են տալիս:

«Ով որ ուզում է գործի մէջ մասն ունե-  
նալ, նա բաժնէտոմս է առնում: Բաժնէտոմսե-  
րով նոյն իսկ ընկերութիւնը կազմվում է, և  
բաժնէտոմս ունեցողը ընկերութեան անդամա-  
կից է համարվում. նա բերում 100 մ., կամ  
200 մ., կամ աւելի ընկերութեան գանձարանը,  
և եթէ շահ (օգուտ) կայ՝ իւր բաժինը ստա-  
նում է, իսկ եթէ չկայ՝ ոչինչ չէ ստանում: Եւ-  
րաքանչիւր բաժնէտոմսին ընկած շահի մասը  
կոչվում է բաշխ<sup>3</sup>, որովհետև շահած գումարը  
հաւասար մասերի բաշխվում է բոլոր բաժնէ-  
տոմսերի վրայ, որոնք միևնոյն ձեռնարկութեան  
մէջ նոյն արժէքն ունին: Եւրաքանչիւր բաժա-  
նորդ կարող է մի քանի բաժնէտոմս ունենալ:

«Ուրիշ բան է պարտատոմսը: Ով որ 200  
մանէթի պարտատոմս է առնում, նա նոյն  
գումարի պարտատէրն է դառնում ընկերու-  
թեան առաջ, և որոշեալ տոկոս է ստանում

1) ակցիա. 2) օրելագիա. 3) դիվիդենդ.

(100ի 5 կամ աւելի տարէնը), առանց ընկերութեան շահին մասնակից լինելու, բայց և առանց իւր փողը կորուստի ենթարկելու: Պարտատոմսի տոկոսը վճարվում է բաշխից առաջ, որ բաժնէտոմսի շահած բաժինն է: Պարտատոմսի տէրը միշտ միւսնոյն գումարն է ստանում: Իսկ բաժնէտոմսի տէրը երբեմն աւելի և երբեմն պակաս, նայելով տարիներին, բայց — եթէ գործը յաջող է գնում, — բաշխը միշտ տոկոսից աւելի է, և այդպէս էլ պէտք է լինի, քանի որ բաժնէտոմսի տէրը իւր գումարը վստանգի է ենթարկում:

«Այժմ պարզ տեսնում էք թէ ի՞նչ է բաժնէտոմսը և ի՞նչ է պարտատոմսը: Գիտեմ որ ձեր մէջ կան այնպիսիները որոնք միջոց ունին այդ տոմսերից մէկ կամ միւս տեսակը ձեռք բերելու, և ով որ այդ կանէ հազիւ թէ սխալուի, որովհետև դժուար թէ կարելի լինի կասկածել երկաթուղու յաջողութեան վրայ: Բայց և այնպէս, քանի որ մի նոր ձեռնարկութեան յաջողութեան վրայ առաջուց չէ կարելի հաստատուն կերպով խօսել, ձեզ իւրաքանչիւրիդ մնում է քննել թէ արդեօք աւելի լաւ է համարուա իւր փողը քիչ շատ վստանգի ենթարկել և մի բաժնէտոմս առնել, որ կարող է մեծ շահ

բերել, թէ կամենում է քիչ պակասով գոհ լինել, միայն թէ վստահ լինի որ որոշեալ ժամանակին կանոնաւորապէս կը ստանայ իւր տոկոսը:»

Երկար վեճեցին այս խնդրի վրայ, իւրաքանչիւրը իւր կարծիքը յայտնեց այն մասին թէ ի՞նչ յաջողութիւն կարող է ունենալ երկաթուղին մեր երկրում: Ով որ յոյս ունէր թէ մեծ շահ կարող է ունենալ, վճռեց բաժնէտոմս ձեռք բերել, իսկ ով որ կարծում էր թէ այնքան օգուտ չի լինիլ, որոշեց պարտատոմս առնել:

«Այսպիսի մեծ ձեռնարկութեան մէջ որպիսի է երկաթուղու շինութիւնը, շարունակեց ուսուցիչը, շատ գործ կայ այն մարդկանց համար որոնք եթէ մի կողմ դրած փող չունին, դորա փոխարէն առողջ բազուկներ ունին և կամք աշխատելու:

ՏԱՆՈՒՏԷՐԸ. — Ո՛րքան մարդիկ հարկաւոր կը լինին գետինը հարթելու, կամուրջներ շինելու, գերաններ տաշելու և նոցա վրայ երկաթագծերը տեղաւորելու համար:

ԿԱՒԱՏՈՋ ՅՈՎԱՅՓ. — Ես մտածում էի գետինը հարթելու գործով պարապիլ: Բայց, ինչպէս ասում են, այդ գործը մեծ մեծ բաժիններով պիտի տրուի, այսինքն մի քանի հա-

րիւր կամ գուցէ հազար սաժէն միասին, և ես մենակ չեմ կարող այդքան բան շինել, ինձ հարկաւոր են օգնականներ: Բայց եթէ մշակներ առնեմ, պէտք է օրական վարձ վճարեմ նոցա, և ես բաւական փող չունիմ այդ բանի համար. իսկ ուրիշնց փոխ առնել չեմ կարող, որովհետեւ ոչ մի դրամատէր չեմ ճանաչում, ուրեմն և վարկ գտնելու յոյս չունիմ: Մի միջոց էլ է մընում, որ նոր միտս եկաւ, գուցէ կարելի լինի ընկերանալ ուրիշ գործաւորների հետ:

Այս միտքը հաւանելի երևեցաւ գիւղացոց, և սկսան մի առ մի քննել թէ ով կարող էր ընկերանալ Կալատոզ Յովսէփի հետ:

Մէկը առաջարկեց. Մուրատենց Յովհաննէսին:

Միւսը յիշեց Գարտաշենց Փիլիպպոսին:

Երրորդը Գարբնենց Յակոբի անունը տուաւ:

Ուրիշ շատ մարդիկ էլ մէկ մէկ յիշուեցան, բայց ամէն մէկի համար ասուեցաւ թէ կամ չի կամենալ, կամ չի կարողանալ ընկերանալ Կալատոզ Յովսէփի հետ:

Եւ ինչե՞ չպիտի կարողանայ:

Որովհետեւ այդպիսի գործերի մէջ ձեռնարկուին ամէն օր փող չեն վճարում, այլ որոշեալ ժամանակամիջոցից յետոյ, դիցուք երեք

ամիսը մի անգամ, իսկ այդ գործաւորները միջոց չունին այդքան սպասել իրանց փողը ստանալու համար: Եթէ նոքա մի փոքրիկ դրամագլուխ ունենային, կարող էին ձեռնարկութեան մէջ մտնել, բայց որովհետեւ չունին, պէտք է օրական վարձ ստանան:

Այս էլ կայ որ գործաւորների մեծ մասը չեն սիրում կորուստ ունենալու վտանգի մէջ լինել, ուստի և փոքրիկ ու յայտնի օգուտը մեծ բայց անյայտ օգուտներից աւելի լաւ են համարում:

«Իսկապէս, ասաց ուսուցիչը, աշխատութիւնը և դրամագլուխը միևնոյն պայմանների մէջ են գտնվում, թէ այստեղ և թէ այնտեղ կարելի է երկու տարբեր ձևերով ընկերանալ կամ մարդ ձեռնարկութեան յաջողութիւնը և անյաջողութիւնը աչք է առնում, ուրեմն և օգուտին ու վնասին մասնակից լինում, կամ թէ՛ չէ կամենում կորուստի ենթարկուիլ, այլ որոշ եկամուտ ունենալ, և այն ժամանակ դրամագլուխը վճարվում է տոկոսով և աշխատութիւնը վարձով:»

### Վարձի գանազան տեսակները.

Մի բուպէ լուծիւնից յետոյ, Տանուտէրը դարձաւ ասաց Կալատող Յովսէփին. «Բուցէ մենք կարողանայինք ընկերանայ քո ասած գործի համար, ես կը խօսիմ իննամի Բարսեղի հետ, և եթէ նա էլ համաձայնի մեզ հետ ընկերանայու, բաւական դրամագլուխ կ'ունենանք: Բանն այն է միայն թէ ինչպէս ես մտածում գործը կատարել:»

ԿԱԼԱՏՈՋ ՅՈՎՍԷՓ. — Առհասարակ այսպէս է լինում. մշակները հետ օրով են կապվում, և նայելով պայմանին՝ շաբաթը կամ երկու շաբաթը մի անգամ վճարում են նոցա:

ՈՒՍՈՒՑԻՉԸ. — Դժբաղդաբար մշակները միշտ արիութեամբ չեն աշխատում, այնպէս որ բաւական գործ չէ շինվում մի օրուայ մէջ:

ԿԱԼԱՏՈՋ ՅՈՎՍԷՓ. — ձշմարիտ է, և հէնց այս պատճառով աւելի լաւ կը համարէի չափով կամ, ինչպէս ասում են, կտորով պայման կապել քան թէ օրով. մի սաժէնի համար այսօր կ'առաջարկեմ, և ամէն մէկին իւր շինած գործի համեմատ կը վճարեմ. այս աւելի ձեռնտու է:

ՏԱՆՈՒՑԷՐԸ. — Այդպէս է. միայն, եթէ

օրով բանող մշակը փոքր ինչ ծանր է շարժում, սովորաբար աւելի լաւ գործ է դուրս բերում, այն ինչ չափով կամ կտորով բանողը առ հասարակ շտապում է և կիսկատար գործ է շինում:

ՈՒՍՈՒՑԻՉԸ. — Երկաթուղու ընկերութիւնը ունի իւր երկրաչափները, որոնք քննում են թէ ճանապարհը ինչպէս է հարթած ու շինած, և միայն այն ժամանակ են ընդունում երբ գործը լաւ է կատարած:

ԿԱԼԱՏՈՋ ՅՈՎՍԷՓ. — Բայց ես ինքս էլ գործը աւարտած չեմ համարում, եթէ լաւ շինած չէ: Ինչ կ'ուզէ լինի, չափով տրուած գործը աւելի արագ է գնում քան թէ օրով բանածը, կարելի է կապուիլ պայմանադրած օրը գործը յանձնել:

ՏԻԳՐԱՆ. — Երկրաչափները օրով են աշխատում թէ կտորով:

ՈՒՍՈՒՑԻՉԸ. — Այդ կախուած է գործից: Կայ ճարտարագետ երկրաչափ որին առաջարկում են մի գործատան, մի ջրանցքի, մի ջաղացքի յատակագիծը շինել, կամ մի ծրագիր պատրաստել. նա իւր յանձն առած գործը կատարում է, իւր աշխատութեան վարձը ըստանում է, և գորանով ամէն բան վերջանում

է. այս դէպքում նա կտորով աշխատած կը լինի: Բայց կան ուրիշները որոնք տարով են աշխատում և որոշեալ ուճիկ են ստանում: այդպիսիները նոյն է թէ օրական վարձ ստանային: Եթէ մի երկրաչափ տարին 1,800 մանէթ է ստանում, օրէնը 5 մանէթ վարձ ստացած կը լինի:

ԱՐԱՄ. — Հապա բժիշկը:

ՈՒՍՈՒՑԻԶԸ. — Քաղաքական բժիշկը սովորաբար ամէն մի այցելութեան համար վարձ է ստանում, իսկ զինուորական բժիշկը օրական վարձ է ստանում, որովհետեւ հաստատուն ուճիկ ունի:

ՏԱՆՈՒՑԷՐԸ. — Երբ մարդ հաստատուն ու որոշ վարձ է պահանջում, պէտք է օրով կամ կտորով բանի:

ՏԻԳՐԱՆ. — Ուրեմն կայ վարձ որ հաստատուն ու որոշ չէ:

ՈՒՍՈՒՑԻԶԸ. — Կան դարձեալ գործեր ուր աշխատողը արդիւնքի մի մասն է ստանում. զորօրինակ, ծովային ձկնորսութեան մէջ այդպէս են անում ուրիշ երկրներում, թէ և այդ սովորութիւնը ձկնորս մշակի համար ձեռնտու չէ, որովհետեւ երբեմն պատահում է որ շատ սակաւ ձուկ է դուրս գալիս: Նոյնպէս և

հողի մշակութեան մէջ, երկրագործ կապալառուն կալուածատէրից հողը ստանում է և արդիւնքը նորա հետ կէս անում: Սորա նման ուրիշ պայմաններ էլ կան, ուր մէկ կողմից արդիւնքն է տրվում, իսկ միւս կողմից աշխատութիւնը:

ՍՕՍ. — Ասում են, օրինակի համար, թէ տեղ տեղ հնձողները տասը կամ տասներկու խուրձից մէկն են ստանում:

ՈՒՍՈՒՑԻԶԸ. — Բայց այստեղ արդիւնքն այնքան անորոշ չէ, ոչ էլ կորուստի վտանգ կայ. որովհետեւ հնձուելու ցորենը արտերումն է, նա շատ է կամ սակաւ, բայց եղածն երեւում է, ուրեմն կարելի է նորա արժէքը գնահատել. եթէ ցորենը սակաւ է, պակաս աշխատութիւն էլ է հարկաւոր նորան հնձելու համար: Այդ նոյնն է թէ մարդ կտորով աշխատէր, նա գիտէ թէ հարիւր կապած խուրձերից որքան պիտի ստանայ. միայն փխտանակ իւր վարձը փողով ստանալու, բնական բերքով է ստանում:

ՏԱՆՈՒՑԷՐԸ. — Այդ սովորութիւնը այժմ վերանում է: Առաջուայ ժամանակները փողը շատ սակաւ էր, ուստի և աւելի բնական բերքերով էին վճարում. այդ վճարը համարեա

միշտ կատարած աշխատութեան համեմատ էր լինում:

ՈՒՍՈՒՑԻՉԸ. — Ինչ տեսակ էլ լինի վարձը, աշխատութեան գինը միշտ առաջուց որոշվում և ընդունվում է երկու կողմից:

ՏԱՆՈՒՑԷՐԸ. — Հէնց այս էլ մի պատճառ է որ վարձերը երբեմն տէրերի կամ գործաւորների ցանկացածից բարձր են լինում, երբեմն ցածր: Եթէ գործը շտապով է և գործաւորները սակաւ, վարձերը բարձրանում են. իսկ եթէ գործաւորները աշխատանք չունին, նորքա համաձայնում են պակաս վարձով բանել:

ՈՒՍՈՒՑԻՉԸ. — ձշմարիտ է, բայց այդ տեսակ վարձերը սովորական չեն և չեն կարող տեսել: Նրբ վարձագինը շատ բարձր է, տէրը չէ կարող ծախել իւր արդիւնքները, որ շատ թանգ են. իսկ երբ վարձագինը շատ ցածր է, գործաւորները ապրելու միջոց չունին և աշխատում են որքան հնար է ուրիշ զբաղմունքներ գտնել:»

### Դաշնակապ. — Բանիթող.

Տիգրանը չէր կարող հասկանալ թէ ինչի վարձագինը երբեմն շատ բարձր և երբեմն շատ ցածր պիտի լինի. նա այդ անիրաւ բան էր համարում ինչպէս տէրերի, նոյնպէս և գործաւորների կողմից, ուստի և իւր տարակոյսը յայտնեց դաստիարակին:

ՈՒՍՈՒՑԻՉԸ. — Ասա տեսնեմ, Տիգրան, երբ Ֆոխիները հազուադիւս են, միթէ աւելի չարժե՞ն քան երբ շատ են, երբ ամէն երեսայ Ֆոխի ունի:

ՏԻԳՐԱՆ. — Բայց այդ միւլենոյն բանը չէ:

ՈՒՍՈՒՑԻՉԸ. — Իհարկէ, Ֆոխիը աշխատութիւն չէ, մենք խօսում ենք աշխատութեան և ոչ Ֆոխիի գնի վրայ: Բայց գիցուք թէ մի գործաւոր գիմում է մի կօշկակարի, որ միայն երկու գործաւորի համար աշխատանք ունի. ի՞նչ պատասխան կը տայ վարպետը գործ խնդրող կօշկակարին:

ՏԻԳՐԱՆ. — Նա կը պատասխանէ թէ պէտք եղած մարդիկն ունի, թէ նոր մարդու հարկաւորութիւն չունի:

ՈՒՍՈՒՑԻՉԸ. — Այժմ ենթադրենք թէ

այդ գործաւոր կօշկակարը ուրիշ շատ վար-  
պետների է դիմել, որոնց արհեստանոցներում  
ազատ տեղ չլինելով՝ ոչ մէկից չէ ընդունուել-  
լի՞նչ կ'անէ նա առանց աշխատանքի:»

Տիգրանը չգիտենալով թէ ինչ պատասխան  
տայ, ծանուտէրն աւելացրեց. «Ի՞նչ կ'անէ նա  
որ քաղցած չմեռնի:

ԱՐՇԱԿ. — Ուրիշ գործի կը կպչի:

ՏԱՆՈՒՑԷՐԸ. — Բայց պէտք է կարողա-  
նայ. նա փաստաբան կը դառնայ, կամ բժիշկ,  
այնպէս չէ՞:»

Երեկայքը սկսան ծիծաղել, և ուսուցիչը  
այսպէս բացատրեց ծանուտէրի կատակը. «Գոր-  
ծաւորը որ այս կամ այն պատճառով չէ կա-  
րող իւր արհեստը բանեցնել, բայց ապրուստը  
ձարելու համար ստիպուած է անգործ չմնալ,  
միայն այնպիսի հասարակ գործի կարող է կըպ-  
չել, որ սովորելու հարկաւորութիւն չկայ: Արդ,  
հասարակ աշխատութիւնները, որ ամէն մարդ  
կարող է կատարել, քիչ են վճարվում: Բացի  
սորանից, այն աշխատութիւնները որոնց մարդ  
սովորած չէ, աւելի են յոգնեցնում: Վերջապէս  
շատ ժամանակ է կորչում նոր գործ որոնելու  
համար, որ մարդ չէ իմանում թէ ուր գտնէ:  
Այս բոլոր պատճառներով, գործաւորը աւելի

լաւ է համարում ասել իւր արհեստի վարպե-  
տին. Տուէք ինձ գործ, ես ուրիշներինց պակաս  
գնով կը բանիմ, գոնեա առ ժամանակ:

ՍՍՍ. — Լաւ չէ որ վարպետը օգուտ է  
քաղում գործաւորի թշուառութիւնից:

ՏԱՆՈՒՑԷՐԸ. — Ուզում ես ասել թէ ա-  
ւելի լաւ կը լինէր եթէ նա պատասխանէր  
գործաւորին. Տղնս, ես չեմ կարող քո աշխա-  
տութիւնը իւր սովորական գնով վճարել, ու-  
րեմն մեռիր քաղցից:

ՈՒՍՈՒՑԻՉԸ. — Վարպետը օգուտ չէ քա-  
ղում գործաւորի թշուառութիւնից, — այդ  
շատ վատ բան կը լինէր նորա կողմից. — Ընդ-  
հակառակն, նա երբեմն օգնում է նորան իւր  
փնասը աչքի առաջ ունենալով, մինչև անգամ  
երբ պակաս գնով աշխատութիւն է տալիս նո-  
րան, չանի որ նա այնքան աշխատող չէ որքան  
որքան կարող է հետնուոր կերպով պարտայեցնել:

ՍՍՍ. — Այդ ի՞նչպէս:

ՈՒՍՈՒՑԻՉԸ. — Ահա ինչպէս: Մենք լսո-  
սում էինք կօշկակարի վրայ, շարունակինք այն  
օրինակը: Կօշկակարը կօշիկներ է ծախում,  
դիցուք զոյգը 5 մանէթով: Այդ 5 մանէթից  
մի մասը կաշուն է գնում, մի մասը գործաւո-  
րին, մի մասը ուրիշ ծախքերի, և ինչ որ կը



մնայ, այդ վարպետի օգուտն է: Հասկանալի է որ նա այնքան կօշիկներ է պատրաստել տալիս որքան կարող է ծախել: Դիցուք թէ նա կարող է 300 զոյգ ծախել: Գալիս է մի գործաւոր և ասում է նորան. Նս էլ կը բանիմ ձեզ համար: Կօշկակարը պատասխանում է. Նս արդէն 300 զոյգ կարել էմ տալիս, բւեղի չեմ կարող ծախել: — Բայց ես պէտք է աշխատիմ որ կարողանամ ապրել, ասում է գործաւորը, ուստի յանձն կ'առնեմ պակաս գնով բանել: Այն ժամանակ կօշկակարը ինքն իրան ասում է. Նս այդ աւելորդ կօշիկները պակաս գնով կը տամ, դուցէ առնողներ գտնեմ: և նա ընդունում է գործաւորի առաջարկութիւնը:

ՏԱՆՈՒՑԻՐԸ. — Այսպէսով նա իւր դրամագլխի մի մասը գործ է դնում աւելորդ կաշի առնելու և վարձ վճարելու համար, և եթէ չկարողանայ կօշիկները ծախել, դրամագլուխը ոչինչ եկամուտ չի բերիլ նորան, նա իւր փողը տոկոսը կը կորցնէ:

ԿԱԼՍՏՈՉ ՅՈՎՍԷՓ. — Նս միշտ տեսել էմ որ երբ աշխատանքը շատ է վարձը աւելանում է, և երբ քիչ է պակասում է, այդ բանի առաջ ոչնչով չէ կարելի առնել:

ՍՍՍ. — Ինչպէս չէ կարելի: Նս լրա-

գրում կարգացել էմ որ ուրիշ երկրներում գործաւորները երկու միջոց ունին տէրերին ստիպելու որ իրանց վարձը աւելացնեն, դաշնակապը և բանթողը:»

«Ի՞նչ է դաշնակապը և բանթողը,» հետաքրքրութեամբ հարցրեց Աւոնը դառնալով դէպի իւր դաստիարակը:

ՈՒՍՈՒՅԻՉԸ. — Նս այդ մասին ոչինչ չասացի, որովհետեւ մեզանում դաշնակապ ու բանթող ասածը կամ ամենեւին չկայ, կամ ուր որ կայ, շատ թեթեւ ձևով է երևում: Ուրիշ բան է եւրոպական երկրներում: Այնտեղ, երբ միևնոյն արհեստի տէր գործաւորները իրանց ըստացած վարձից տժգոհ են, խօսքերը մէկ են անում պահանջելու որ վարձագինը աւելացրնեն, — այդ դաշնակապն է. իսկ երբ տէրերը մերժում են գործաւորների առաջարկութիւնը, սոքա հրաժարվում են հին պայմաններով աշխատելու, — այդ բանթողն է: Բանթող լինելը ինչպէս հայերէն բառից երևում է, նշանակում է աշխատելուց դադարել:

ՍՍՍ. — Գործաւորը այդ իրաւունքն ունի:

ՈՒՍՈՒՅԻՉԸ. — Այո, բայց միշտ ձեռնտու չէ նորան գործ գնել իւր իրաւունքը: Շատ անգամ պատահում է որ մի քանի շաբաթ

կամ մի քանի ամիս բանթող լինելուց յետոյ, գործաւորը ստիպւում է ղեջումն անել. որովհետեւ անգործ մնալով, նա ոչինչ չէ շահում, և եթէ մի քիչ խնայած փող ունի, այն էլ ուտում է: Եթէ մինչև անգամ յաջողն էլ իւր վարձագինը փոքր ինչ աւելացնել տալ, այդ յաւելուածը թանգ գնով է ձեռք բերւում, և ոչ որ չէ կարող երաշխաւոր լինել թէ անխախտ կը մնայ:

ՍՍՍ. — Ծանր է ուրեմն խեղճ գործաւորի վիճակը եթէ միշտ իւր տիրոջից կախում պիտի ունենայ:

ՌԻՍՈՒՑԻՉԸ. — Չպէտք է մոռանալ որ տէրը զուարճանալու համար չէ աշխատում, այլ իւր աշխատութեան արդիւնքը ծախու հանելու համար: Գնողը կամ սպաւողը, իւր կողմից, ծախողին զուարճութիւն պատճառելու համար չէ գնում, այլ որովհետեւ ցանկանում է ծախու հանուած ապրանքը ձեռք բերել միայն թէ նա կը կամենայ այդ ապրանքը այս ինչ գրնով ստանալ և կը մերթէ այն ինչ գնով առնել: Եթէ նա չհամաձայնի նշանակուած գինը վճարելու, հազիւ կը պատահի որ ծախողը ստիպէ նորան այդ գնով առնել. ընդհակառակն, համարեա միշտ այնպէս է լինում որ սպաւողը

հարկադրում է ծախողին իւր գները իջեցնելու: Ուրեմն քանի որ տէրը չէ կարող իւր ուղածին պէս ապրանքի գինը բարձրացնել, չէ էլ կարող միշտ գործաւորների վարձագինը աւելացնել:

ԿԱԼԱՏՈՋ ՅՈՎՍԷՓ. — Հասկանալի է որ նա աւելի լաւ կը համարի գործը դադարեցնել քան թէ մնասով աշխատել:

ՍՍՍ. — Բայց եթէ գործաւորը այնքան չէ ստանում որ կարողանայ ապրել:

ԿԱԼԱՏՈՋ ՅՈՎՍԷՓ. — Գործաւորները միշտ բաւական վարձ չեն ստանում, այդ ուղիղ է. բայց շատ անգամ պատահում է որ ծոյլ մարդիկ չեն աշխատում պատճառ բռնելով թէ իրանց աշխատութիւնը քիչ է գնահատւում:

ՏԱՆՈՒՑԵՐԸ. — Այդպիսիները լաւ կ'անէին եթէ աշխատէին մի քիչ խնայութիւն անել. որքան աւելորդ ծախքեր են լինում:

ՌԻՍՈՒՑԻՉԸ. — Մարդ պէտք է գիտենայ անտեսութեամբ ապրել. եթէ մէկը կամենում է իւր գործը փոխել թող փոխէ՝ թէ կարող է ուրիշ արհեստ բանեցնել. միայն այս չպէտք է մոռանալ որ ամէն մարդ կարող է իւր վիճակը բարեղբել՝ որքան կարելի է շատ և լաւ գործ ձեռքից դուրս բերելով:

### Գործակցական ընկերութիւն.

ՄՍՍ. — Ես կարգացել եմ որ լուսաւորեալ երկրներում արհեստաւորները, իրանց վիճակը բարւոքելու նպատակով, գործակցական ընկերութիւններ են հիմնում: Ինչպէս երևում է, դուք հաւատ չէք ընծայում այդ տեսակ ընկերութիւնների յառաջադիմութեանը, որ այդ մասին ոչինչ չասացիք:

ՈՒՍՈՒՑԻՉԸ. — Ես հաստատ եմ ընծայում միայն կրօնական նիւթերի մէջ. ուրիշ ամէն՝ բանի մէջ, բարեկամ, ես ցանկանում եմ գիտնալ, քննում եմ իրողութիւնները, հաւաքում եմ փորձերը, և միայն այն ժամանակ իմ գաղափարը կազմում եմ իրերի վրայ:

«Օրինակի համար, երբ կամենում եմ դիտենալ թէ ճշմարիտ է որ կրակին դիպչելով մարդ այրվում է, մատս կրակին մօտեցնում եմ. եթէ կամենամ դիտենալ թէ արդեօք աւելի լաւ է ամբողջ զետնախնձորներ ցանել քան թէ կտորներ, երկուսից էլ ցանում եմ և արդիւնքները համեմատում եմ:

«Նոյնը կ'ասեմ և գործակցական ընկերութեան մասին. որպէս զի չսխալուինք, պէտք է

սպասենք տեսնել այդ տեսակ ընկերութիւնների արդիւնքները:

ԱՐՏԱՇԵՍ. — Ի՞նչ է գործակցական ընկերութիւնը:

ՈՒՍՈՒՑԻՉԸ. — Գործակցել նշանակում է միասին գործել, միասին աշխատել: Կան մարդիկ որոնք կարծում են թէ՛ եթէ գործաւորները միմեանց հետ ընկերանան, փոխանակ իրանց զլխին մի տէր ունենալու, աւելի կը շահին և բոլորն էլ երջանիկ կը լինին:

ՏԱՆՈՒՏԷՐԸ. — Եթէ ժամանակին անձրև և լաւ եղանակ չլինի, կը ցանկայի խմանալ թէ այդ ձեր ասած ընկերութիւնը ինչպէս կը բուսցընէ և կը հասցնէ պտուղները. և եթէ պատերազմ լինի, ինչպէս կ'ազատէ տները այրուելուց:

ՈՒՍՈՒՑԻՉԸ. — Ես չէի կամենում խօսել գործակցական ընկերութիւնների վրայ, քանի որ դեռ եւրոպայումն անգամ բաւական փորձեր չեն արել այդ մասին: Քիչը կան այդ տեսակ ընկերութիւնների մէջ որ յաջողած լինին, շատերը ընդհակառակն երկար տևողութիւն չեն ունեցել, և սակայն գուցէ դեռ վաղ լինի դատել նոցա մասին: Բայց եթէ կամենում էք, կ'ասեմ ձեզ իմ արած դիտողութիւններս այդ խնդրի վրայ:

ԲՈՒՈՐԸ. — Ա.յո՛, այո՛, ասացէ՛ք:

ՈՒՍՈՒՑԻՉԸ. — Նախ մտածեցի ես, մարդ միայն այն բաների համար է ընկերանում որ մենակ չէ կարող անել: Եթէ ես կարող եմ մենակ շինել մի գործ որ ինձ 5 մանէթ կը բերէ, ուրիշի հետ չեմ ընկերանալ իմ եկամուտիս կէսը նորան տալու համար:

«Ուրեմն մարդ միայն այն ժամանակ է ընկերանում երբ այլապէս չէ կարող անել կամ որովհետեւ բաւական հարուստ չէ, կամ որովհետեւ բաւական կարողութիւն և ճարպիկութիւն չունի ինքը մենակ մի գործ կամ մի աշխատութիւն գլուխ տանելու:

«Մարդս չէ սիրում իւր շահերը ուրիշի շահերի հետ խառն տեսնել, այնպէս որ մի գործի համար ընկերացող անձինքը կարծես միմեանց վրայ տէր լինէին:

«Կարծեալ երբ մի քանի հոգի ընկերանում են, յաճախ պատահում է որ ամէն մի ընկերակից կամենում է գործը կառավարել, որով և անհամաձայնութիւն է ծագում. բայց հարկաւոր է որ մէկը լինի կառավարող, և ով որ կառավարում է՝ պէտք է միեւնոյն ժամանակ և բանել գիտենայ և ծախել:

«Երջայէս, այդ տեսակ ընկերութիւններ-

րի մէջ, կամենում են հաստատել վարձերի հաւասարութիւնը, որ անարդարութիւն է. որովհետեւ ամէն մարդ պէտք է իւր աշխատութեան համեմատ վարձ ստանայ:

ԱՐՇԱԿ. — Այդ նոյնն է թէ միեւնոյն գինը տային մի եղան և մի արջարի համար:

ԿԱԼԱՏՈՋ ՅՈՎՍԷՓ. — Երբ գործերը ամենի համար վատ են գնում, գործաւորների ընկերութեան համար էլ վատ կը գնան:

ՏԱՆՈՒՏԷՐԸ. — Բանն այն է որ գործարանի տէրը, զբամազուլս ունենալով, կարող է շատ անգամ ձախորդութեան դիմանալ և իւր գործաւորներին պարապեցնել սպասելով աւելի յաջող ժամանակների. իսկ գործաւորների ընկերութիւնները շուտով նեղութեան մէջ կ'ընկնին:

ԿԱԼԱՏՈՋ ՅՈՎՍԷՓ. — Եւ գնողները իհարկէ աւելի թանգ գնով չեն առնիլ նոցա սպրանքները:

ՈՒՍՈՒՑԻՉԸ. — Տեսնում էք, սիրելի Սօս, մեր հարեանները այն կարծիքը չունին թէ գործակցական ընկերութիւնները կարող են բոլոր մարդկանց երջանկացնել. չկայ և երբէք չէ կարող լինել մի հաստատութիւն որ ամէնին երջանկացնէ: Այս աշխարհում պէտք է որ ամէն

մարդ ինքը պատրաստ է իւր երջանկութիւնը, և դորա համար, կրկնում եմ դարձեալ, մի միայն հաստատուն միջոց կայ. աշխատել և խնայել:

### Մեքենաներ.

ՄՍՍ. — Ես ընդունում եմ որ աշխատութիւնն ու խնայութիւնը յառաջագիմութեան միջոցներ են մարդու համար, որնոր այդպէսով կարող է լաւ դրութեան և մինչև իսկ հարըստութեան հասնել: Բայց ի՞նչ շահ Մարկոսի ու Կիրակոսի համար որ Պետրոսը իւր աշխատութեամբ ու խնայութեամբ իրան և իւր գերդաստանին օգուտ է բերում:

ՈՒՍՈՒՑԻՉԸ. — Եթէ բոլոր մարդիկ աշխատանքի ու խնայող լինէին, և ամէնքը իմաստուն ու հարուստ դառնային, էլ որ տեղից կը լինէին ծոյլ, շոյլ ու չքաւոր մարդիկ: Եթէ ամէն ոք բարութիւն անէր, էլ չարութիւն անող չէր լինիր: Թող ամէն մէկը իւր կողմից աշխատի առաջ գնալ, և ամէնքը յառաջագիմութիւն կ'անեն: Ամէնքը ասելով, պէտք է հասկանալ հասարակութիւնը, և աւելի ընդարձակ մտքով՝ մի երկրի ժողովուրդը, բոլոր մարդկային ազգը:

«Բայց եթէ ես այստեղ յատկապէս ամէն մի մարդու վրայ առանձին եմ խօսում, չը պէտք է մոռանալ և այն՝ որ կան դէպքեր ու հանդամանքներ որոնք մի անդամից կարող են մեծ բարիք կամ չարիք անել մարդկային ընկերութեանը:

«Սրինակի համար, պատերազմը մի չարիք է որի հետևանքները զգալի են ամբողջ հասարակութեան համար. ընդհակառակն, շոգեչարժ մեքենայի զիւտը այնպիսի մի բարիք է որի համար մարդկութիւնը յաւիտեան պիտի երախտագէտ լինի: Ամենայն մեքենայ նպաստում է ընկերական յառաջագիմութեանը:

ՏԻԳՐԱՆ. — Այդ ի՞նչպէս:

ՈՒՍՈՒՑԻՅԸ. — Մի օրինակով բացատրեմ: Կար ժամանակ, և այդ մեզանից շատ առաջ էր, երբ ցորենի հատիկները սանդի (հավան) մէջ ծեծում և ապա մաղից անց էին կացնում այլևր ստանալու համար:

ԱՐՇԱԿ. — Այդ շատ դժուար և շատ ծանր պիտի լինէր:

ՈՒՍՈՒՑԻՉԸ. — Անտարակոյս: Ամէն տան մէջ պէտք է մէկը ամէն օր մի քանի ժամ շարունակ ցորենը ծեծելով պարապէր: Իսկ այժմ ի՞նչ են անում:

ՍՄԲԱՏ. — Յորենը ջաղացք են տանում:  
ՈՒՍՈՒՅԻԶԸ. — Եւ յաճախ մի միայն ջաղացպան բաւական է ամբողջ զիւզին ցորենը աղալու:

ՏԻԳՐԱՆ. — Ես տեսել եմ թէ ինչպէս է աշխատում ջաղացպանը: Նա լցնում է ցորենը մի տեսակ փայտէ ձագարի մէջ. կամաց կամաց հատիկները թափվում են երկանաքարերի վերայ, որոնցից վերինը պտտելով հատիկները աղում է և աղածը ածում է մի փայտէ արկղի մէջ:

ՈՒՍՈՒՅԻԶԸ. — Տեղ տեղ, ուր որ արհեստները աւելի կատարելագործուած են, այդ փայտէ արկղի մէջ մի մաղ կայ պարկի ձևով կախ արած, որ անգաղար շարժվում է, այնպէս որ ալեւը մաղուելով հաւաքվում է արկղի մէջ, իսկ թեփը գնում թափվում է ուրիշ արկղի մէջ: Երբ բոլոր հատիկները աղուած են, այսինքն երբ ձագարը դատարկ է, մի փոքրիկ զանգակի ձայն է լսվում, որ իմաց է տալիս ջաղացպանին թէ պէտք է ձագարի մէջ ուրիշ հատիկներ ածել:

ՍՄԲԱՏ. — Ի՞նչ հիանալի բան:

ՈՒՍՈՒՅԻԶԸ. — Արդարեւ, հիանալի է: Մեքենան կատարում է գործի ամենամեծ և մի-

անդամայն ամենադժուար մասը, բացի սորանից նա արագ և լաւ է բանում:

ՈՒՍՈՒՅԻԶԸ. — Առաջուայ ժամանակները արհեստաւորները կարծում էին որ եթէ մեքենաները շատանան, իրանք անգործ կը մնան. իսկ այժմ փորձը ցոյց տուեց որ մեքենաները ոչ միայն փնաս չեն բերում, այլ նաև օգտակար են արհեստաւոր դասի համար:

ԿԱԼԱՏՈՉ ՅՈՎՍԷՓ. — Ի՞նչպէս կարելի է բացատրել այդ բանը:

ՏԱՆՈՒՏԵՐԸ. — Այդ հասկանալի է: Մեքենաները շուտ բանելով պակասեցնում են ապրանքների գինը. ապրանքները աւելի են ծախվում, ուրեմն և աւելի շինվում են, արհեստաւորների թիւն էլ հարկաւ պիտի աւելանայ:

ՈՒՍՈՒՅԻԶԸ. — Նատ ձմարիտ է: Հին ժամանակներում, մի գիրք ունենալու համար, պէտք էր ձեռքով արտագրել նորան. դորա համար երբեմն երեք ամիս ժամանակ էր հարկաւոր, և ուրեմն այդպիսի մի գիրք ձեռք բերելու համար՝ պէտք էր արտագրողի երեք ամսուայ վարձը վճարել, զիցուք 200 մանկթ: Այսօր որ տպագրութեան արհեստը կատարելագործուած ու տարածուած է, 200 մանկթով գուցէ կարելի լինի 200 հատոր այդպիսի

գիրք ձեռք բերել: Քիչ մարդիկ կարող էին գնել այդ գրքերից, որոնց օրինակելը միայն (առանց հաշուելու ուրիշ ծախքերը, որպիսի են թուղթը, կազմը, գրավաձառի օգուտը,) 200 մանէթ արժէր, մինչդեռ այժմ հազարաւոր մարդիկ կարող են 1 մանէթանոց գիրք գնել: Գրքերի գինը պակասելով, առաջուանից աւելի են շինվում, և ով որ առաջ տասը հատոր գիրք ունէր, այսօր տպագրութեան շնորհով հազարաւոր հատորներ ունի: Տպագրութեան շնորհով է նոյնպէս, որ ուր որ առաջ քի արտագրող կար, այժմ հարիւրաւոր տպագրողներ ենք գտնում:

ՏԱՆՈՒՑԵՐԸ. — Մի արհեստաւոր որ օրէնը հինգ դանակ է շինում և հատը 10 շայով է ծախում, մեծ բան չէ շահում: Եթէ հնար ունենայ տասը դանակ շինելու և հատը 2 արասով ծախելու, աւելի կը շահի, թէ և դանակների գինը պակասեցրած կը լինի գնողների համար: Իսկ եթէ մեքենայի օգնութեամբ օրը հարիւր դանակ դուրս բերէր և հատը 3 շայով ծախէր, նա կը հարստանար — և արժանի կը լինէր հարստանալու, — որովհետեւ այդպէսով միջոց կը տար դանակները ձեռք բերելու այն անձանց որոնք չեն կարող 3 շայից աւելի

մխել այդ օգտակար գործիքի համար: ՈՒՍՈՒՑԻՉԸ. — Դորան ասում են՝ դանակները ամէն կարգի անձանց մատչելի անել: Եթէ մարդ կարողանար 1 մանէթով կօշիկ կարել էլ արեւս հագնողներ և բոպիկ ման եկողներ չէին լինիլ և եթէ կարելի լինէր մի վերարկու 2 մանէթով տալ. . .

ՍՍՍ. — Աժան գնով օգտակար սպրանքներ պատրաստել և միւլնոյն ժամանակ փող շահել, թէ արտագրողի և թէ սպառողի համար ձեռնտու է. գորանով գործաւորը ոչ միայն ինքն է շահվում, այլ և հասարակութեանը ծառայութիւն է մատուցանում. այդ կատարեալ բարերարութիւն է:

ՈՒՍՈՒՑԻՉԸ. — Ուրեմն, մեքենաները ազատում են մարդկանց ամենաճանր աշխատութիւններից, նոքա բազմացնում են արդիւնքները, նոքա գները պակասեցնում են և ամէն կարգի ու կարողութեան տէր անձանց մատչելի են անում: Նոքա մինչև անգամ այնպիսի աշխատութիւններ են կատարում որ մարդիկ կարող չեն անել բաւական է յիշել միայն երկաթուղիների շոգեշարժ մեքենաները: Բայց չպէտք է կարծել թէ միայն մեծ մեքենաները մեծ ծառայութիւններ են մատուցանում մարդկանց.

մի փոքրիկ մեքենայ և մինչև իսկ մի հասարակ գործիք կարող են շատ օգտակար լինել և մեր բարորութեանը նպաստել:

«Միով բանիւ, մի հասարակութեան մէջ որքան շատ արդիւնքներ պատրաստուին, այնքան այդ հասարակութիւնը աւելի հարուստ է. և ամենայն ինչ որ նպաստում է արդիւնքները աւելացնելու, օգնում է մարդկանց բարեկեցութիւնը բարւոքելու:

ԿԱԼԱՏՈՋ ՅՈՎՍԷՓ. — Հապա ինչն է որ մեզանում, ուր որ մեքենաները սկսում են մտնել, գործաւորները տոգոհ են:

ՈՒՍՈՒՑԻՉԸ. — Իժբաղդաբար մեքենան արհեստաւորի հետ մրցելով՝ մի քիչ ժամանակ փնասում է նորան, բայց շուտով այդ բանի առաջն առնւում է: Պէտք է միայն օգնութիւն հասնել այն անձանց որոնք առժամանակ փնաս են կրում, որպէս զի այնքան զգալի չլինի նոցա այն փոխանցական միջոցը որով մէկ վիճակից ուրիշ աւելի լաւ վիճակի են հասնելու:»

## Մրցում.

Մի երիտասարդ գիւղացի, Վարդան անունով, նոր էր վերադարձել քաղաքից, ուր սովորել էր դերձակութեան արհեստը: Նա բաց արեց մի խանութ և սկսեց աշխատել, և թէպէտ նա աւելի լաւ էր կարում քան թէ գիւղի առաջուայ դերձակը՝ Տերունի Պապիկը, բայց և այնպէս գները պակասացրեց:

Դերձակ Պապիկը չկարողանալով մրցել նորեկ արհեստակցի հետ, սկսեց սնէ տուն ման գալ և ասել թէ Վարդանը մեքենայի վրայ է կարում, թէ նորա կարը պինդ չէ, և ուրիշ սորա նման բաներ:

Բայց ոչ ոք ականջ չդրեց նորան. ընդհակառակն, բոլոր գիւղը գնաց Վարդանի կտրի մեքենան տեսնելու: Երիտասարդ դերձակը ոտով պտոյտ էր բերում մեքենան, իբրև մի ճախարակ կամ մի անիւ, ցոյց էր տալիս իւր կարը և ապացուցանում էր թէ շատ պինդ է, թէև արագ էր բանում:

Այն ժամանակ խօսք բացուեցաւ մրցման վրայ և նորա տուած օգուտի ու փնասի վրայ, և ամէնքը համաձայնեցան որ փնասը շատ աննշան է օգուտի հետ համեմատելով:



«Բերձակ Պապիկը, ասաց մէկը; կարող է, եթէ կամենայ, կարի մեքենայ ձեռք բերել:

— Մի՛ թէ մենք պիտի միշտ շորերի համար շատ փող վճարենք որ ինչ է՝ դերձակ Պապիկին դուր գանք, աղաղակեց մի ուրիշը:

— Ճշմարիտ յառաջադիմութիւնը այն է՝ որ աշխատութեան արդիւնքները աժան լինին առանց աշխատութեան վարձը պակասեցնելու:

Մրցումը օգտակար է, ասաց ուսուցիչը, երբ նորա կարծիքը հարցրին: Մտաբերում էք թէ որքան արժէր շաքարը երբ միայն մի մանրավաճառ կար մեր գիւղում:

ՏԻԳՐԱՆ. — Ֆունտը հինգ շայի:

ՈՒՍՈՒՅԻՉԸ. — Իսկ այժմ:

ՏԻԳՐԱՆ. — Մի արասի:

ՈՒՍՈՒՅԻՉԸ. — Մանրավաճառը վճարում է միայն տասնվեց կամ տասնեօթը կոպէկ, ճանապարհի ծախքը արժէ մէկ կոպէկ, ընդամէնը տասնութ կոպէկ:

ՏԱՆՈՒՑԵՐԸ. — Սահակ եղբայրը շատ թանկ էր վճարել տալիս մեզ, երբ մէկ ֆունտի համար հինգ շայի էր առնում:

ՈՒՍՈՒՅԻՉԸ. — Գուցէ ոչ: Տեսէք, եթէ դուք գիւղն մէջ միակ շաքար բանեցնողը լինէիք, և կամենայիք քաղաքից հինգ ֆունտ

շաքար բերել տալ, գոնէ 1 մանէթ կը վճարէիք ճանապարհի ծախքի համար, և ենթադրելով թէ հինգ ֆունտ շաքարը կը ստանայիք 85 կոպէկով, ընդ ամէնը կը տայիք 1 մ. 85 կ., կամ 37 կ. մի ֆունտ շաքարի համար: Եթէ աւելի շաքար գնէիք, օրինակի համար, 10 ֆունտ, բերողին դարձեալ մէկ մանէթ կը տայիք, և շաքարը կ'արժէր ձեզ 1 մ. 35 կ. փոխանակ 1 մ. 85 կ.

Այժմ, յայտնի է որ Սահակ եղբայրը պէտք է իւր առուտուրով ապրի, և ապրելու համար գուցէ նա ստիպուած էր շաքարը 25 կոպէկով ծախել: Գալիս է մի ուրիշ մանրավաճառ որ պակասով գոհ է լինում, պէտք է որ Սահակ եղբայրն էլ իւր գները պակասեցնէ, թէ չէ՝ նա իւր մուշտարիները կը կորցնէ: Այս էլ կայ որ նորեկ մանրավաճառը գուցէ հնար է գտնում իւր ապրանքը պակաս գնով բերել տալու:

ՍՕՍ. — Պարզ է որ մրցումը պակասեցնում է ապրանքների գները, և ամէնքը օգուտ են քաղում այդ բանից:

ԿԱԼԱՏՈՋ ՅՈՎԱԵՓ. — Բայց վաճառակաշին փնաս է բերում մրցումը:

ՈՒՍՈՒՅԻՉԸ. — Այդ դեռ յայտնի չէ: Բա-

նի որ շաքարի գինը պակասեցաւ, մեր գիւղացի եղբայրները աւելի շաքար են բանեցնում: և Սահակ եղբայրը գուցէ առաջուանից պակաս օգուտ չունի:

ՏԱՆՈՒՑԻՐԸ. — Չկարծեմ թէ շաքարը այնքան բերէ նորան որքան նոր մանրավաճառի դալուց առաջ, բայց նա այժմ ուրիշ բաներ էլ է ծախում, երկաթեղէններ, դանակներ, բահեր, մուրձեր, և խկապէս առաջուանից աւելի է շահում:

ՈՒՍՈՒՑԻՉԸ. — Եթէ մրցումը չլինէր, նա առաջուան պէս կը շարունակէր, բայց մրցումը զրոյում է մարդկանց աւելի գործունեայ լինելու, և մենք այդ բանից օգուտ ենք քաղում, որովհետեւ այժմ մեր գիւղում գտնում ենք այն գործիքները որ առաջ ստիպուած էինք գնալ քաղաքից բերել:

ՏԻԳՐԱՆ. — Նոր մանրավաճառն էլ գրքեր է ծախում, նա ընդունում է նոյնպէս յանձնարարութիւններ քաղաքից պէտք եղած բաները բերելու:

ՈՒՍՈՒՑԻՉԸ. — Մենք աշխատում ենք միշտ որքան կարելի է աժան գնով ձեռք բերել այն առարկաները որ մեզ հարկաւոր են, գործարանատէրը և վաճառականը այդ բանը գիտեն,

ուստի և ամէն ջանք են անում աժան գնով արտադրելու: Ով որ ամէնից աժան է ծախում՝ գնողներին իւր մօտ է գրաւում, փող է շահում և այդպէսով վարձատրվում է իւր գործըրած ջանքերի համար, միևնոյն ժամանակ հասարակութեանն էլ ծառայութիւն է մատուցանում:

«Սակայն, պէտք է աւելացնել որ մարդ առաւել թանգ է վճարում աւելի լաւ ապրանք ձեռք բերելու համար, բայց այդ նոյնն է թէ աւելի աժան գնով առնէր, որովհետեւ լաւ ապրանքը աւելի երկար է դիմանում:»

### Մենավաճառութիւն.

ՏԱՆՈՒՑԻՐԸ. — Խօսք չկայ որ մրցումը լաւ բան է, բայց ինչ անես որ միշտ կարելի չէ մրցել:

ՍՕՍ. — Իհարկէ, եթէ, օրինակի համար, Պ. Շահպաղեանը միակ անտառ ունեցողը լինէր մեր կողմերում, և հարկ լինէր երկու հարիւր վերստ տեղ գնալ փայտ բերելու համար, նա միակ փայտ ծախողը կը լինէր մեզանում, ուրեմն և այդ հարկաւոր նիւթի մենավաճառութիւնը կ'ունենար:

**ՈՒՍՈՒՑԻՉԸ.** — Հարկաւոր չէ անտառ ունենալ մենավաճառութիւն ունենալու համար. եթէ այստեղ միայն մի դարբնի համար տեղ լինի և եթէ մի երկրորդը չկարողանայ նորա կողքին աշխատելով իւր ապրուստը ձարել, առաջին դարբինը ինքնըստինքեան, այսինքն բոլորովին բնականաբար, զարբնութեան մենավաճառութիւնը կ'ունենար մեր գիւղում:

**ՍՄԲԱՏ.** — Մենավաճառութիւնը մրցման հակառակն է, այնպէս չէ:

**ՈՒՍՈՒՑԻՉԸ.** — Այո, այդպէս է:

**ՍՄԲԱՏ.** — Ուրեմն մենավաճառութիւնը վատ բան է, քանի որ մրցման համար ասուեցաւ թէ լաւ բան է:

**ՏԱՆՈՒՑԻՐԸ.** — Մենավաճառութիւնը լաւ է նորա համար որ այդ արտօնութիւնը վայելում է, որովհետեւ կարող է գները բարձրացնել:

**ՍՕՍ.** — Բայց մենավաճառութիւնը լաւ չէ սպառողների համար, որովհետեւ նոքա են վճարում բարձր գները:

**ՈՒՍՈՒՑԻՉԸ.** — Կան մենավաճառութիւններ որոնք ինքնըստինքեան են առաջ գալիս, ինչպէս երբ ամբողջ գաւառում միայն մի բրձիկ կայ, կամ երբ երկուսը կան, բայց բոլոր

ժողովուրդը միայն մէկի վրայ վստահութիւն ունի: Կան դարձեալ բնական մենավաճառութիւններ, ինչպէս երբ մէկը մեծ տաղանդ ունի նկարչութեան մէջ, միւսը երաժշտութեան մէջ, երրորդը երեւելի ատենաբան է, կամ նաև շատ ճարպիկ արհեստաւոր է, դերձակ, ատաղձագործ, կազմարար և այլն: Մեզ մնում է միայն հիանալ այս բնական մենավաճառութիւնների վրայ որոնց դէմ համարեա երբէք չեն գանգատում մարդիկ. տժգոհութիւն պատճառում են միայն այն մենավաճառութիւնները որ օրէնքով սահմանուած են մի քանի երկրներում: Բայց մեզանում տէրութիւնը այլ ևս մենավաճառութեան արտօնութիւնը ոչ ոքի չէ տալիս, եղածներն էլ կամաց կամաց վերացնում է: Այսպէս, օրինակի համար, առաջուան ժամանակները Սալիանից ձուկ որսալու արտօնութիւնը մի մարդու էր տրվում, որ իւր ուզած գներով ծախում էր ձուկն ու ձկնկիթը. բայց մի տարի կայ որ ձկնորսութեան մենավաճառութիւնը վերջացաւ, և այժմ ձուկ որսալու իրաւունքը բաժիններով տրվում է շատ անձանց, որով և կարելի է սպասել որ ձկնեղէնի գինը փոքր ինչ պակասի: Նոյնը պէտք է ասել և Կողբի աղահանքի համար, որի մենավաճառութիւնը տէ-

րութեան հանած նոր օրէնքով շուտով դադարելու է: Եթէ մեր օրերում մեզ թվում է թէ մի մասնաւոր մարդ դեռ ևս մենավաճառութեան արտօնութիւնը վայելում է, եթէ բանը լաւ քննենք՝ կը տեսնենք որ այդ արտօնութիւնը հասարակաց օգտի համար է տրուել, այն էլ որոշեալ ժամանակով:

ՍՍՍ. — Կը ցանկայի լսել մի օրինակ:

ՈՒՍՈՒՑԻՉԸ. — Հեռու չգնանք, մեր գաւառի քաղաքներից մինը տալիս է մեզ այդպիսի մի օրինակ: Որովհետեւ այդ քաղաքը այնքան միջոց չունէր որ կարողանար մի կամուրջ շինել գետի վրայ, եկաւ մի մասնաւոր մարդ և առաջարկեց կամուրջը շինել այս երկու պայմաններով. 1) որ թոյլ չտրուի ուրիշին մի երկրորդ կամուրջ շինել 2) տարուայ ընթացքում. 2) որ իրաւունք տրուի իրան կամուրջի վրայով անցուղարձ անողներից մի բան ստանալ:

«Եւ որովհետեւ կամուրջի հարկաւորութիւն կար, քաղաքը ուրախութեամբ ընդունեց այդ առաջարկութիւնը: Ահա մի արտօնութիւն որ հասարակաց օգտի համար է տրուվել:

ՏԱՆՈՒՑԵՐԸ. — Այդպիսի մի բան Թիֆլիսում էի լսել սորանից մէկ երկու տարի ա-

ռաջ. խօսք կար քաղաքի լուսաւորութիւնը կապալով տալու մի ընկերութեան, բայց թէ ինչ տեսակ լուսաւորութիւն էր կամ ինչ պայմաններով է տրվում, այդ չգիտեմ:

ՈՒՍՈՒՑԻՉԸ. — Լաւ մտաբերեցիք ինձ. խօսքը գազի լուսաւորութեան վրայ էր: Մի ընկերութիւն առաջարկում էր քաղաքային վարչութեանը Թիֆլիսի փողոցները և մինչև խաւութներն ու մասնաւոր տները գազով լուսաւորել, ի հարկէ այն պայմանով որ ուրիշը իրաւունք չունենար այդ գործով պարապելու, ապա թէ ոչ ընկերութիւնը կարող էր մեծ վնասներ կրել: Եթէ գործը գլուխ եկած լինէր, քաղաքն անշուշտ այնպիսի պայմաններ կը դրնէր որ մենավաճառութիւնը վնասակար հետևանքներ չունենար. նա մի հաստատուն զին կը գնէր գազի համար և կը պահանջէր որ ընկերութիւնը պարտաւորուի հետզհետէ մոցնել այն կատարելագործութիւնները որ ուրիշ տեղերում կարող էին գտնուիլ գազի լուսաւորութեան մէջ:

«Բայց, ինչ և իցէ, մենավաճառութիւնը մեծ զգուշութեամբ և միայն մի քանի բացառիկ դէպքերում պիտի թոյլ տրուի: Կայ մէկ երկու մենավաճառութիւն որ տերութիւնն է

հաստատել և որոնց դէմ ոչ ոք չէ տրտնջում, որովհետեւ նոցա օգտակարութիւնը ամէնի համար ակներև է. այսպէս են նամակատան և հեռագրատան հաստատութիւնները, որոնց մենավաճառութիւնը ամէն տեղ կառավարութեան ձեռքին են :

ՏԱՆՈՒՑԷՐԸ. — Ես կարծում եմ որ երբ մի մասնաւոր մարդ ինքնըստինքեան մի մենավաճառութեան արտօնութիւնը վայելում է, ինչպէս երբ մի տեղ մի միայն կօշկակար կայ, այդպիսի մենավաճառութեան դէմ կարելի է մի հնար գտնել :

ՍՕՍ. — Ի՞նչ հնար :

ՏԱՆՈՒՑԷՐԸ. — Եթէ նա գները շատ է բարձրացնում, ո՞վ է արգելում մեզ մօտակայ գիւղը գնալ կօշիկ առնելու :

ՈՒՍՈՒՑԻՉԸ. — Արդարև, սպառողը յաճախ կարող է այդ տեսակ մենավաճառութիւնների առաջն առնել, և այն՝ հեշտութեամբ. բաւական է որ նա չկամենայ ենթարկուիլ արտադրողի խիստ մեծ պահանջմունքներին :»

### Սպառում.

Մի օր, դաստան մէջ, աշակերտները մի հատուած կարդացին ուր յաճախ կրկնվում էր սպառում բառը, ինչպէս նաև սպառել և սպառող բառերը : Սմբատը որ այդ բառերի իմաստը լաւ չէր ըմբռնել, հարցրեց. « Ի՞նչ է նշանակում սպառել :

ՏԻԳՐԱՆ. — Ես գիտեմ : սպառել նշանակում է ուտել :

ՈՒՍՈՒՑԻՉԸ. — Այդ բառը միայն այն ժամանակ գործ է ածվում այդ առմամբ երբ խօսքը ուտելիզէնների վրայ է, հացի կամ մսի վրայ. իսկ եթէ խօսքը գինու վրայ լինէր, սպառել կը նշանակէր խմել : Բայց երբ կասէինք թէ մարդը իւր հագուստը սպառեց :

ՏԻԳՐԱՆ. — Հագուստը չէ ուտվում, ուրեմն և չէ կարելի սպառել նորան :

ՈՒՍՈՒՑԻՉԸ. — Իհարկէ, ոչ ոք հագուստները չէ ուտում, այլ հագնում է. բայց մի՞թէ չէ կարելի ասել թէ մի մարդ իւր հագուստը սպառում է, եթէ այնքան հագնի նորան մինչև որ մաշուի :

ՏԻԳՐԱՆ. — Ես այդպիսի բան չեմ լսել :

ՈՒՍՈՒՑԻՉԸ. — Սովորաբար չեն ասում թէ մարդ սպառում է իւր տունը, այդ շատ խորթ կը դար մեր ականջին. բայց եթէ մէկը այդպիսի մի բան ասէր, ի՞նչ նշանակութիւն կ'ունենար այդ խօսքը:

ԱՐՏԱՇԷՍ (փոքր ինչ մտածելուց յետոյ). — Թէ մէկը այդ տան մէջ բնակում է:

ՈՒՍՈՒՑԻՉԸ. — Շատ լաւ: Սպառել մի տուն, այդ կարող է միայն մի բան նշանակել, այսինքն թէ այդ տան մէջ բնակում են. և տունը բոլորովին սպառուած համարվում է միայն այն ժամանակ երբ...

ՏԻԳՐԱՆ. — Երբ հարկ է լինում նորից շինել:

ՈՒՍՈՒՑԻՉԸ. — Այժմ ո՞վ կարող է ասել թէ ինչպէս են սպառում երաժշտութիւնը:

ԱՐՇԱԿ. — Լսելով:

ՈՒՍՈՒՑԻՉԸ. — Հապա գի՞րքը:

ԱՐՏԱՇԷՍ. — Կարդալով:

ՈՒՍՈՒՑԻՉԸ. — Ուտելիղէնները պատրաստվում են ուտելու համար, հագուստը՝ հագնելու համար, տունը՝ մէջը բնակելու համար, երաժշտութիւնը՝ լսելու համար, գիրքը՝ կարդացուելու համար. սպառել մի առարկայ նշանակում է ուրեմն... ո՞վ կ'ասէ ինձ իսկական բառը:

ԱՐՏԱՇԷՍ. — Գործ ածել մի առարկայ:

ՈՒՍՈՒՑԻՉԸ. — Այո, սպառել նշանակում է օգտակար կերպով գործ դնել այդ նշանակում է ամէն մի առարկայից այն գործածութիւնը անել որի համար նա նշանակուած է:

Սասցէք ինձ այժմ: կարելի մի հագուստ, արդեօք այդ նշանակում է նորան սպառել:

ԱՐՇԱԿ. — Այո, կարելի մի հագուստ, չէ նշանակում այդ հագուստը սպառել, այլ արտադրել:

ՈՒՍՈՒՑԻՉԸ. — Ուրեմն զերձակը չէ՞ հագուստը սպառողը:

ԱՐՏԱՇԷՍ. — Նա սպառում է մահուղը, ասելիներն ու թելը որոնցով հագուստը կարում կամ արտադրում է:

ՈՒՍՈՒՑԻՉԸ. — Արդարեւ, քանի որ մարդկանց գործածութեան համար պատրաստուած առարկաները գործարանատիրոջ կամ վաճառականի մօտ են, արդիւնքներ կամ ապրանքներ են. նոքա միայն այն ժամանակ սպառման մէջ են մտնում երբ վերջին գնողի ձեռքն են ընկում: Երբ մի բան այլևս ծախու չէ, ասում են յաճախ թէ սպառուել է:

«Նա կը ցանկայի դիտենալ թէ արդեօք զերձակի գնած մահուղը սպառուած է:

ՏԻԳՐԱՆ. — Վաճառականի համար, այո, բայց ոչ դերձակի համար:

ՈՒՍՈՒՑԻՉԸ. Դերձակը մահուղը զնում է իբրև նախնական նիւթ (զուք մտաբերում էք թէ այդ ի՛նչ է նշանակում), ձեռում, կարում և հազուստի է ձեւափոխում նորան. այդ նշանակում է թէ մահուղը գործածութեան մէջ մըտաւ:

«Արդեօք բոլոր արդիւնքները կարելի՞ է ձեւափոխել, ո՞վ կ'ասէ ինձ այդ:

ԱՐԱՄ. — Հազուստը չէ կարելի ձեւափոխել:

ԱՐՇԱԿ. — Ոչ էլ տունը:

ՈՒՍՈՒՑԻՉԸ. — Դուք հասկանում էք այժմ որ կան՝ 1) արդիւնաւոր սպառումներ (երբ գործ են ածում մի առարկայ). 2) վերարտադրիչ սպառումներ (նախնական նիւթեր և զանազան տեսակ եկամուտներ). և 3) ապարդիւն սպառումներ երբ մարդ փչացնում է առարկաները առանց գործածելու կամ ձեւափոխելու նոցա:

«Երբ խօսքը պարզապէս սպառելու վրայ է, այդ նշանակում է միշտ գործածել:»

### Հոսյութիւն և խնայութիւն.

Տիգրանը չէր կարող հասկանալ թէ ինչպէս կարելի է առարկաները առանց գործածութեան փչացնել, կամ, ինչպէս ուսուցիչն ասել էր, «պարտէ՛ն հերոսը սպառելու ուստի մի քանի բացատրութիւններ խնդրեց:

ՈՒՍՈՒՑԻՉԸ. — Չպէտք է բառական մըտքով ընդունել փչացնել բառը, խօսքը միայն նորա վրայ է երբ օգտակար առարկան ոչինչ ծառայութիւն չէ անում մեզ: Զոր օրինակ, եթէ մէկը մի գիրք գնէ, և առանց կարդալու մի անկիւն ձգէ նորան, գիրքը (կամ նորա արժած փողը) ապարդիւն կերպով սպառուած կը լինի, թէև նորա էջերը ամբողջ մնացած լինին:

ՍՄԲԱՏ. — Այդ նոյնն է թէ ինձ համար մի տիկին առնէին. ես տիկին չեմ խաղում, ուրեմն այդ խաղալիկը ինձ համար անպէտք կը լինէր և ես դէն կը ձգէի նորան:

ԱՐՇԱԿ. — Դու կարող էիր տիկինը քրոջդ տալ, այդ զուարճութիւն կը պատճառէր նորան, քեզ էլ նոյնպէս:

ՏԻԳՐԱՆ. — Բայց չէ կարելի արդիւնաւոր կերպով գործածել մի տիկին:

ՈՒՍՈՒՑԻՉԸ. — Ինչպէս չէ, կարելի է: Նախ ներելի է զբօսնել կամ խաղալ, եթէ մարդ աշխատել և իւր պարտաւորութիւնը կատարելէ. դարձեալ, արկիւնները փոքր աղջիկներէ համար մի զուարճայի միջոց են կարել սովորելու. վերջապէս, մէկին մի բանով զուարճութիւն պատճառել, ինչպէս որ ասում էր Արշակը, այդ էլ կարող է յաճախ արդիւնաւոր գործածութիւն համարուիլ:

ՏԻԳՐԱՆ. — Պարոն ուսուցիչ, դուք ասում էք յաճախ, կը նշանակէ թէ ուրիշին մի բանով զուարճութիւն պատճառելը միշտ արդիւնաւոր գործածութիւն չէ:

ՈՒՍՈՒՑԻՉԸ. — Դիցուք թէ մի մարդ իւր աշխատութեամբ 2 մանէթ է ձեռք բերել մի օրուայ մէջ. եթէ նա փոխանակ հաց և ուրիշ անհրաժեշտ բաներ գնելու իւր երեխաների համար՝ քաղցրեղէններ առնէր՝ ողորդ համար, ի՞նչ էս կարծում, Տիգրան, իւր եկամուտը արդիւնաւոր կերպով գործածած կը լինէր:

ՏԻԳՐԱՆ. — Ի հարկէ ոչ, որովհետեւ մարդ պէտք է նախ այն բաները գնէ որ հարկաւոր են. բայց այդ մարդը շատ աւելի վատ բան արած կը լինէր եթէ քաղցրեղէնները ինքը կերած լինէր:

ՈՒՍՈՒՑԻՉԸ. — Այդ շատ աղելու զգացմունք է բո կողմից, Տիգրան: Իսկապէս, երբ մարդ մի եկամուտ ունի, պէտք է ամէնից առաջ հարկաւոր կամ օգտակար բաները գնէ, իսկ մնացած փողը մի մասը կարելի է զուարճութեան վրայ մտնել և մի մասը խնայել:

ԱՐԱՄ. — Ամէն մարդ միւլնոյն եկամուտը չունի. կան հարուստ մարդիկ, կան էլ որ ամենէին հարուստ չեն:

ՏԻԳՐԱՆ. — Հարուստները գեղեցիկ ու լաւ բաներ շատ ունին. նոքա ձոխութեան մէջ են ապրում:

ՈՒՍՈՒՑԻՉԸ. — Եթէ մէկը բաւական մեծ եկամուտ ունի, կարող է մի որոշեալ զուամար մտնել զուարճութեան համար, այդ բոլորովին ներելի է: Բայց չպէտք է կարծել թէ բոլոր ծախքերը որոնք հացի ու մսի վրայ չեն զընում շոտայութեան ծախքեր են: Բացի մարմնաւոր պիտոյքներից ուրիշ պիտոյքներ էլ կան. կրթեալ մարդու համար շատ անգամ մի զիրք համարեա նոյնքան կարեւոր է որքան և հացը: Ամէն մարդ ինքը զիտէ թէ ինչպէս պէտք է գործ գնէ իւր եկամուտը. եթէ վատ է գործածում իւր փողը, եթէ պէտք եղածից աւելի է մտնում, եթէ, ինչպէս ասում են, մի



բան յետ չէ դնում սև օրուան համար, դառն կերպով կը գղջայ: Մարդս, վաղ թէ ուշ, պատժվում է իւր գործած սխալների համար:

ԱՐԱՄ. — Բայց աղքատները չեն կարող ինայութիւններ անել:

ՈՒՍՈՒՑԻՉՈՂ. — Աղքատ կարելի է անուանել միայն այն անձանց որոնք աշխատութիւն չունենալով՝ մի քիչ ժամանակ ապրուստի ամէն աղբիւրներից զուրկ են. բայց ով որ չափաւոր վարձ է ստանում, չէ կարող աղքատութեան վրայ խօսք անել: Ես ճանաչել եմ այնպիսի անձինք որոնք թէև թեթև վարձ էին ստանում, բայց անօգուտ բաների վրայ փող չվատնելով՝ կարողացել են ինայութիւններ անել:»

### Վաճառականութիւն.

Մի կիրակի երեկոյ, մի քանի հարևաններ ըստ սովորութեան հաւաքուել էին կակղի ծառի տակ. այս անգամ խօսքը զանազան արհեստների ու զբաղմունքների վրայ էր, և ամէն մէկը բնականաբար իւր արհեստը ամէնից օգտակարն էր համարում:

Ուսուցիչը ըսում էր ժպտալով, բայց երբ

վէճը սկսաւ տաքանալ, խօսակցութեան մէջ խառնուեցաւ:

«Ես ձեզ կը պատմեմ մի առակ, ասաց նա, որ ամէնիդ կը համոզէ ու կը համաձայնեցնէ.

«Մի օր մարմնի անդամները, — ձեռքերն ու ոտքերը, — ապստամբեցան ստամոքսի դէմ: Այդ ի՛նչ է, ասում էին նոքա, ծոյլ ստամոքսը ոչինչ չէ շինում, և բոլոր աշխատութիւնը միայն մեզ վրայ է բարձած. մենք նորան կերակւրում ենք, իսկ նա հանդիստ մարսում է: Այս ասելով, նոքա վճռեցին անգործ մնալ. ոտքերը այլևս չէին շարժվում սնունդ դանելու համար և ոչ ձեռքերը՝ սնունդը բերանը տանելու համար, և թոյլ տուին որ ստամոքսն ու աղիքները իրանց գլխի ճարը տեսնեն: Բայց շուտով անդամները սկսան տկարանալ, և մի քանի օրից յետոյ նոքա խոստովանեցան թէ յողթրված են և թէ բաղդաւոր կը լինէին որ ստամոքսը շարունակէ իւր աշխատութիւնը, որ թէև աննշմարելի է բայց անհրաժեշտ է ամբողջ մարմնի գոյութեան համար:

«Տեսնում էք ուրեմն, աւելացրեց դաստիարակը, որ բոլոր արհեստներն ու զբաղմունքները օգտակար են հասարակութեան համար, և թէ չպէտք է աշխատել մէկը միւսից գերա-

զանց դասել: Միթէ կարելի՞ է վիճել այն մասին թէ մարդու համար որն է աւելի վատ, սրբունգից թէ բազկից զրկուելը խուլ թէ կոյր լինելը Բայց ինչ կ'ուզէ լինի, լաւն այն է որ ամէն մարդ իւր գործին կպած լինի և իւր արհեստը պատիւ համարի իրան:

ՏԱՆՈՒՑԷՐԸ. — Ամէն արհեստները լաւ են, միայն «անուստայ փէշակը հարամ է,» ինչպէս ասում է առածը:

ՍՕՍ. — Շատ ուղիղ է. բայց ես կը ցանկայի իմանալ թէ ի՞նչ օգուտ ունի վաճառականութիւնը: Վաճառականը աւելորդ միջնորդ է արտադրողի և սպառողի մէջ. նա թանգացընում է արդիւնքները՝ իւր աշխատութեան համար հատուցում պահանջելով:

ՈՒՍՈՒՑԻՉԸ. — Դուք կարծում էք թէ վաճառականութիւնը անօգուտ արհեստ է: Տեսնենք: . . . Արտաշէս, սուրճը որ տեղից է գալիս:

ԱՐՏԱՇԷՍ. — Մոկայից՝ որ Արաբիայումն է գտնվում, Բրազիլիայից՝ որ Հարաւային Ամերիկայումն է, Բուրբօնեան կղզուց՝ որ արևելեան Աֆրիկայումն է, Չափայից՝ որ Ասիայումն է:

ՈՒՍՈՒՑԻՉԸ. — Շատ ճիշտ է: Այժմ տե-

սէք, Սօս, որովհետեւ դուք միջնորդի հարկաւորութիւնը չէք տեսնում, երբ սուրճի պէտք ունենաք, փոխանակ ձեր հարեան մանրափառաւորն զիմելու, կ'երթաք Բրազիլիա, կամ Չափա և կամ Բուրբօնեան կղզին:

ՍՕՍ. — Տեսնում եմ որ դուք կատակ էք անում:

ՈՒՍՈՒՑԻՉԸ. — Կատակ անողը ես չեմ, քանի որ դուք էք ցանկանում միջնորդները մէջ տեղից վերացնել: Եթէ միջնորդները աւելորդ են երևում ձեզ, պէտք է ուրեմն ինքներդ ամէն բան անէք: Ահա, օրինակի համար, դուք հազած ունիք բամբակէ շապիկ, և յայտնի է որ բամբակը մեծ քանակութեամբ գալիս է Ամերիկայից, Հնդկաստանից, Նգիպոսից. ընտրեցէք, որ տեղ կը կամենաք գնել: Բայց տեսնենք նախ թէ բամբակ ցանողը յանձն կ'առնէ երեք-չորս ֆունտ բան ծախել ձեզ. հասկանալի բան է որ նա աւելի լաւ կը համարի մէկ վաճառականի ծախսել իւր բոլոր բերքը, որ 5,000 ից մինչև 10,000 փութի է հասնում: Եւ եթէ կամենար ծախսել ձեզ ձեր ուզած քանակութիւնը, ո՞վ յանձն կ'առնէր բերել բամբակը. և ի՞նչպէս կը մանէիք և կտաւ կը գործէիք այդ բամբակից:

ՍՕՍ. — Դորա համար գործարաններ կան: ՌԻՍՈՒՑԻՉԸ. — Այդպէս է. Բայց այդ մեծ գործարանների տէրերը, ուր յաճախ 1,000 և աւելի գործաւոր է աշխատում, ուր մեծամեծ մեքենաներ են բանում, ուր հազարաւոր փութերով նախնական նիւթեր են պատրաստում, ուր օրէնը 4,000 և աւելի մանէթ է մխվում վարձերի և նախնական նիւթերի վրայ, ժամանակ չունին մի քանի արշին կտաւ ծախելու: Նոքա պէտք է մեծ քանակութեամբ ծախեն, և շատ քիչ վաստակով գոհ լինին՝ արշինի վերայ քառորդ կամ կէս կոպէկ ստանալով:

ՍՕՍ. — Քառորդ կամ կէս կոպէկ միայն: ՌԻՍՈՒՑԻՉԸ. — Սովորաբար այդպէս է: Նոքա կարող են շատ քիչ վաստակով գոհ լինել, որովհետեւ նոցա մեքենաները միջոց են տալիս նոցա կարճ միջոցում շատ մեծ քանակութեամբ ապրանք պատրաստել, օրէնը հազարաւոր արշիններ, և մի անգամից մեծ քանակութեամբ էլ ծախել: Ննթադրենք, օրինակի համար, թէ աշխատութեան մեկ ժամը արժէ 40 կոպէկ. եթէ ես մի ժամուայ մէջ միայն չորս արշին ծախեմ, պէտք է արշինի վրայ 10 կոպէկ շահեմ. իսկ եթէ մի ժամում հարիւր արշին ծախեմ, կէս կոպէկը իսկապէս բաւական է:

ՍՕՍ. — Բայց գործարանի տէրը կարող է շտեմարաններ հաստատել, խանութներ բանալ: ՏԱՆՈՒՏԵՐԸ. — Այդ անհնարին է, որովհետեւ միևնոյն գործարանից դուրս եկած ապրանքները շատ տեղեր են գնում, ուրեմն և հարկ կը լինէր հազարաւոր շտեմարաններ բանալ: Բացի սորանից, զիւղում երբեմն տասն արշին մետաքսեղէն են գնում մի տարուայ ընթացքում, կարելի է այդքան քիչ բանի համար խանութ բանալ:

ՍԻ ՀԱՐԵԻԱՆ. — Եթէ այդքանի համար շտեմարաններ ու խանութներ բանային, ամէն մի զիւղում յիսուն կամ հարիւր անգամ աւելի վաճառականներ կը լինէին քան այսօր. իսկ եթէ այդ շտեմարանները միայն քաղաքներում հաստատուէին, մենք ստիպուած կը լինէինք այնտեղ գնալ մեր ուզած ապրանքներն առնելու:

ՏԱՆՈՒՏԵՐԸ. — Ես աւելի լաւ եմ համարում մի քանի կոպէկ աւելի տալ արշինի վրայ քան մի ամբողջ օր կորցնել քաղաք գնալու համար:

ՌԻՍՈՒՑԻՉԸ. — Իհարկէ այդպէս է: Բայց դիցուք թէ քաղաք երթայիք 10 արշին գնելու համար, մինչդեռ վաճառականը 300 ար-

չին մի անգամից է գնում, չէ՞ որ ճանապարհի ծախքը արշինի վրայ, երեսուն անգամ պակաս կը լինի վաճառականի համար քան ձեզ համար:

Միւս կողմից, միթէ շտեմարաններ հաստատելը ոչինչ չարժէ: Ամէն մի շտեմարան զանազան ծախքերի պէտք կ'ունենար, որպիսի են տան վարձը, մէկ կամ մի քանի գործավարների ռոճիկը, լուսաւորութեան և վառելիքի ծախքերը: որ գնողը պիտի հատուցանէ՝ ապրանքի համար աւելի թանգ վճարելով:

ՏԱՆՈՒՑԻՐԸ. — Այս էլ կայ որ մի քանի նոյնատեսակ ապրանքներ առնելու համար՝ պէտք կը լինէր մի քանի խանութ ման գալ, որովհետեւ ոչ մի տեղ ամէն ուղած բաներդ չէիր գտնիր:

ՈՒՍՈՒՑԻՉԸ. — Մենք ընդունում ենք ուրեմն որ վաճառականութիւնը մեծամեծ ծառայութիւններ է մատուցանում: Նա բերել է տալիս ապրանքները հեռաւոր և մօտիկ տեղերից, և մաս առ մաս ծախում է նոցա յօգուտ մեզ ամէնիս:

ՏԻԳՐԱՆ. — Ո՞րն է ապրանքների մաս առ մաս ծախուելու օգտակարութիւնը:

ՈՒՍՈՒՑԻՉԸ. — Քիչ անձինք կան բաւական հարտութիւն ունեցող որ մեծ քանակու-

թեամբ ապրանքներ կարողանան գնել, և եթէ կարողանային էլ, բաւական տեղ չէին ունենալ իրանց բնակարաններում ամէն տեսակ պաշարեղէններ պահելու համար. ուր մնաց որ կան ապրանքներ որոնք կը փչանային եթէ շուտով չսպառուէին, այդպիսի ապրանքներ պէտք է մաս առ մաս ծախուին որ նոյն օրը կամ մի քանի օրուայ մէջ գործածուին. վերջապէս կան բաներ որ արտադրողը միայն մեծ քանակութեամբ կարող է ծախել, իսկ սպառողը միայն մաս մաս կարող է գնել. պէտք է ուրեմն մի միջնորդ լինի արտադրողի ու սպառողի մէջ:

ՏԱՆՈՒՑԻՐԸ. — Օրինակի համար, երկրագործը իւր եղները ողջ ողջ ծախում է մաս վաճառին. մասվաճառը մորթում է այդ եղները և մաս առ մաս ծախում է մեզ ամէնիս. որովհետեւ մեզանից ամէն մէկը կը գժուարանար մի եզը միանգամից ուտել, կամ մինչև անգամ գնել:

ՈՒՍՈՒՑԻՉԸ. — Ես միշտ այնպէս եմ համարել որ եթէ միջնորդները օգտակար չլինէին, մենք չէինք դիմիլ նոցա. օրէնքը ոչ ոքին չէ ստիպում այդ բանն անելու: Ես կարծում եմ թէ մենք վաճառականի մօտ նորա համար ենք գնում որ այդ մեզ համար օգտակար ենք համարում:

### Վաճառաշրջիկներ և շահատես վաճառականներ.

Կորեկի հունձը անյաջող էր եղել, գինը բարձրացել էր, և շատ մարդիկ նեղանում էին: Գիւղացիք շատ էին դանգատում, և մի կիրակի երեկոյ տաք տաք խօսում էին այդ մասին:

Սօսը սաստիկ մեղադրում էր հողագործներին, որոնք բարձրացնում են գները և, ինչպէս ինքն ասում էր, ժողովրդի թշուառութիւնից օգուտ են քաղում: Նա սաստիկ խօսում էր նոցա դէմ և անպիտան չարչիներ էր անուանում նոցա:

ՏԱՆՈՒՑԵՐԸ. — Զուր ես տաքանում, բարեկամ: Հանդարտուէ, ես քեզ ցոյց կը տամ որ անիրաւ տեղն ես խօսում:

ՍՕՍ. — Այդ անկարելի է:

ՏԱՆՈՒՑԵՐԸ. — Ընդհակառակն, այդ շատ հեշտ է: Դիցուք թէ ես մի օրավար հող վարձու եմ առել և մէջը կորեկ եմ ցանել: Ես մրսխեցի արտը մշակելու համար 12 մանէթ, սերմի համար 1 մանէթ, և վճարեցի 12 մանէթ հողատիրոջը. բոլորը անում է 25 մանէթ: Որպէս զի չափաւոր օգուտ ունենամ և իմ

աշխատութիւնը վարձատրուի, պէտք է որ արտը 20 թաղար կամ 200 փութ կորեկ տայ, որ 2 մանէթից՝ կ'անէ 40 մանէթ:

«Եթէ արտը 25 թաղար է տալիս, գինը 2 մանէթից պակաս է լինում, օրինակի համար 1 մ. 80 կ. այն ժամանակ ես ստանում եմ 45 մանէթ. այդ ձեռնառու է գնողներին, որովհետեւ 2 մանէթի տեղ 1 մ. 80 կ. են վճարում, ձեռնտու է և ինձ, որովհետեւ 40 մանէթի փոխանակ 45 մանէթ եմ ստանում բոլոր կորեկի համար:

ՍՕՍ. — Դիցուք թէ այդպէս է, զիցուք թէ երկրագործները որոնք իրանց սեպհական արդիւնքները ծախում են՝ չարչիներ չեն, և իսկապէս այդ անարգ անուներ տրվում է այն վաճառաշրջիկներին որոնք գիւղէ գիւղ ման գալով պակաս գնով ցորեն և ուրիշ բերքեր են հաւաքում և պահում են մինչև որ գները բարձրանան:

«Սոքա ժողովրդին հարստահարում և նորա թշուառութեան պատճառն են լինում:

ՈՒՍՈՒՑԻՉԸ. — Արդարեւ, այդ մարդիկը իրանց օգուտը աչքի առաջ ունին և անգրթաբար իրանց շահերի ետեւից են լինում: Այդ իհարկէ պախարակելի է. սակայն նոքա էլ եր-

բեմն ծառայութիւններ են մատուցանում, ինչպէս դառն դեղերը որ բժիշկները ստիպում են մեզ խմելու ուրեմն անիրաւութիւն կը լինէր հալածել նոցա:

ՍՍՍ. — Դժուար կը լինի ձեզ ապացուցանել թէ չարչիները կարող են ծառայութիւններ մատուցանել:

ՈՒՍՈՒՑԻՉԸ. — Ոչ այնքան որքան դուք կարծում էք: Թոյլ տուէք ինձ նախ մի նկատողութիւն անել: Դուք միշտ շարժի էք ասում, և ես էլ հետևելով ձեզ գործածեցի այդ բառը: Չարչի ասելով դուք հասկանում էք այն վաճառաշրջիկներին որոնք հանգամանքներէց օգուտ քաղելով վեղծումներ են անում, իմ խօսքը այդ տեսակ մարդկանց վրայ չէ, այլ այն շահատես վաճառականների վրայ որոնք պատուաւոր կերպով գործ են տեսնում: Արդ, շահատես վաճառականները այնպիսի մարդիկ են որոնք աշխատում են նախատեսել ապագայի պիտոյքները, և իրանց գործը այնպէս են բըռնում որ կարողանան այդ պիտոյքները լրացնել: Ես միայն այս կարգի վաճառականների վրայ եմ խօսում, և զիւրին է ցոյց տալ որ նոքա օգտակար ծառայութիւններ են մատուցանում: Տեսէ՛ք, ճանուտէրը արդէն պարզ կերպով ցոյց

տուեց թէ՛ երբ հունձը անյաջող է, պէտք է որ զինը բարձրանայ, որպէս զև արտադրող իւր ծախքերը հանէ:

«Բայց ի՞նչ աղղեցութիւն կ'ունենայ գրների բարձրանալը սպառողի վրայ: Բարձր գները կը յորդորեն կամ կը հարկադրեն նորան իւր սպառմանը չափ ու սահման դնել: Նա միշտ միեւնոյն գումարը կը մննէ, գուցէ մի բան էլ աւելի, բայց այդ գումարի համար պակաս ապրանք կ'ունենայ:

»Ննթադրենք թէ փոխանակ 25 թաղար կորեկի միայն 8 թաղար է ստացուել, և գները այնու ամենայնիւ ցած մնացին, ի՞նչ կը պատահի: Կորեկը առաջուան պէս կ'ուտուի, և շուտով ութ թաղարը կը սպառուի, և յետոյ... էլ ոչինչ չի մնալ: Իսկ եթէ գները բարձրացան, ամէն մարդ զգոյշ է լինում, և աշխատում է պակաս կորեկ բանեցնել: Նախ առաջուան պէս չէ վատնում, յետոյ կենդանիներին էլ չէ տալիս, այլ կորեկի տեղ ուրիշ բան է ուտեցնում, և վերջապէս օղի քաշելու և ուրիշ բաների համար չեն գործածում կորեկը, այլ միայն տան համար հաց են թխում:

«Եթէ այս խնայութիւնները բաւական չը լինին, և գները շարունակեն բարձրանալ, (ո-

րովհետև 25 թաղարից 5 ը կարելի է խնայել, բայց ոչ 15 ը, այն ժամանակ ի՞նչ կը պատահի: Մարդիկ կ'երթան ուրիշ տեղերից կորեկ բերելու, ուր այդ բերքի առատութիւն կայ. որովհետև քանի որ մի ապրանք թանգ է, կարող է ճանապարհի ծախքերը վերցնել:

ՏԱՆՈՒՑԵՐԸ. — ճանապարհի ծախքը կորեկի համար բաւական թանգ է նստում. պէտք է որ թաղարը 2 մանէթի տեղ 5 մանէթ արժեանայ, որ ձեռնտու լինի բերել: Կորեկը միայն 2 մանէթ արժէ ուրիշ տեղ, բայց ճանապարհի ծախքը 2 մ. 50 կ. է նստում, այդ անում է 4 մ. 50 կ., և բերդն էլ պէտք է գոնէ 50 կ. օգուտ ունենայ:

ՍՕՍ. — Ես ընդունում եմ որ գներն բարձրանալը կրկնակի օգուտ է տալիս, մէկ կողմից յորդորելով մարդկանց խնայող լինել, և միւս կողմից բերքեր բերել տալով, բայց չեմ հասկանում թէ, չարչիւններից ինչ շահ կայ:

ՈՒՍՈՒՑԻՉԸ. — Այն մարդիկը որոնց դուք շարունակում էք չարչի անուանել, և որոնց պէտք է շահատես վաճառականի անունը տալիք, շտեմարանների պաշտօնն են կատարում: Նոքա պահպանում են բերքերը, հոգս են տանում որ չվատնուին, պէտք եղած ժամանակը

օտար տեղերից բերում են, և յաճախ շատ հեռաւոր երկրներից: Միթէ ապրանքը ուրիշ տեղեց բերելը ծառայութիւն մատուցանել չէ: Միթէ դուք աւելի լաւ չէք համարում մի բանի համար փոքր ինչ աւելի թանգ վճարել քան բոլորովն զուրկ մնալ այդ բանից: Դուք կ'ասէք թէ նա այդ իւր շահի համար է անում. բայց եթէ նորա շահը պահանջում է ձեզ ծառայութիւն մատուցանել, այդ աւելի լաւ է: Դուք օգտվում էք այդ բանից, թոյլ տուէք որ նա էլ մի չափաւոր օգուտ ստանայ:

ՍՕՍ. — Այն բայց բանն այն է որ չափազանց մեծ օգուտների ետեւից են լինում:

ՈՒՍՈՒՑԻՉԸ. — Այն մարդիկը որոնք խիստ մեծ օգուտների ետեւից են լինում, պատժվում են իրանց ազահութեան համար: Նախ՝ նոքա ատելի են դառնում այն հասարակութեան մէջ ուր ապրում են. յետոյ, միայն մի կէտ յիշելու համար, նոքա որոնք շատ են ուղում շահել, վերջիվերջոյ մեծամեծ փնանների տակ են ընկնում:

ՏԱՆՈՒՑԵՐԸ. — Անշուշտ: Նոքա սպասում են որ գները բարձրանան ու բարձրանան, և չեն ծախում մինչև որ գները սկսում են իջնել: Այն ժամանակ միայն շտապում են ծախել, մեծ

քանակութեամբ ապրանքներ են առաջարկում մի անգամից. այդ նպատակով է գները աւելի էլ պակասեցնելու, և այդպէսով նոքա բռնվում են:»

### Հասատաններ.

Այդ միևնոյն տարին որ հունձը վատ էր եղել, առուտուրը լաւ չէր գնում, և ամէնքը գանգատաւոր էին: Յանցանքը ոչոքինը չէր, ամէն մարդ աշխատում էր, որքան հնար ունէր, իւր ապրանքները ծախելու. բայց հանգամանքները անյաջող էին:

Գոնեա այս կարծիքն էր յայտնում Տանուտէրը մի քանի հարեանների առաջ, որոնք առուտուրի անյաջողութեան պատճառները ուրիշ բաների մէջ էին փնտռում:

«Տեսէ՛ք, ասում էր նա, ահա Արամն ու Արտաշէսը որ խաղում են այնտեղ, երկու բառով, և առանց հասկանալու, բացատրեցին ինձ թէ ինչն գործերը լաւ չեն գնում:

— Այդ ի՞նչպէս, հարցրին հարեանները: ՏԱՆՈՒՏԵՐԸ. — Ահա ինչպէս. Արամն ասաց Արտաշէսին. «Նս երեք ֆոխ ունիմ, կամենում ես մէկը գնել և նորա փոխարէն վէզեր

տալ ինձ:» Բայց Արտաշէսը վէզեր չունէր, և բանը գլուխ չեկաւ:»

Ուսուցիչը եկաւ խառնուեցաւ այդ խմբի մէջ. և երբ յայտնեցին նորան թէ խօսքը ի՞նչ բանի վրայ էր, իրաւունք տուեց Տանուտէրին:

Բայց հարեանները կարծես զեռ լաւ չէին հասկացել, և Տանուտէրը շարունակեց խօսել այսպէս.

«Ասացէ՛ք, ի՞նչ է հարկաւոր ձեզ երբ կամենում էք մի լաւ շոր գնել ձեր կնոջ համար կամ մի հրացան ձեզ համար, կամ մի ուրիշ օգտակար կամ զուարճալի առարկայ:

— Փող, ասացին ամէնքը միաբերան:

— Լաւ: Բայց ոչ ոք փողը չէ գտնում փողոցում. պէտք է ձեր բերքերը ծախէք որ փող ունենաք. այնպէս չէ՛:

— Այդպէս է:

— Ուրեմն երբ քիչ բերքեր ունիք, քիչ փող էլ կարող էք ձեռք բերել, և այն քիչն էլ որ ունիք, պահում էք անհրաժեշտ բաների, կարեւոր ծախքերի համար, իսկ մնացած ամէն տեսակ ծախքերը ուրիշ աւելի յաջող ժամանակների էք թողնում:»

Հարեաններից մէկը, Պաղտօնեց Կարապետը, նկատեց որ բերքերը երբեմն այնքան շատ



են լինում որ չէ կարելի ծախել նոցա, թէ չափազանց մեծ առատութիւնը գները շատ է կտորում, և թէ արժանութիւնը միշտ ձեռնտու չէ արտադրողին:

«Բայց երբ բերքերը խիստ առատ են լինում, ասաց ուսուցիչը, այդ ժամանակաւոր անյարմարութեան առաջ կարելի է առնել նորանոր շահաստաններ կամ վաճառատեղիներ որոնելով: Որքան մարդիկ աւելի են արտադրում, այնքան աւելի շահաստանների պէտք ունին. երբ բերքերի առատութիւնը գները պակսեցնում է, յաճախ ինքնըստինքեան նորանոր շահաստաններ են բացվում:

«Նթէ, օրինակի համար, մեր գիւղում գինու չափը 1 մանէթ արժենար, այդ շատերի համար թանգ կը լինէր. իջեցրէք այդ գինը 50 կոպէկի, և այն ժամանակ ոչ միայն մեզանում շատ գնողներ կը գանուէին, այլ և ուրիշ տեղեր կարելի կը լինէր գինի ուղարկել: Նոյնը պէտք է հասկանալ և ուրիշ ամէն տեսակ ապրանքների համար:

— Այդ բոլորը ուղիղ է, ասաց Պաղտօսենց Կարապետը, բայց երբ կորեկի առատութիւն կայ, գները պակասեցնելով չէ կարելի աւելի կորեկ ուտել տալ. մէկ մարդ չէ կարող

օրէնը մի փութ կորեկ ուտել, եթէ ձրի էլ տային նորան:

ՏԱՆՈՒՏԵՐԸ. — Բայց կորեկից կարելի է օղի հանել (արաղ քաշել), կարելի է նոյնպէս կենդանիներին ուտեցնել. հարկ չկայ անպատճառ կորեկը բնական ձևով ուտել:

— Շատ ճշմարիտ է, պատասխանեց ուսուցիչը: Որքան էլ առատ լինի մի բերք այսօր եթէ մարդ նոր վաճառատեղի է գտնում նորահամար մեզանում կամ ուրիշ երկրներում, կարող է համարձակ աւելացնել նորա արտադրութիւնը: Այն օրից որ ճակնդեղեց շաքար և օղի են շինում, շատ աւելի են մշակում քան երբ ճակնդեղը գործ էին անում լոկ ուտելու համար:

«Կարճ ասեմ, մարդիկ սովորաբար ուրիշների արդիւնքները այն ժամանակ են գնում երբ իրանք էլ արտադրում են, և որքան շահաստանների կամ վաճառատեղիների թիւը մեծ է, այսինքն ուրիշ խօսքով, որքան գնողները (կամ սպառողները) շատ են լինում, այնքան աւելի արտադրողները խրախուսվում են: Մարդ սիրով աշխատում է երբ իւր աշխատութիւնը լաւ է վարձատրվում:»

### Հաղորդակցութեան ճանապարհներ.

Երկաթուղու աշխատութիւնները արագութեամբ առաջ էին գնում և գիւղացիք շատ էին խօսում այն նոր ճանապարհի վրայ որ անցներու էր իրանց գիւղի մօտով: Այսպիսի մի խօսակցութեան ժամանակ, երկաթուղու պաշտօնեաներից մէկը ասաց թէ երկաթուղին հաղորդակցութեան ամենակատարեալ ճանապարհն է: Տիգրանը հարցրեց.

«Ի՞նչ է հաղորդակցութեան ճանապարհը:»

Երկաթուղու պաշտօնեան բաւականացաւ ասելով թէ այդ այնպիսի ճանապարհ է որ հեշտացնում է մարդիկն ու բերքերը մէկ տեղից փւսք տեղափոխելու:

Ուսուցիչը հարկաւոր համարեց մի քանի բացատրութիւններ տալ:

«Կան հաղորդակցութեան ճանապարհներ ջրի վրայ և ցամաքի վրայ, ասաց նա: Մեծ կամ փոքր դետերը որոնց վրայ նաւերը գնում են՝ հաղորդակցութեան ճանապարհներ են. դեռ, ինչպէս ասաց մի երեւելի մատենագիր, գրնացող ճանապարհ է, որովհետեւ ջուրը հոսելով՝ նաւը առաջ է մղում: Զբանցքները, որոնք

մարդու աշխատութեամբ փորուած գետեր են, և ծովը նոյնպէս հաղորդակցութեան ճանապարհներ են:

«Ցամաքի վրայ, ամենափոքր ճանապարհը կոչվում է . . .»

ՏԻԳՐԱՆ. — Շաւիղ:

ՈՒՍՈՒՑԻՉԸ. — Շաւիղը շինուած է հեռակների համար, կամ շատ շատ մի բեռնակիր անասունի համար. բայց հէնց որ կամենում են կառքով գնալ, պէտք է լինի մի ճանապարհ, որ շատ աւելի լայն է քան շաւիղը և որ շատ տեղ քարած ու լաւ պահպանուած է: Երկաթուղին այնպիսի ճանապարհ է որի վրայ պնտացրած են երկաթագծեր. այդ երկաթագծերի վրայ անիւները աւելի հեշտութեամբ ու արագութեամբ են գնում և չեն կարող ճանապարհից ծռուիլ:

ՏԱՆՈՒՏԵՐԸ. — Երկաթագծերի վրայ գնացող անիւները ոչինչ դարուփոս տեղերի մէջ չեն խրվում:

ԵՐԿԱԹՈՒՂՈՒ ՊԱՇՏՕՆԵԱՆ. — Ես խոստացայ ձեզ ապացուցանել որ երկաթուղին ամենակատարեալ ճանապարհն է. մի համեմատութիւն կ'անեմ որ պարզ ցոյց կը տայ ձեզ իմ ասածի ճշմարտութիւնը:

«Ննթաղրինք թէ մի մարդ յանձնառու է լինում 3 փութ (կամ 120 ֆունտ) ապրանք շալակին տանել Թիֆլիսից Աղէքսանդրապօլ նա այդ ճանապարհը հազիւ 10 օրում կ'անց կենար, և օրէնը գոնեա 3 մանէթ կը պահանջէր, որ շատ թանգ չէր լինիլ: Ապրանքի տեղափոխութիւնը կ'արժէնար ուրեմն 3 անգամ 10 կամ 30 մանէթ, կամ փութի վրայ 10 մանէթ:

«Բեռնակիր մարդու տեղ առնենք մի կառք և ձի: Կառքի վրայ կարելի է գոնեա 30 փութ բարձել. ձին այդ ճանապարհը հեշտութեամբ կ'անէր 6 օրում, և ծախքը կը լինէր օրէնը 6 մանէթ. այդ կ'անէ ընդամէնը 36 մանէթ, կամ փութի վրայ 1 մ. 20 կ: Եթէ ճանապարհը վատ է, կառապանը 8 կամ 10 օրում իւր տեղը կը հասնի և աւելի վարձ կը պահանջէ. որովհետեւ վատ ճանապարհների վրայ ձիանները շատ են յոգնում և կառքերը շուտ շուտ նորոգուելու պէտք ունին:

«Ըսկ եթէ մի երկաթուղի շինէինք որ հաշարաւոր փութեր մի անգամից տանում է, փութը միայն մի քանի կոպէկ կ'արժենար, և ապրանքը մի օրում տեղը կը հասնէր:

ՏԱՆՈՒՑԵՐԸ. — Գետերի և ջրանցքների

վրայ ծախքը նոյնպէս շատ քիչ է լինում, բայց ջրի վրայ կամայ են գնում:

ԱՐՏԱՇԷՍ. — Ինչի՞ ճանապարհի ծախքը քիչ է լինում ջրի վրայ:

ՈՒՍՈՒՅԻՉԸ. — Որովհետեւ երկու կամ երեք մարդ կարող են գետի կամ ծովի վրայ տանել մի մեծ նաւ ապրանքներով բարձած:

ԵՐԿԱԹՈՒՂՈՒ ՊԱՇՏՕՆԵԱՆ. — Այսպէս ուրեմն երկաթուղին թէ արագ է գնում և թէ աժան է նստեցնում և կարող է շատ բան տանել մի անգամից. ահա այս պատճառով նա հազորդարցութեան ամենակատարեալ ճանապարհն է:

ՏԱՆՈՒՑԵՐԸ. — Պարզ է թէ որքան ճանապարհի ծախքը թանգ արժէ, այնքան ապրանքների գինը բարձր է լինում, որովհետեւ ճանապարհի ծախքերը ապրանքների գնի վրայ են աւելացվում:

ԵՐԿԱԹՈՒՂՈՒ ՊԱՇՏՕՆԵԱՆ. — Ճանապարհի ծախքերը այնքան բարձր են լինում, որ թող չեն տալիս շատ հեռու տանել ծանր կամ մեծ տեղ բռնող նիւթերը: Այսպէս, օրինակի համար, գիցուք թէ մի երկաթի կտոր հանքից դուրս դալով և զորձանոցում ձողի փոխարկուելով արժէ 1 մ. 50 կ: Ասենք թէ

ոչ ոք չէ կամենում երկաթի համար 4 մանէ-  
թից աւելի վճարել, այն ժամանակ ճանապար-  
հի ծախքի համար կը մնայ 2 մ: 50 կ. բայց  
մինչև որ տեղ կարելի է երկաթը տանել 2 մ: 50  
կողմէ կողմ. սայլով գուցէ 150 կամ 200 վերստ,  
նաևով կամ երկաթուղով 500 կամ 600 վերստ,  
ծովային մեծ նաւով 5 ից մինչև 6,0000 վերստ:

**ՈՒՍՈՒՑԻՉԸ.** — Որքան ճանապարհի ծախ-  
քը պակաս է լինում, այնքան աւելի հեռու  
կարելի է գնալ, և որքան հեռու են գնում,  
այնքան աւելի շահաստաններ կամ վաճառա-  
տեղիներ են գտնում, ուրիշ խօսքով գնողների  
թիւը աւելացնում են:

**ՏԱՆՈՒՑԵՐԸ.** — Այս է պատճառը որ աշ-  
խատում են գիւղային ճանապարհներն էլ լա-  
ւացնել: Երբ ճանապարհը վատ է, երկու ձիով  
կառքի վրայ կարելի է միայն 30 ից մինչև 35  
փութ բան բարձել, իսկ երբ ճանապարհը լա-  
ւ է, 50 ից մինչև 60 փութ են բարձում, և ճա-  
նապարհի ծախքը, փութի վրայ, կիսով չափ  
պակաս արժէ:

**ՈՒՍՈՒՑԻՉԸ.** — Լաւացնենք ուրեմն միշտ  
մեր հաղորդակցութեան ճանապարհները, այդ  
բանի վրայ գործ դրուած փողն ու աշխատու-  
թիւնը ապարդիւն չեն լինիլ:»

## Ապահովութիւն.

Գիւղի շրջակայքում մի սպանութիւն էր  
գործուել մի քանի շաբաթ առաջ. մարդա-  
սպանը բռնուել, դատուել ու դատապարտուել էր:

Այս զարհուրելի դէպքը մեծ սարսափ  
էր բերել գիւղի վրայ. գիւղացիքը շատ էին  
խօսում այդ մասին, և ուրախ էին որ մար-  
դասպանը իւր արժանաւոր պատիժը ստացաւ:

«Եթէ պատժած չը լինէին նորան, ոչ ոք  
ապահով չէր լինիլ գուրսը և իւր տան մէջ,  
ասաց ճանուտէրը իւր հարեանին: Ամէն օր  
գողութիւններ կը պատահէին մեր արտերում,  
բանն այն տեղ կը հասնէր որ գուցէ գիշերով  
մեր տները կոտորէին, մեր կեանքն անգամ ա-  
պահովութեան մէջ չէր լինիլ. ո՞վ կարող է  
իմանալ թէ չար մարդիկ ինչ վատութիւններ  
կարող են անել:

**ՀԱՐԵՒԱՆԸ.** — Եթէ արտերում չարա-  
գործներ լինէին, ես չէի համարձակիլ աշխա-  
տանքի գնալ:

**ՏԱՆՈՒՑԵՐԸ.** — Եւ ի՞նչ օգուտ այն աշխա-  
տութիւնից, եթէ ապահով չպիտի լինինք որ  
ժամանակին վայելելու ենք նորա արդիւնքները:»

Ուսուցիչը խօսակցութիւնը շարունակելով՝ ասաց.

«Կարգը և ապահովութիւնը համարեա նոյնքան հարկաւոր են աշխատութեան համար որքան և առողջութիւնը. եթէ ձեր ձեռքերն ու ոտքերը թոյլ լինէին, դուք անկարող կը լինէիք արտադրելու. իսկ եթէ աշխատելուց յետոյ՝ արգիլէին ձեզ վայելելու ձեր աշխատութեան պտուղը, այդ աւելի վատ կը լինէր, որովհետև զուր աշխատած կը լինէիք:

ՏԱՆՈՒՑԷՐԸ. — Առանց ապահովութեան, ոչ ոք արհեստանոց կամ խանութ չէր բանալ, էլ ոչ արհեստներ կը լինէին և ոչ վաճառակաւնութիւն:

ՀԱՐԵՒԱՆԸ. — Էլ ոչ ոք ծառեր չէր տնկիլ:

ՏԱՆՈՒՑԷՐԸ. — Ոչ էլ երկաթուղիներ կը շինէին:

ՈՒՍՈՒՑԻՉԸ. — Ապահովութիւնը պահպանելու համար երկրի մէջ հաստատուած է իշխանութիւնը, որի գործն է հսկել որ գուղութիւններ ու սպանութիւններ չլինին, և նա պէտք է ամէն հարկաւոր զգուշութիւնները գործ դնէ հասարակաց ապահովութեան համար:

ՀԱՐԵՒԱՆԸ. — Օրինակի համար, նա պի-

տի աշխատի որ վարակիչ հիւանդութիւնները չտարածուին մարդկանց ու անասունների մէջ:

ՈՒՍՈՒՑԻՉԸ. — Ոչ, այդ մարդկային կարողութիւնից բարձր է, այլ նա պէտք է զանազան զգուշութեան միջոցներ ձեռք առնէ և հսկէ որ այդ միջոցները գործադրուին ախտերի սաստկութիւնը պակասեցնելու կամ աւելի չտարածուելու համար:

ՏԱՆՈՒՑԷՐԸ. — Խօսք չկայ որ իշխանութիւնը շատ բան ունի անելու՝ նահանգներից ու դաւառներից սկսած մինչև ամենափոքր քաղաքների ու գիւղերի մէջ:

ՈՒՍՈՒՑԻՉԸ. — Անշուշտ, և շատ բան կը գտնէինք ասելու, եթէ կամենայինք ամէնը հաշուել, պատերազմի պատրաստութիւնից սկսած երկրի պաշտպանութեան համար մինչև կառավարների համար դրուած կանոնները՝ որ փողոցում անցուդարձ անողներին ոտնակոխ չանեն:

ՏԱՆՈՒՑԷՐԸ. — Հարկաւ շատ երկար կը լինէր իշխանութեան կատարելիք գործերը մի առ մի թուել, մանաւանդ որ այդ բոլորը ամէնին յայտնի է: Միայն ամէն մարդ դեռ բաւական լաւ չէ ըմբռնում որ իշխանութիւնը պաշտօնատէրների օգտի համար չէ, այլ ժողովրդի օգտի համար:»

### Հարկեր.

Այդ միջոցին անց էր կենում հարկ ժողովուրդը, և խօսակցութիւնը բնականաբար եկահարկերի վրայ: Պետութիւնը, նահանգները, իւրաքանչիւր քաղաք ու գիւղ ծախքեր ունին, այդ ամէն մարդ գիտէ, քանի որ ամէն մարդ հարկ տալով մասնակից է լինում այդ ծախքերին. բանն այն է միայն որ հարկը միշտ յօժարութեամբ չէ վճարվում:

Այդ յանդիմանութիւնը չէր կարելի անել մեր Տանուտերին, ոչ նորա համար որ գիւղի մեծն էր և պաշտօնի տէր մարդ, այլ որովհետեւ գիտէր որ հարկ տալով ամէն մարդ մասնակից է լինում այն ընդհանուր ծախքերին որ լինում են հասարակաց ապահովութեան, ճանապարհների պահպանութեան, կրթութեան և ուրիշ շատ օգտակար բաների համար:

Նա ասում էր.

«Եթէ կարգն ու ապահովութիւնը չի խէն մեր երկրում, ես ստիպուած կը լինէի իմ պաշտպանութեան համար գէնքեր գնել, իմ պատահաններին երկաթէ վանդակներ գնել և գունդներն մեծ մեծ կողպէքներ: Բայց այդ

դեռ արգելք չէր լինիլ չարագործներին իմ խօտի գէղերն այրելու, իմ եղները դողանալու և մինչև անգամ իմ սուներ կրակ տալու: Գորանից իհարկէ շատ մեծ ֆեսաներ կը կրէի, այնպէս որ այդ դժբաղդութիւններից ազատ մնալու համար նշանակած հարկը վճարելով, ես շատ աժան եմ պրծնում:

ՈՒՍՈՒՑԻՉԸ. — Եթէ կարելի լինէր մի հարկ վճարել բժշկին որպէս զի նա ամէն տեսակ հիւանդութիւնների առաջն առնէր, ամենայն խելացի մարդ ուրախութեամբ յանձն կ'առնէր այդ բանն անելու: Արդ, հարկը վճարվում է այն նպատակով որ անկարգութեան և պատերազմի պատճառած չարիքների առաջն առնուին:

ՀԱՐԵՆԻԱՆԸ. — Միայն, հարկը շատ ծանր է վճարելու, որովհետեւ գումարը շատ մեծ է:

ՈՒՍՈՒՑԻՉԸ. — Չէ որ մեր ընտրած անձինքն են բաժանում հարկերը և որոշում թէ իւրաքանչիւր մարդ որքան պիտի վճարէ, — գիւղական վարչութեան անդամները գիւղերում, քաղաքային վարչութեան անդամները քաղաքներում, և եթէ այնպիսի անձինք էք ընտրել որոնք միայն հասարակաց օգուտը աչ-

քի առաջ ունին, հարկերը արդարութեամբ են բաժանվում:

ՀԱՐԵԻԱՆԸ. — Բայց քանի տեսակ հարկեր կան. բայց գլխահարկից կայ կալուածական հարկը, առևտրական վկայականի հարկը, դրուագաւոր թղթի, լամիչքների (օղիի), ծխախոտի և ուրիշ հարկերը:

ՈՒՍՈՒՑԻՉԸ. — Հարկերի այսպէս բաժանուելու պատճառն այն է որ ամէն մարդ իւր միջոցների համեմատ վճարէ: Խօսք կայ մինչև անգամ որ կառավարութիւնը մօտիկ ժամանակներումն նոր օրէնք պիտի հրատարակէ, որի զօրութեամբ ամէն մարդ, ազնուական և ոչ ազնուական, քաղաքացի և գիւղացի իւր ստացած եկամուտների համեմատ հարկ պիտի տայ:

«Օրինակի համար. դուք ունիք մի տուն կամ մի հող, վճարեցէք կալուածական հարկը. ստանում էք զանազան եկամուտներ, վճարեցէք շարժական կայքի հարկը. վաճառականութիւն էք անում կամ մի արհեստ էք բանեցնում, վճարեցէք վկայականի հարկը. օրական աշխատանքով էք ապրում, վճարեցէք մի թեթև գրլխահարկ, որովհետև ամենայն քաղաքացի պարտաւոր է մասնակից լինել տէրութեան ծախքերին: Այ մի պատուաւոր մարդ չի կամենալ

քաղաքական իրաւունքները վայելել առանց քաղաքացու պարտաւորութիւնները կատարելու:

Վերոյիշեալ բոլոր հարկերը կոչվում են ուղղակի հարկեր, բայց կան նոյնպէս կողմնակի հարկեր, որոնց մեծ մասը սպառողների վրայ է ընկնում:

ՏԱՆՈՒՑԵՐԸ. — Այսպէս են, օրինակի համար, օղիի և ծխախոտի վրայ դրուած հարկը, ինչպէս և այն հարկերը որ վճարվում են դրուագաւոր թղթերի և նոտարների ձեռքով եղած արձանագրութիւնների համար:

ՈՒՍՈՒՑԻՉԸ. — Այդ բաւական չէ: Մենք իսկպպէս հարկ ենք վճարում այն բոլոր ապրանքների համար որ օտար երկրներից բերվում և մեզ վրայ ծախվում են: Այդ տեսակ հարկերը արվում են մաքսի ձևով, որ վաճառականը միանգամից վճարում է տէրութեանը և յետոյ մեզանից մաս առ մաս ստանում է: Ինչուք թէ մի փութ անգլիական շաքարը վաճառականին արժէ 5 մանէթ, և թէ նա 2 մանէթ մաքս է վճարել, շաքարը 7 մանէթի կը դայ վաճառականին, և եթէ նա կամենում է փութի վրայ վեց շայի շահել իւր աշխատութեան համար, մի փութ շաքարը կը ծախէ 7 մ. 30 կոպէկով, կամ Փուետը 18

կուպէկ, կէս Փունտը 9 կուպէկով և այլն:

«Նւ որովհետև սպառողը այս հարկը ուղղակի տէրութեանը չէ վճարում, այլ անուղղակի կերպով, այսինքն վաճառականի միջնորդութեամբ է տալիս, այս պատճառով շաքարի համար տրուած հարկը կոչվում է կողմնակի հարկ: Նոյնը պէտք է հասկանալ մնացած բոլոր ապրանքների համար, որոնց համար վաճառականը մաքս է վճարում:

ՏԱՆՈՒՑԵՐԸ. — Որովհետև կողմնակի հարկերը քիչ քիչ են վճարվում, և հարկը այստեղ ապրանքի գնի վրայ է գալիս, ուրի՛նչ այս տեսակ հարկերը համարեա անզգալի կերպով են տրվում: Կարելի է մինչև անգամ ասել թէ մարդ ազատ է մի քանի կողմնակի հարկեր վճարելու կամ չվճարելու. ոչ ոք ստիպուած չէ, օրինակի համար, ծխել կամ օղի խմել:

ՀԱՐՅԻԱՆԸ. — Հապա դրուագաւոր թրջութի համար ի՞նչ կ'ասէք:

ՈՒՍՈՒՑԻՉԸ. — Իրուագաւոր թրջութի վրայ դրվում են առևտրական և ուրիշ տեսակ պայմանները, որ շատ անգամ նոտարը իւր ստորագրութեամբ հաստատում է, և այսպիսի բաների համար վճարուած հարկը անտեղի չէ: Նոտարը իւր մատենի մէջ արձանագրում է

պայմանաթղթերը և վաւերացնում է երկու կողմի ստորագրութիւնները, այնպէս որ ոչ ոք չէ կարող ոչ խաբուիլ, ոչ էլ ուրիշներին խաբել: Այսպիսի ապահովութեան համար միթէ չարժէ մի քիչ բան վճարել, մանաւանդ երբ խօսքը մեծ գումարների վրայ է որ ոչ չի կամենալ վտանգի ենթարկել:

ՀԱՐՅԻԱՆԸ. — Բայց այդպիսի հարկեր շատ անգամ է պատահում վճարել տարուան մէջ, այնպէս որ եթէ բոլորը միասին առնուի՝ մեծ գումար կը կազմէ, մանաւանդ մեզ պէս գիւղացոյց համար:

ՈՒՍՈՒՑԻՉԸ. — ձմարիտ է. բայց տէրութեանն էլ շատ փող է հարկաւոր, որովհետև մեծ ծախքեր ունի: Այս պատճառով նա հարկերի տեսակները բազմացնում է, քննում գրտնում է եկամուտի բոլոր աղբիւրները և ամէն մէկի համար հարկ է առնում, համարեա ամէն մի մատուցած ծառայութեան համար առանձին վճարել է տալիս:

«Ուրիշ երկրներում ստոյներ եղել են թէ արդեօք այդքան տեսակ տեսակ հարկերի տեղ աւելի լաւ չէր լինիլ Տի Տիայն հարկ ունենալ, որ ամէն մարդ իւր ստացած եկամուտի համեմատ վճարէր:



«Այս հարցին պատասխանել են այսպէս.

«Նախ՝ դժբաղդաբար շատ անձինք կը գրտոնուէին որոնք իրանց եկամուտի ճիշտ թիւը չէին յայտնիլ, այնպէս որ ազնիւ մարդիկը որոնք ճշմարիտ խօսած կը լինին աւելի կը վճարէին քան սուտ խօսողները:

«Նրկորդ, շատ արուեստների և առուտունների մէջ, մարդ երբէք առաջուց ճիշտ չէ իմանում թէ որքան պիտի շահի. ուրեմն և անկարելի կը լինէր ճշմարիտն ասել:

«Վերջապէս, եթէ Քի Քոյն հարկ լինէր, մի անգամից վճարելի գումարները խիստ մեծ կը լինէին շատերի համար. այդ կարող էր դործերը խանդարել:

«Զանազան հարկեր հաստատելով, տէրութիւնները յոյս ունին քիչ շատ հաւասար կերպով բաժանել հարկերը և միւլնոյն ժամանակ հարկատուների բեռը փոքր ինչ թեթեւացնել:»

### Լաւ և վատ կողմերը.

Մովսէսը դիտաւորութիւն ունենալով թիֆլիս դնալու, եկաւ ուսուցչի մօտ այդ մասին խորհուրդ հարցնելու համար: Այդ մեծ

քաղաքում, մտածում էր նա, լաւ վարձ են վճարում և մարդիկ այնտեղ բաղդաւոր են:

Ուսուցիչը հասկացրեց նորան թէ ամէն բան իւր լաւ ու վատ կողմերն ունի, որ պէտք է քննել, իրարու հետ բաղդատել և, եթէ կարելի է այսպէս ասել, կշեռքի երկու թաթերի վրայ դնել, որ տեսնենք թէ որ կողմն աւելի ծանր կը լինի:

Այս բանին Մովսէսը պատասխանեց թէ՛ մեծ քաղաքներում անշուշտ լաւ կողմը վատից աւելի է:

«Լաւ, ասաց ուսուցիչը, ահա Սօսը գալիս է, նա երկար ժամանակ ապրել է քաղաքներում և ծանօթ է այդ կեանքի լաւ ու վատ կողմերին:»

Մովսէսը մէկ մէկ շարեց նորա առաջ, թէ քաղաքներում մեծ մեծ վարձեր են տալիս, թէ աշխատութիւնը այնտեղ այնքան ծանր չէ, և ուրիշ սորա նման բաներ:

Սօսը պատասխանեց.

«Կասկած չկայ որ աշխատութեան վարձը աւելի մեծ է քաղաքում քան դիւրում. բայց բանն այն է որ միշտ չէ կարելի գործ ճարել և ապրուստը թանկ է քաղաքներում: Եթէ մարդ աւելի է վաստիում, աւելի էլ մննում է և վերջիվերջոյ մի քայլ առաջ չէ գնում:

ՄՈՎՍԷՍ. — Բայց ես անտեսութեամբ կ'ապրիմ և կ'աշխատիմ քիչ քիչ փող յետ դրանել:

ՍՍՍ. — Բայց դու յաճախ կը ստիպուիս յետ դրած փողեցդ ուտել, որովհետև տարին տասներկու ամիս աշխատանք չես ունենալ:

ՄՈՎՍԷՍ. — Յաճախ, այո՛, բայց ոչ միշտ: Այս էլ կայ որ կեանքը աւելի զուարճալի է քաղաքում. կան գեղեցիկ տներ . . .

ՍՍՍ. — Ուր թանգ կը վճարես մի մութ ու խոնաւ անկիւնի համար:

ՄՈՎՍԷՍ. — Եւ գեղեցիկ պարտէզներ . . .

ՍՍՍ. — Ուր դու ժամանակ չես ունենալ գնալու:

ՄՈՎՍԷՍ. — Հապա թատրոնը . . .

ՍՍՍ. — Հապա այն խնայութիւնները որ պիտի անէիր: Ի՛նչպէս, դու կամենում ես գրանալ քաղաք ապրել և զուարճութիւնների վերայ ես մտածում. թէ այդպէս է, կորած ես: Ով որ խելքը միտքը զուարճութեան է տալիս, շուտով անգործութեան է սովորում. այդպիսի մարդու վերջը լաւ չի լինիլ:

ՄՈՎՍԷՍ. — Բայց ես միայն գործս կատարելուց յետոյ կը զուարճանամ աշխատութիւնից հանգստանալու համար:

ՍՍՍ. — Երբ մարդ ամբողջ օրը ինչպէս հարկն է աշխատում է, շատ անգամ այնպէս յոգնած է լինում որ ոչ մի զուարճութիւն աչքումը չէ գալիս. ուր թողնենք որ զուարճութիւնը համարեա միշտ թանգ է նստում:

ՄՈՎՍԷՍ. — Ես կարող եմ զուարճանալ առանց փող մսխելու. օրինակի համար, զիրք կարդալով, բարեկամներիս հետ խօսելով և ըզբօսներով:

ՍՍՍ. — Գիւղումն էլ կարելի է զիրք կարդալ, խօսակցել և զբօսնել, դորա համար հարկ չկայ քաղաք գնալ. այս էլ կայ որ մեծ քաղաքներում մարդ աւելի է հիւանդանում քան զիւղում:

ՈՒՍՈՒՑԻՉԸ. — Սիրելի Մովսէս, պէտք է միշտ ամէն բանի լաւ ու վատ կողմերն առնել և իրարու հետ բաղդատել, որ սխալ բան չբռնենք: Զոր օրինակ, մի ապրանք որ քիչ արժէ՝ սովորաբար քիչ էլ կը գլխանայ, որովհետև վճարած փողիդ համեմատ կը ստանաս. այս ինչ պարագմունքը կարող է յոգնեցուցիչ լինել, բայց առողջութեան համար անվնաս է. այն ինչ պարագմունքը թեթեւ է, բայց առողջութեան վնասակար է: Մի արհեստի մէջ մարդ մեծ վարձ է ստանում, բայց երեք կամ չորս ամիս անգործ

է մնում, այնպէս որ յաճախ աւելի լաւ կը լինէր պակաս վարձ ստանալ և մի հաստատուն գործ ունենալ:

ՄՈՎՍԷՍ. — Ուրեմն ես կը ցանկայի հարուստ լինել: Հարստութիւնը վատ կողմեր չունի:

ՈՒՍՈՒՑԻՉԸ. — Սխալվում էք, բարեկամ: Հարուստը միշտ հոգսերից ազատ չէ, նա շատ անգամ իւր ունեցածը վտանգի է ենթարկում, և այդ այնպիսի մեծ հոգս է որ նորա ակորժակն ու քունը կտրում է. պահպանելը երբեմն այնքան դժուար է որքան և ձեռք բերելը: Գարձեալ հարուստը միշտ հեռու չէ կարող պահել իրան սնապարծութիւնից, փառասիրութիւնից ու հպարտութիւնից, որ մենք մեր համեստ դրութեան մէջ չունինք, և այս բաները մեծ ցաւ են պատճառում, շատ աւելի մեծ ցաւ քան այն մանր մունր զրկողութիւնները որոնց կարող ենք հանդիպել մեր ամէնօրեայ կեանքում: Հարուստը չզիտէ թէ ինչ բան է պակասութիւնը, բայց աւելորդն էլ երբեմն ցաւ է պատճառում. մարդ միշտ ակորժակ չունի ուտելու այն թանկագին կերակուրները (որ միշտ նոյնքան առողջարար չեն որքան թանկագին), որոնք բերվում են իւր սեղանի վրայ, և եթէ զօռով ուտում է, հիւան-

դանում է . . . մարդիկ չափազանց շատ ուտելուց նոյնքան յաճախ են մեռնում որքան և բաւական բան չուտելուց: Չնայելով այս բոլորին, ես չեմ ասիլ ձեզ թէ աւելի լաւ է ազքատ լինել քան հարուստ, բայց կ'ասեմ և կը կրկնեմ, որ ամենայն հարստութեան սկիզբը աշխատութիւնն է: Ուրեմն եթէ կամենում էք հարստանալ, աշխատեցէք: Միայն, այդ նպատակով աշխատելու ժամանակ մի մոռանաք որ փողը մենակ չէ կարող բաղդաւորութիւն տալ, այլ կարող է օգնել մեզ բաղդաւոր լինելու, եթէ այնքան խելացի կը լինինք որ իմանանք պատուաւոր ու օգտակար կերպով գործ դնել մեր հարստութիւնը:

ՄՈՎՍԷՍ. — Ես կը մտածեմ ձեր ասածները վրայ, և մի բան անելուց առաջ կը քննեմ նորա լաւ և վատ կողմերը:»

## Յ Ա Ն Կ

Գ Ր Ք Ո Յ Կ Ի Ս Մ Է Ջ Գ Ո Ր Ծ Ա Ծ Ո Ւ Ա Ս Ծ

ՏՆՏԵՍԱԿԱՆ ԲԱՌԵՐԻ

առաջարկ	offre	предложение
արժէք	valeur	цѣнность
արժէթուղթ	billet de valeur	цѣнная бумага
արդիւնք	produit	продуктъ
արտադրել	produire	производить
արտադրող	producteur	производитель
արտադրութիւն	production	произведение
բաժնէտուն	action	акція
բանթող	grève	забастовка
բաշխ	dividende	дивидендъ
գին	prix	цѣна
գործակցական ընկ.	société coopérative	кооперативное общество
դաշնակապ	coalition	стачка
դրամագլուխ	capital	капиталь
— հաստատուն	— fixe	— постоянный
— շրջաբերելի	— circulant	— оборотный
— մտաւոր	— intellectuel	— умственный
դրամատէր	capitaliste	капиталистъ
գեղջ	escomte	вычетъ, дисконтъ
գեղջել	escomter	вычитать
ընթացք	cours	курсъ
բռնի ընթացք	cours forcé	принудительный курсъ

ընթացիկ հաշիւ	compte courant	текущий счёт
ծախք	frais	издержки
— արտադրութեան	— de production	— производства
կանխիկ	comptant	наличными день-
		гами
հարկ	impôt	налогъ
— ուղղակի	— direct	— прямой
— կողմնակի	— indirect	— косвенный
մենախառնութիւն	monopole	монополия
մրցում	concurrence	конкуренция
նիւթ	matière	предметъ
նախնական նիւթեր	— s premières	сырьё, сырыя произведения
շահ, օգուտ	bénéfice	выгода
շահել, վաստիկել	gagner	заработать
շահաստան	débouché	сбытъ
շտեմարան	dépôt	складъ
շրջաբերութիւն	circulation	обращение
պահանջ	demande	спросъ
պարտատուն	obligation	облигация
սպառել	consommer	потреблять
սպառող	consommateur	потребитель
վարկ	crédit	кредитъ
տոկոս	intérêt	процентъ
փոխանակութիւն	échange	мѣна
օգտակարութիւն	utilité	полезность

**ԲՈՎԱՆԿԱԿՈՒԹԻՒՆ**

ՅԵԹԵԼՆԵՐՆ	3
Օգտակարութիւն և արժէք	7
Իրական և երեւակայական օգտակարութիւն	10
Սեպհականութիւն	14
Ի՞նչ է նշանակում աշխատել	18
Աշխատութիւնը կարէք է	21
Աշխատութիւնը պատուաւոր է	23
Աշխատութեան բաժանում. — 1) Իրողութիւնը	26
Աշխատութեան բաժանում. — 2) Պատճառը	30
Փոխանակութիւն	34
Փող	38
Գին. — Արտադրութեան ծախքերը	43
Գին. — Առաջարկ և պահանջ	45
Գին. — Ո՞չ աւելի ազդեցութիւն ունի գնի վրայ, քը- նո՞ղ թէ ծախողը	50
Ոսկի և հարստութիւն	55
Թղթադրամ	59
Պարտամուրհակ. — Բանք	62
Վարկ	69
Դրամազուլս	73
Զանազան տեսակ դրամազուլսներ	78
Դրամազլխի տոկոսը	83

Դրամագլխի տոկոսը և շահը . . . . .	91
Վարձի զանազան տեսակները . . . . .	98
Դաշնակապ. — Բանժող . . . . .	103
Գործակցական ընկերութիւն . . . . .	110
Մեքենաներ . . . . .	114
Մրցում . . . . .	121
Մենավաճառութիւն . . . . .	125
Սպառում . . . . .	131
Շուայութիւն և խնայութիւն . . . . .	135
Վաճառականութիւն . . . . .	138
Վաճառաշրջիկ և շահատես վաճառականներ . . . . .	146
Շահաստաններ . . . . .	152
Հաղորդակցութեան ճանապարհներ . . . . .	156
Ապահովութիւն . . . . .	161
Հարկեր . . . . .	164
Լաւ և վատ կողմերը . . . . .	170
ՏԵՆԿ ՏԵՏԵՍՏԵԿՆ ԲՈՒԵՐԻ . . . . .	177

ՀԱՅԿԱՍՏԱՆԻ ԿՐԹԱՆՈՒՅԻՆ ԿԵՆՏՐՈՆ  
ՀԱՅԿԱՍՏԱՆԻ ԿՐԹԱՆՈՒՅԻՆ ԿԵՆՏՐՈՆ  
ՀԱՅԿԱՍՏԱՆԻ ԿՐԹԱՆՈՒՅԻՆ ԿԵՆՏՐՈՆ  
ՀԱՅԿԱՍՏԱՆԻ ԿՐԹԱՆՈՒՅԻՆ ԿԵՆՏՐՈՆ

« Ազգային գրադարան



NL0240369

